

अथाष्टमोऽष्टकः

प्रथमोऽध्यायः

। व० १-३० ।

(१) प्रथमं सूक्तम्

(१-१०) दशर्चस्यास्य सूक्तस्य भालन्दनो वत्सप्रिर्ऋषिः । अग्निर्देवता ।

त्रिष्टुप् छन्दः

प्र होता जातो महान् नभोविन्ऋषद्वा सीददुपामुपस्थे ।
दधिर्यो धायि स ते वयांसि यन्ता वसूनि विधते तनूपाः १
इमं विधन्तो अपां सधस्थे पशुं न नष्टं पदैरनु ग्मन् ।
गुहा चतन्तमुशिजो नमोभिरिच्छन्तो धीरा भृगवोऽविन्दन् २
इमं त्रितो भूर्यविन्ददिच्छन् वैभूवसो मूर्धन्यघ्नचायाः ।
स शेवृधो जात आ हर्म्येषु नाभिर्युवा भवति रोचनस्य ३
मुन्द्रं होतारमुशिजो नमोभिः प्राञ्च यज्ञं नेतारमध्वराणाम् ।
विशामकृणवन्नरतिं पावकं हव्यवाहं दधतो मानुषेषु ४
प्र भूर्जयन्तं महां विपोधां मूरा अमूरं पुरां दुर्माणम् ।
नर्यन्तो गर्भं वनां धिर्य धुर्हिरिश्मश्रुं नावाणं धनर्चम् ५
नि पुस्त्यासु त्रितः स्तभूयन् परिवीतो योनौ सीददुन्तः ।
अतः संगृभ्यां विशां दमूना विधर्मणायन्त्रैरीयते नृन् ६
अस्याजरासो दुमामरित्रा अर्चद्धमासो अग्रयः पावकाः ।
श्वितीचयः श्वात्रासो भुरणयवो वनर्षदो वायवो न सोमाः ७
प्र जिह्वया भरते वेपो अग्निः प्र वयुनानि चेतसा पृथिव्याः ।
तमायवः शचयन्तं पावकं मुन्द्रं होतारं दधिरे यजिष्ठम् ८
द्यावा यमग्निं पृथिवी जनिष्टामापस्त्वष्टा भृगवो यं सहोभिः ।
ईळेन्यं प्रथमं मातरिश्वा देवास्ततक्षुर्मनवे यजत्रम् ९
यं त्वा देवा दधिरे हव्यवाहं पुरुस्पृहो मानुषासो यजत्रम् ।
स यामन्नग्रे स्तुवते वयो धाः प्र देवयन् यशसः सं हि पूर्वीः १०

(२) द्वितीयं सूक्तम्

(१-८) अष्टर्चस्यास्य सूक्तस्याङ्गिरसः सप्तगुर्ऋषिः । वैकुण्ठ इन्द्रो देवता ।

त्रिष्टुप् छन्दः

जृगृभ्मा ते दक्षिणमिन्द्र हस्तं वसूयवो वसुपते वसूनाम् ।
विद्या हि त्वा गोपतिं शूर गोनामस्मभ्यं चित्रं वृषणं रयिं दाः १
स्वायुधं स्ववसं सुनीथं चतुःसमुद्रं धरुणं रयीणाम् ।
चर्कृत्यं शंस्यं भूरिवारमस्मभ्यं चित्रं वृषणं रयिं दाः २
सुब्रह्माणं देववन्तं बृहन्तमुरुं गभीरं पृथुबुधमिन्द्र ।
श्रुतऋषिमुग्रमभिमातिषाहमस्मभ्यं चित्रं वृषणं रयिं दाः ३
सनद्वाजं विप्रवीरं तरुत्रं धनुस्पृतं शूशवांसं सुदक्षम् ।
दस्युहनं पूर्भिदमिन्द्र सत्य-मस्मभ्यं चित्रं वृषणं रयिं दाः ४
अश्वोवन्तं रथिनं वीरवन्तं सहस्रिणं शतिनं वाजमिन्द्र ।
भद्रव्रातं विप्रवीरं स्वर्षा-मस्मभ्यं चित्रं वृषणं रयिं दाः ५
प्र सप्तगुमृतधीतिं सुमेधां बृहस्पतिं मतिरच्छां जिगाति ।
य आङ्गिरसो नमसोपसद्यो ऽस्मभ्यं चित्रं वृषणं रयिं दाः ६
वनीवानो मम दूतास इन्द्रं स्तोमाश्चरन्ति सुमतीरियानाः ।
हृदिस्पृशो मनसा वच्यमाना अस्मभ्यं चित्रं वृषणं रयिं दाः ७
यत् त्वा यामि दद्धि तन्न इन्द्र बृहन्तं क्षयमसमं जनानाम् ।
अभि तद् द्यावापृथिवी गृणीता-मस्मभ्यं चित्रं वृषणं रयिं दाः ८

(३) तृतीयं सूक्तम्

(१-११) एकादशर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता ।

(१-६, ८-९) प्रथमादितृचद्वयस्याष्टमीनवम्योऋचोश्च जगती, (७, १०-११)

सप्तमीदशम्येकादशीनाञ्च त्रिष्टुप् छन्दसी

अहं भुवं वसुनः पूर्व्यस्पतिरहं धनानि सं जयामि शश्वतः ।
मां हवन्ते पितरं न जन्तवो ऽहं दाशुषे वि भजामि भोजनम् १
अहमिन्द्रो रोधो वक्षो अथर्वणस्त्रितायु गा अजनयमहेरधि ।
अहं दस्युभ्यः परि नृम्णमा ददे गोत्रा शिक्षन् दधीचे मातरिश्चने २
मह्यं त्वष्टा वज्रमतक्षदायसं मयि देवासोऽवृजन्नपि क्रतुम् ।
ममानीकं सूर्यस्येव दुष्टरं मामार्यन्ति कृतेन कर्त्वेन च ३
अहमेतं गव्ययमश्वयं पशुं पुरीषिणं सायकेना हिरण्ययम् ।
पुरू सहस्रा नि शिशामि दाशुषे यन्मा सोमास उविथनो अमन्दिषुः ४

अहमिन्द्रो न परा जिग्य इद्धनं न मृत्यवेऽव तस्थे कदा चन ।
 सोममिन्मा सुन्वन्तो याचता वसु न मै पूरवः सख्ये रिषाथन ५
 अहमेताञ्छाश्चसतो द्वाद्देन्द्रं ये वज्रं युधयेऽकृणवत ।
 आह्वयमानाँ अव हन्मनाहनं दृळहा वदन्ननमस्युर्नमस्विनः ६
 अभीइदमेकमेको अस्मि निष्पाळभी द्वा किमु त्रयः करन्ति ।
 खले न पर्षान् प्रति हन्मि भूरि किं मा निन्दन्ति शत्रवोऽनिन्द्राः ७
 अहं गुङ्गुभ्यो अतिथिग्वमिष्करमिषं न वृत्रतुरं विक्षु धारयम् ।
 यत् पर्णयघ्न उत वा करञ्जहे प्राहं महे वृत्रहत्ये अशुश्रवि ८
 प्र मे नमी साप्य इषे भुजे भूद्रवामेषे सख्या कृणुत द्विता ।
 दिद्युं यदस्य समिथेषु मंहयमादिदेनं शंस्यमुक्थ्यं करम् ९
 प्र नेमस्मिन् ददृशे सोमो अन्तर्गोपा नेममाविरस्था कृणोति ।
 स तिगमशृङ्गं वृषभं युयुत्सन् द्रुहस्तस्थौ बहुले बद्धो अन्तः १०
 आदित्यानां वसूनां रुद्रियाणां देवो देवानां न मिनामि धाम ।
 ते मा भद्राय शर्वसे ततक्षुरपराजितमस्तृतमषाळहम् ११

(४) चतुर्थं सूक्तम्

(१-११) एकादशर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता ।

(१, ३-१०) प्रथमर्चस्तृतीयाद्यष्टानाञ्च जगती,

(२, ११) द्वितीयैकादशयोश्च त्रिष्टुप् छन्दसी

अहं दां गृणते पूर्वं वस्वहं ब्रह्म कृणवं मह्यं वर्धनम् ।
 अहं भुवं यजमानस्य चोदिताऽयज्वनः साक्षि विश्वस्मिन् भरै १
 मां धुरिन्द्रं नाम देवता दिवश्च गमश्चापां च जन्तवः ।
 अहं हरी वृषणा विव्रता रघू अहं वज्रं शर्वसे धृषवा ददे २
 अहमत्कं कवये शिशनथं हथैरहं कुत्समावमाभिरूतिभिः ।
 अहं शुष्णास्य शनथिता वर्धयमं न यो रर आर्यं नाम दस्यवे ३
 अहं पितेव वेतसूरंभिष्टये तुग्रं कुत्साय स्मदिभं च रन्धयम् ।
 अहं भुवं यजमानस्य राजनि प्र यद्धरे तुजये न प्रियाधृषे ४
 अहं रन्धयं मृगयं श्रुतवणे यन्माजिहीत वयुनां चनानुषक् ।
 अहं वेशं नम्रमायवैऽकरमहं सव्याय पङ्गुभिमरन्धयम् ५
 अहं स यो नववास्त्वं बृहद्रथं सं वृत्रेव दासं वृत्रहारुजम् ।

यद्दुर्धर्यन्तं प्रथर्यन्तमानुषगदूरे पारे रजसो रोचनाकरम् ६
 अहं सूर्यस्य परि याम्याशुभिः प्रैतशेभिर्वहमान् ओजसा ।
 यन्मा सावो मनुषु आहं निर्णिज् ऋधक कृषे दासं कृत्वयं हथैः ७
 अहं सप्तहा नहृषो नहृष्टरः प्राश्रावयुं शर्वसा तुर्वशं यदुम् ।
 अहं न्यश्न्यं सहसा सहस्करं नव् ब्राधतो नवतिं च वक्षयम् ८
 अहं सप्त स्रवतौ धारयुं वृषा द्रवित्वः पृथिव्यां सीरा अधि ।
 अहमर्णासि वि तिरामि सुक्रतुर्युधा विदं मनवे गातुमिष्टये ९
 अहं तदासु धारयुं यदासु न देवश्चन त्वष्टाधारयदुशत् ।
 स्पार्हं गवामूधःसु वक्षणास्वा मधोर्मधु श्वात्र्यं सोममाशिरम् १०
 एवा देवाँ इन्द्रो विव्ये नृन् प्र च्यौत्वेन मघवा सत्यराधाः ।
 विश्वेत् ता तै हरिवः शचीवो ऽभि तुरासः स्वयशो गृणन्ति ११

(५) पञ्चमं सूक्तम्

(१-७) सप्तर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता । (१-
 २, ६-७) प्रथमाद्वितीययोर्ऋचोः षष्ठीसप्तम्योश्च जगती, (३-४)
 तृतीयाचतुर्थ्योरभिसारिणी, (५) पञ्चम्याश्च त्रिष्टुप् छन्दांसि
 प्र वो महे मन्दमानायान्धसो ऽर्चा विश्वानराय विश्वाभुवै ।
 इन्द्रस्य यस्य सुमखं सहो महि श्रवो नृम्णं च रोदसी सपर्यतः १
 सो चिन्नु सख्या नर्यं इनः स्तुतश्चर्कृत्य इन्द्रो मार्वते नरै ।
 विश्वासु धूर्षु वाजकृत्येषु सत्यते वृत्रे वाप्स्वशुभि शूर मन्दसे २
 के ते नर इन्द्र ये त इषे ये तै सुम्रं सधन्यश्मियत्तान् ।
 के ते वाजायासुर्याय हिन्विरे के अप्सु स्वासूर्वरासु पौस्यै ३
 भुवस्त्वमिन्द्र ब्रह्मणा महान् भुवो विश्वेषु सर्वनेषु यज्ञियः ।
 भुवो नृश्च्यौतो विश्वस्मिन् भरे ज्येष्ठश्च मन्त्रौ विश्वचर्षणे ४
 अवा नु कं ज्यायान् यज्ञर्वनसो महीं त ओमात्रां कृष्टयो विदुः ।
 असो नु कं मजरो वर्धाश्च विश्वेदेता सर्वना तूतुमा कृषे ५
 एता विश्वा सर्वना तूतुमा कृषे स्वयं सूनो सहसो यानि दधिषे ।
 वराय ते पात्रं धर्मणे तना यज्ञो मन्त्रो ब्रह्मोद्यतं वचः ६
 ये तै विप्र ब्रह्मकृतः सुते सचा वसूनां च वसुनश्च दावनै ।
 प्र ते सुम्रस्य मनसा पथा भुवन् मदै सुतस्य सोम्यस्यान्धसः ७

(६) षष्ठं सूक्तम्

(१-६) नवर्चस्यास्य सूक्तस्य (१, ३, ५, ७, ९)

प्रथमातृतीयापञ्चमीसप्तमीनवमीनामृचां देवाः, (२, ४, ६, ८)

द्वितीयाचतुर्थीषष्ठ्यष्टमीनाञ्च सौचीकोऽग्निर्ऋषयः । (१, ३, ५, ७, ९)

प्रथमातृतीयापञ्चमीसप्तमीनवमीनामृचामग्निः, (२, ४, ६, ८)

द्वितीयाचतुर्थीषष्ठ्यष्टमीनाञ्च देवा देवताः । त्रिष्टुप् छन्दः

म॒हत् दु॒ल्बं स्थ॒वि॒रं तदा॑सी॒द्येनावि॑ष्टितः प्र॒वि॒वेशि॑थापः ।
 विश्वा॑ अप॒श्यद्ब॒हुधा॑ तै॒ अग्ने॑ जा॒तवे॑दस्त॒न्वो दे॒व एकः॑ १
 को मा॑ ददर्श क॒तमः॑ स दे॒वो यो मे॑ त॒न्वो बहु॑धा प॒र्यप॑श्यत् ।
 क्वाह॑ मि॒त्रावरु॑णा क्षि॒यन्त्य॒ग्नेर्वि॑श्वाः स॒मिधो॑ दे॒व्यानीः॑ २
 ऐ॒च्छाम॑ त्वा बहु॒धा जा॑तवे॒दः प्र॒विष्ट॑म॒ग्ने अ॒प्स्वोष॑धीषु ।
 तं त्वा॑ य॒मो अ॒चिके॑च्चि॒त्रभानो॑ दशान्तरु॒ष्याद॑तिरोच॒मानम्॑ ३
 हो॒त्राद्द॒हं व॑रु॒ण बि॒भ्यदा॑यं॒ नेदे॒व मा॑ यु॒नज॑न्न॒त्र दे॒वाः ।
 तस्य॑ मे त॒न्वो बहु॑धा नि॒विष्टा॑ ए॒तम॒र्थं न चि॑के॒ताह॑म॒ग्निः ४
 ए॒हि म॒नु॒र्दे॒व्यु॒र्यज्ञ॑कामो ऽ॒रंकृ॑त्या॒ तम॑सि क्षे॒ष्यग्ने॑ ।
 सु॒गान् प॒थः कृ॑णु॒हि दे॒व्याना॑न् वह॑ ह॒व्यानि॑ सु॒मन॑स्य॒मानः॑ ५
 अ॒ग्नेः पूर्वे॑ भ्रा॒तरो॑ अ॒र्थमे॑तं र॒थीवा॑ध्वा॒नम॒न्वाव॑रीवुः ।
 तस्मा॑द्भिया॒ वरु॑ण दू॒रमा॑यं गौ॒रो न क्षे॒प्रोर॑वि॒जे ज्या॑याः ६
 कु॒र्मस्त॒ आयु॑र॒जरं॒ यद॑ग्ने॒ यथा॑ यु॒क्तो जा॑तवे॒दो न रि॑ष्याः ।
 अ॒था वहा॑सि सु॒मन॑स्य॒मानो भा॑गं दे॒वेभ्यो॑ ह॒विषः॑ सु॒जात॑ ७
 प्र॒या॒जान् मे॑ अ॒नुया॑जांश्च॒ के॒वल॑ानू॒र्जस्व॑न्तं ह॒विषो॑ दत्त॒ भा॒गम् ।
 घृ॒तं चा॒पां पुरु॑षं चो॒षधी॑नाम॒ग्नेश्च॑ दी॒र्घमा॑यु॒रस्तु॑ दे॒वाः ८
 तव॑ प्र॒या॒जा अ॒नुया॑जाश्च॒ के॒वल॑ ऊ॒र्जस्व॑न्तो ह॒विषः॑ सन्तु॒ भा॒गाः ।
 तवा॑ग्ने॒ यज्ञो॑ऽय॒मस्तु॑ स॒र्वस्तु॑भ्यं नम॒न्तां प्र॒दिश॑श्च॒तस्रः॑ ९

(७) सप्तमं सूक्तम्

(१-६) षडृचस्यास्य सूक्तस्य सौचीकोऽग्निर्ऋषिः । विश्वे देवा देवताः ।

त्रिष्टुप् छन्दः

विश्वे॑ दे॒वाः शा॒स्तन॑ मा॒ यथे॒ह होता॑ वृ॒तो म॒नवै॑ यन्नि॒षद्य॑ ।
 प्र॒ मे॑ ब्रू॒त भा॒ग॒धेयं॑ यथा॒ वो॒ येन॑ प॒था ह॒व्यमा॑ वो॒ वहानि॑ १

अहं होता न्यसीदं यजीयान् विश्वे देवा मरुतो मा जुनन्ति ।
 अहरहरश्चिनाध्वर्यवं वां ब्रह्मा समिद्धवति साहुतिर्वाम् २
 अयं यो होता किरु स यमस्य कमप्यूहे यत् समञ्जन्ति देवाः ।
 अहरहर्जायते मासिमास्यथा देवा दधिरे हव्यवाहम् ३
 मां देवा दधिरे हव्यवाहमपम्लुक्तं बहु कृच्छ्रा चरन्तम् ।
 अग्निर्विद्वान् यज्ञं नः कल्पयाति पञ्चयामं त्रिवृतं सप्ततन्तुम् ४
 आ वो यक्ष्यमृतत्वं सुवीरं यथा वो देवा वरिवः कराणि ।
 आ ब्राह्मोर्वज्रमिन्द्रस्य धेयामथेमा विश्वाः पृतना जयाति ५
 त्रीणि शता त्री सहस्राण्यग्निं त्रिंशच्च देवा नवं चासपर्यन् ।
 औक्षन् घृतैरस्तृणन् बर्हिरस्मा आदिद्धोतारं न्यसादयन्त ६

(८) अष्टमं सूक्तम्

(१-११) एकादशर्चस्यास्य सूक्तस्य (१-३, ६-११) प्रथमादितृचस्य
 षष्ठ्यादितृचद्वयस्य च देवाः, (४-५) चतुर्थीपञ्चम्योर्ऋचोश्च सौवीकोऽग्निर्ऋषयः ।
 (१-३, ६-११) प्रथमादितृचस्य षष्ठ्यादितृचद्वयस्य चाग्निः, (४-५)
 चतुर्थीपञ्चम्योर्ऋचोश्च देवा देवताः । (१-५, ८) प्रथमादिपञ्चार्चामष्टम्याश्च त्रिष्टुप्
 (६-७, ९-११) षष्ठीसप्तम्योर्नवम्यादितृचस्य च जगती छन्दसी
 यमैच्छाम् मनसा सोऽयमागाद्यज्ञस्य विद्वान् परुषश्चिकित्वान् ।
 स नो यक्षद् देवताता यजीयान् नि हि षत्सदन्तरः पूर्वो अस्मत् १
 अराधि होता निषदा यजीयान्भि प्रयासि सुधितानि हि ख्यत् ।
 यजामहै यज्ञियान् हन्त देवाँ ईळामहा ईड्याँ आज्येन २
 साध्वीमर्कदेववीतिं नो अद्य यज्ञस्य जिह्वामविदाम् गुह्याम् ।
 स आयुरागात् सुरभिर्वसानो भद्रामर्कदेवहृतिं नो अद्य ३
 तदद्य वाचः प्रथमं मसीय येनासुराँ अभि देवा असाम् ।
 ऊर्जाद उत यज्ञियासः पञ्च जना मम होत्रं जुषध्वम् ४
 पञ्च जना मम होत्रं जुषन्तां गोजाता उत ये यज्ञियासः ।
 पृथिवी नः पार्थिवात् पात्वंहसोऽन्तरिक्षं दिव्यात्पात्वस्मान् ५
 तन्तुं तन्वन् रजसो भानुमन्विहि ज्योतिष्मतः पथो रक्ष धिया कृतान् ।
 अनुल्बणं वयत् जोगुवामपो मनुर्भव जनया दैव्यं जनम् ६
 अक्षानहौ नह्यतनोत सौम्या इष्कृणुध्वं रशना ओत पिशत ।

अष्टावन्धुरं वहताभितो रथं येन देवासो अनयन्नभि प्रियम् ७
 अश्मन्वती रीयते सं रभध्वमुत्तिष्ठत् प्र तरता सखायः ।
 अत्रा जहाम् ये असन्नशैवाः शिवान् वयमुत्तरिमाभि वाजान् ८
 त्वष्टा माया वैदपसामपस्तमो बिभ्रत् पात्रा देवपानानि शन्तमा ।
 शिशीते नूनं परशं स्वायसं येन वृश्वादेतशो ब्रह्मणस्पतिः ९
 सतो नूनं केवयः सं शिशीत् वाशीभिर्याभिरमृताय तक्षथ ।
 विद्वांसोः पदा गुह्यानि कर्तनु येन देवासो अमृतत्वमानुशुः १०
 गर्भे योषामदधुर्वत्समासन्यपीच्येन मनसोत जिह्वया ।
 स विश्वाहा सुमना योग्या अभि सिषासनिर्वनते कार इज्जितिम् ११

(९) नवमं सूक्तम्

(१-६) षडृचस्यास्य सूक्तस्य वामदेव्यो बृहदुक्थ ऋषिः । इन्द्रो देवता ।

त्रिष्टुप् छन्दः

तां सु ते कीर्तिं मघवन् महित्वा यत् त्वा भीते रोदसी अह्वयेताम् ।
 प्रावो देवाँ आतिरो दासमोजः प्रजायै त्वस्यै यदशिक्ष इन्द्र १
 यदचरस्तन्वा वावृधानो बलानीन्द्र प्रब्रुवाणो जनैषु ।
 मायेत् सा ते यानि युद्धान्याहर्नाद्य शत्रु ननु पुरा विवित्से २
 क उ नु ते महिमनः समस्याऽस्मत् पूर्व ऋषयोऽन्तमापुः ।
 यन्मातरं च पितरं च साकमजनयथास्तन्वः स्वायाः ३
 चत्वारिं ते असुर्याणि नामाऽदाभ्यानि महिषस्य सन्ति ।
 त्वमङ्ग तानि विश्वानि वित्से येभिः कर्माणि मघवञ्चकथ ४
 त्वं विश्वा दधिषे केवलानि यान्याविर्या च गुहा वसूनि ।
 काममिन्मै मघवन् मा वि तारीस्त्वमाज्ञाता त्वमिन्द्रासि दाता ५
 यो अदधाञ्ज्योतिषि ज्योतिरन्तर्यो असृजन्मधुना सं मधूनि ।
 अर्धं प्रियं शूषमिन्द्राय मन्म ब्रह्मकृतौ बृहदुक्थादवाचि ६

(१०) दशमं सूक्तम्

(१-८) अष्टर्चस्यास्य सूक्तस्य वामदेव्यो बृहदुक्थ ऋषिः । इन्द्रो देवता ।

त्रिष्टुप् छन्दः

दूरे तन्नाम गुह्यं पराचैर्यत्त्वा भीते अह्वयेतां वयोधै ।

उदस्तभ्नाः पृथिवीं द्यामभीके भ्रातुः पुत्रान् मघवन् तित्विषाणः १
महत् तन्नाम् गुह्यं पुरुस्पृग् येन भूतं जनयो येन भव्यम् ।
प्रब्रं जातं ज्योतिर्यदस्य प्रियं प्रियाः समविशन्त पञ्च २
आ रोदसी अपृणादोत मध्यं पञ्च देवाँ ऋतुशः सप्तसप्त ।
चतुस्त्रिंशता पुरुधा वि चष्टे सरूपेण ज्योतिषा विव्रतेन ३
यदुषु औच्छः प्रथमा विभानामर्जनयो येन पुष्टस्य पुष्टम् ।
यत् तै जामित्वमवरं परस्या महन्महत्या असुरत्वमेकम् ४
विधुं दद्राणं समने बहूनां युवानं सन्तं पलितो जगार ।
देवस्य पश्य काव्यं महित्वा ऽद्या ममार स ह्यः समान ५
शाक्मना शाको अरुणः सुपर्ण आ यो महः शूरः सनादनीळः ।
यच्चिकेत सत्यमित् तन्न मोघं वसुं स्पार्हमुत जेतोत दाता ६
ऐभिर्ददे वृष्या पौस्यानि येभिरौक्षद्वृत्रहत्याय वृज्जी ।
ये कर्मणः क्रियमाणस्य मह ऋतेकर्ममुदजायन्त देवाः ७
युजा कर्माणि जनयन् विश्वौजा अशस्तिहा विश्वमनास्तराषाट् ।
पीत्वी सोमस्य दिव आ वृधानः शूरो निर्युधाधमहस्यून ८

(११) एकादशं सूक्तम्

- (१-७) सप्तर्चस्यास्य सूक्तस्य वामदेव्यो बृहदुक्थ ऋषिः । विश्वे देवा देवताः ।
(१-३, ७) प्रथमादितृचस्य सप्तम्या ऋचश्च त्रिष्टुप्, (४-६) चतुर्थ्यादितृचस्य च
जगती छन्दसी

इदं त एकं पुर ऊं त एकं तृतीयैन् ज्योतिषा सं विशस्व ।
संवेशने तन्वश्शाररेधि प्रियो देवानां परमे जनित्रे १
तनूष्टे वाजिन् तन्वंश् नयन्ती वाममस्मभ्यं धातु शर्म तुभ्यम् ।
अहुतो महो धरुणाय देवान् दिवीव ज्योतिः स्वमा मिमीयाः २
वाज्यसि वाजिनेना सुवेनीः सुवितः स्तोमं सुवितो दिवं गाः ।
सुवितो धर्मं प्रथमानु सत्या सुवितो देवान् त्सुवितोऽनु पत्नं ३
महिम्न एषां पितरश्चनेशिरि देवा देवेष्वदधुरपि क्रतुम् ।
समविव्यचुरुत यान्यत्विषुरैषां तनूषु नि विविशुः पुनः ४
सहोभिर्विश्वं परि चक्रमू रजः पूर्वा धामान्यमिता मिमानाः ।
तनूषु विश्वा भुवना नि यैमिरे प्रासारयन्त पुरुध प्रजा अन्तु ५

द्विधा सूनवोऽसुरं स्वर्विदुमास्थापयन्त तृतीयैः कर्मणा ।
स्वां प्रजां पितरः पित्र्यं सह आवरेष्वदधुस्तन्तुमाततम् ६
नावा न क्षोर्दः प्रदिशः पृथिव्याः स्वस्तिभिरति दुर्गाणि विश्वा ।
स्वां प्रजां बृहदुक्थो महित्वा ऽऽवरेष्वदधादा परेषु ७

(१२) द्वादशं सूक्तम्

(१-६) षड्चस्यास्य सूक्तस्य बन्धुः श्रुतबन्धुर्विप्रबन्धुर्गौपायना ऋषयः । विश्वे देवा
देवताः । गायत्री छन्दः

मा प्र गाम पथो वयं मा यज्ञादिन्द्र सोमिनः । मान्तः स्थुर्नो अरातयः १
यो यज्ञस्य प्रसाधनस्तन्तुर्देवेष्वारततः । तमाहुतं नशीमहि २
मनो न्वा हुवामहे नाराशंसेन सोमेन । पितृणां च मन्मभिः ३
आ त एतु मनः पुनः क्रत्वे दक्षाय जीवसे । ज्योक् च सूर्यं दृशे ४
पुनर्नः पितरो मनो ददातु दैव्यो जनः । जीवं वारत सचेमहि ५
वयं सोम वृते तव मनस्तनूषु बिभ्रतः । प्रजावन्तः सचेमहि ६

(१३) त्रयोदशं सूक्तम्

(१-१२) द्वादशर्चस्यास्य सूक्तस्य बन्धुः श्रुतबन्धुर्विप्रबन्धुर्गौपायना ऋषयः ।
आवर्तमानं मनो देवता । अनुष्टुप् छन्दः

यत् ते यमं वैवस्वतं मनो जगाम दूरकम् । तत् त आ वर्तयामसीह क्षयाय
जीवसे १
यत् ते दिवं यत् पृथिवीं मनो जगाम दूरकम् । तत् त आ वर्तयामसीह
क्षयाय जीवसे २
यत् ते भूमिं चतुर्भृष्टिं मनो जगाम दूरकम् । तत् त आ वर्तयामसीह क्षयाय
जीवसे ३
यत् ते चतस्रः प्रदिशो मनो जगाम दूरकम् । तत् त आ वर्तयामसीह क्षयाय
जीवसे ४
यत् ते समुद्रमर्णवं मनो जगाम दूरकम् । तत् त आ वर्तयामसीह क्षयाय
जीवसे ५
यत् ते मरीचीः प्रवतो मनो जगाम दूरकम् । तत् त आ वर्तयामसीह क्षयाय
जीवसे ६

यत् ते अपो यदोषधीर्मनो जगाम दूरकम् । तत् आ वर्तयामसीह क्षयाय
जीवसे ७
यत् ते सूर्यं यदुषसं मनो जगाम दूरकम् । तत् आ वर्तयामसीह क्षयाय
जीवसे ८
यत् ते पर्वतान् बृहतो मनो जगाम दूरकम् । तत् आ वर्तयामसीह क्षयाय
जीवसे ९
यत् ते विश्वमिदं जगन्मनो जगाम दूरकम् । तत् आ वर्तयामसीह क्षयाय
जीवसे १०
यत् ते पराः परावतो मनो जगाम दूरकम् । तत् आ वर्तयामसीह क्षयाय
जीवसे ११
यत् ते भूतं च भव्यं च मनो जगाम दूरकम् । तत् आ वर्तयामसीह क्षयाय
जीवसे १२

(१४) चतुर्दशं सूक्तम्

(१-१०) दशर्चस्यास्य सूक्तस्य बन्धुः श्रुतबन्धुर्विप्रबन्धुर्गौपायना ऋषयः । (१-३)
प्रथमादितृचस्य निर्ऋतिः, (४) चतुर्थ्या ऋचो निर्ऋतिः सोमश्च, (५-६)
पञ्चमीषष्ठ्योरसुनीतिः, (७) सप्तम्याः पृथिवीद्युरन्तरिक्षसोमपूषपथ्यास्वस्तयः,
(८-९, १०) अष्टमीनवम्योर्दशम्या उत्तरार्धस्य च द्यावापृथिव्यौ, (१०) दशम्याः
पूर्वार्धस्य चेन्द्रो देवताः । (१-७) प्रथमादिसप्तर्चा त्रिष्टुप्, (८) अष्टम्याः पङ्क्तिः,
(९) नवम्या महापङ्क्तिः, (१०) दशम्याश्च पङ्क्त्युत्तरा छन्दांसि
प्र तार्यायुः प्रतरं नवीयुः स्थातरिव क्रतुमता रथस्य ।
अध च्यवान् उत तवीत्यर्थं परातरं सु निर्ऋतिर्जिहीताम् १
सामन् नु राये निधिमन्वन्नं करामहे सु पुरुध श्रवांसि ।
ता नो विश्वानि जरिता ममत्तु परातरं सु निर्ऋतिर्जिहीताम् २
अभी ष्वर्ष्यः पौंस्यैर्भवेम् द्यौर्न भूमिं गिरयो नाजान् ।
ता नो विश्वानि जरिता चिकेत परातरं सु निर्ऋतिर्जिहीताम् ३
मो षु णः सोम मृत्यवे परा दाः पश्येम नु सूर्यमुच्चरन्तम् ।
द्युर्भिर्हितो जरिमा सू नो अस्तु परातरं सु निर्ऋतिर्जिहीताम् ४
असुनीते मनो अस्मासु धारय जीवातवे सु प्र तिरा न आयुः ।
रारन्धि नः सूर्यस्य संदृशि घृतेन त्वं तन्व वधयस्व ५

असुनीते पुनरस्मासु चक्षुः पुनः प्राणमिह नो धेहि भोगम् ।
 ज्योक् पश्येम सूर्यमुच्चरन्तमनुमते मृळया नः स्वस्ति ६
 पुनर्नो असु पृथिवी ददातु पुनर्घौर्देवी पुनरन्तरिक्षम् ।
 पुनर्नः सोमस्तन्व ददातु पुनः पूषा पृथ्यांश्च या स्वस्तिः ७
 शं रोदसी सुबन्धवे यही ऋतस्य मातरा ।
 भरतामप यद्रपो द्यौः पृथिवि क्षमा रपो मो षु ते किं चनाममत् ८
 अर्वा द्वुके अर्वा त्रिका दिवश्चरन्ति भेषजा ।
 क्षमा चरिषावेककं भरतामप यद्रपो द्यौः पृथिवि क्षमा रपो मो षु ते किं
 चनाममत् ९
 समिन्द्रेरयु गामनुड्वाहं य आवहदुशीनराण्या अनः ।
 भरतामप यद्रपो द्यौः पृथिवि क्षमा रपो मो षु ते किं चनाममत् १०

(१५) पञ्चदशं सूक्तम्

(१-१२) द्वादशर्चस्यास्य सूक्तस्य (१-५, ७-१२) प्रथमादिपञ्चर्चा
 सप्तम्यादितृचद्वयस्य च बन्धुः श्रुतबन्धुर्विप्रबन्धुर्गोपायना ऋषयः, (६) षष्ठ्याश्चैषां
 मातागस्त्यस्वसा ऋषिका । (१-४, ६) प्रथमादिचतुर्भृचां षष्ठ्याश्चासमातिः,
 (५) पञ्चम्या इन्द्रः, (७-११) सप्तम्यादिपञ्चानां सुबन्धोर्जीवः, (१२) द्वादश्याश्च
 बन्ध्वादीनां हस्ता देवताः । (१-५) प्रथमादिपञ्चर्चा गायत्री, (६-७, १०-१२)
 षष्ठीसप्तम्योर्दशम्यादितृचस्य चानुष्टुप्, (८-९) अष्टमीनवम्योश्च पङ्क्तिश्छन्दांसि
 आ जनं त्वेषसदृशं माहीनानामुपस्तुतम् । अगन्म बिभ्रतो नमः १
 असमातिं नितोशनं त्वेषं निययिनं रथम् । भजेरथस्य सत्पतिम् २
 यो जनान् महिषां इवाऽतितस्थौ पवीरवान् । उतापवीरवान् युधा ३
 यस्यैद्वक्वकुरुप वृते रेवान् मराय्येधते । दिवीव पञ्च कृष्टयः ४
 इन्द्र क्षत्रासमातिषु रथप्रोष्ठेषु धारय । दिवीव सूर्यं दृशे ५
 अगस्त्यस्य नद्यः सप्ती युनक्षि रोहिता ।
 पृणीन् न्यक्रमीरभि विश्वान् राजन्नराधसः ६
 अयं मातायं पिता ऽयं जीवातुरागमत् ।
 इदं तव प्रसर्पणं सुबन्धवेहि निरिहि ७
 यथा युगं वरत्रया नह्यन्ति धरुणाय कम् ।
 एवा दोधार ते मनो जीवातवे न मृत्यवे ऽथो अरिष्टतातये ८

यथेयं पृथिवी मही दाधारेमान् वनस्पतीन् ।

एवा दाधार ते मनो जीवातवे न मृत्यवे ऽथो अरिष्टतातये ९
यमाद्दहं वैवस्वतात् सुबन्धोर्मन् आभरम् । जीवातवे न मृत्यवे ऽथो
अरिष्टतातये १०

न्यश्ग्वातोऽव वाति न्यक् तपति सूर्यः । नीचीनमघ्न्या दुहे न्यग्भवतु ते रपः
११

अयं मे हस्तो भगवानयं मे भगवत्तरः । अयं मे विश्वभेषजो ऽयं
शिवाभिर्मर्शनः १२

(१६) षोडशं सूक्तम्

(१-२७) सप्तविंशत्यृचस्यास्य सूक्तस्य मानवो नाभानेदिष्ट ऋषिः । विश्वे देवा
देवताः । त्रिष्टुप् छन्दः

इदमित्था रौद्रं गूर्तवचा ब्रह्म क्रत्वा शच्यामन्तराजौ ।
क्राणा यदस्य पितरा मंहनेष्ठाः पर्षत् पक्थे अहन्ना सप्त होतृन् १
स इद्दानाय दभ्याय वन्वञ्चयवान्ः सूदैरमिमीत् वेदिम् ।
तूर्वयाणो गूर्तवचस्तमः क्षोदो न रेत इतऊति सिञ्चत् २
मनो न येषु हवनेषु तिग्मं विपुः शच्या वनुथो द्रवन्ता ।
आ यः शर्याभिस्तुविनृम्णो अस्याऽश्रीणीतादिशं गभस्तौ ३
कृष्णा यद्गोष्वरुणीषु सीदद् दिवो नपाताश्विना हुवे वाम् ।
वीतं मे यज्ञमा गतं मे अन्नं ववन्वासा नेषमस्मृतधू ४
प्रथिष्ट यस्य वीरकर्ममिष्णदनुष्ठितं नु नर्यो अपौहत् ।
पुनस्तदा वृहति यत् कनाया दुहितुरा अनुभृतमनुर्वा ५
मध्या यत् कर्त्वमभवदभीके कामं कृणवाने पितरि युवत्याम् ।
मनानग्रेतो जहतुर्वियन्ता सानौ निषिक्तं सुकृतस्य योनौ ६
पिता यत् स्वां दुहितरमधिष्कन् क्षमया रेतः संजग्मानो नि षिञ्चत् ।
स्वाध्योऽजनयन् ब्रह्म देवा वास्तोष्पतिं व्रतपां निरतक्षन् ७
स ईं वृषा न फेनमस्यदाजौ स्मदा परैदपं दध्रचेताः ।
सरत् पदा न दक्षिणा परावृङ् न ता नु मे पृशन्यो जगृध्रे ८
मक्षू न वह्निः प्रजाया उपब्दिरग्निं न नृग्न उप सीदूधः ।
सनितेध्मं सनितोत वाजं स धर्ता जज्ञे सहसा यवीयुत् ९

म॒क्षू क॒नायाः॑ स॒ख्यं नव॑ग्वा ऋ॒तं वद॑न्त ऋ॒तयु॑क्तिमग्मन् ।
 द्वि॒बर्ह॑सो य उप॑ गो॒पमागु॑रदक्षिणासो अ॒च्युता॑ दुदुक्षन् १०
 म॒क्षू क॒नायाः॑ स॒ख्यं नवी॑यो राधो न रेते ऋ॒तमित् तुर॑णयन् ।
 शु॒चि यत् ते॑ रे॒क्णा आ॑यजन्त स॒बर्दु॑घायाः पय॑ उ॒स्त्रिया॑याः ११
 प॒श्वा यत् प॒श्वा वियु॑ता बु॒धन्तेति॑ ब्रवीति व॒क्तरी॑ रराणः ।
 वसो॑र्वसुत्वा का॒रवो॑ऽनेहा वि॒श्वं वि॒वेष्टि॑ द्रवि॒णमुप॑ क्षु १२
 तदि॒न्वस्य॑ परिषद्धानो अ॒ग्मन् पु॒रू सद॑न्तो ना॒र्षदं॑ बि॒भित्सन्॑ ।
 वि शु॒ष्णास्य॑ संग्रथितम॒नुर्वा वि॒दत् पु॑रुप्रजा॒तस्य॑ गुहा यत् १३
 भर्गो॑ ह॒ नामो॑त यस्य॑ दे॒वाः स्व॑र्ण॒ ये त्रि॑षध॒स्थे नि॑षेदुः ।
 अ॒ग्निर्ह॑ नामो॑त जा॒तवै॑दाः श्रु॒धी नो॑ होत॒र्ऋत॑स्य॒ होता॑धुक् १४
 उ॒त त्या॑ मे रौ॒द्रावर्चि॑मन्ता॒ नास॑त्याविन्द्र॒ गूर्तये॑ यज॒ध्वे ।
 म॒नुष्व॑द्वक्त॒र्बर्हि॑षे ररा॒णा म॒न्दू हि॑तप्रयसा वि॒क्षु यज्यु॑ १५
 अ॒यं स्तु॑तो राजा॑ वन्दि वे॒धा अप॑श्च वि॒प्रस्तर॑ति स्वसै॒तुः ।
 स क॒क्षीर्व॑न्तं रेजय॒त् सो अ॒ग्निं ने॑मिं न च॒क्रम॑र्वतो रघु॒द्रु १६
 स द्वि॒बन्धु॑र्वै॒तर॑णो यष्टा॑ स॒बर्धु॑ धे॒नुम॒स्व दु॑ह॒ध्वे ।
 सं यन्मि॒त्रावरु॑णा वृ॒ज्ज उ॒क्थैर्ज्येष्ठै॑भिर्य॒मणं॑ वरू॒थैः १७
 तद्व॒न्धुः सू॒रिर्दिवि॑ ते॒ धियं॑धा नाभा॒नेदि॑ष्ठो रपति॒ प्र वे॑नन् ।
 सा नो॑ नाभिः॒ पर॑मास्य वा॑ घाऽहं तत् प॒श्वा क॑तिथश्चि॒दास १८
 इ॒यं मे॑ नाभि॒रिह॑ मे॒ सध॑स्थमि॒मे मे॑ दे॒वा अ॒यम॑स्मि॒ सर्वः॑ ।
 द्वि॒जा अ॒हं प्रथ॑मजा ऋ॒तस्ये॑दं धे॒नुर॑दुह॒जाय॑माना १९
 अ॒धासु॑ म॒न्द्रो अ॒रति॑र्वि॒भावा ऽव॑ स्यति द्वि॒वर्त॑नि॒र्वने॑षाट् ।
 ऊ॒र्ध्वा यच्छ्रे॑णि॒र्न शि॑शु॒र्दन् म॒क्षू स्थि॑रं शै॒वृधं॑ सू॒त मा॒ता २०
 अ॒धा गा॒व उप॑मातिं क॒नाया॑ अ॒नु श्वान्त॑स्य॒ कस्य॑ चि॒त् परै॑युः ।
 श्रु॒धि त्वं सु॑द्रवि॒णो न॒स्त्वं या॑ळाश्व॒घ्नस्य॑ वावृ॒धे सू॑नृता॒भिः २१
 अ॒ध त्वमि॑न्द्र वि॒द्धय॑स्मान् म॒हो रा॒ये नृ॑पते व॒ज्रबा॑हुः ।
 रक्षा॑ च नो म॒घोनः॑ पा॒हि सू॒रीन॑ने॒हस॑स्ते हरि॒वो अ॒भिष्टौ॑ २२
 अ॒ध य॒द्राजा॑ना ग॒विष्टौ॑ सर॒त् सर॑णयुः का॒रवै॑ ज॒रणयुः॑ ।
 वि॒प्रः प्रे॒ष्ठः स ह्यै॑षां ब॒भूव॑ परा॑ च व॒क्षतु॑त प॒र्षदे॑नान् २३
 अ॒धा न्व॑स्य॒ जे॒न्यस्य॑ पु॒ष्टौ वृ॒था रे॑भन्त ई॒महे॑ तदू॒ नु ।
 स॒रण॑युरस्य सू॒नुर॑श्चो वि॒प्रश्वासि॑ श्रव॒सश्च सा॒तौ २४

युवोर्यदि सख्यायास्मे शर्धाय स्तोमं जुजुषे नमस्वान् ।
विश्वत्र यस्मिन्ना गिरः समीचीः पूर्वोव गातुर्दाशत् सूनृतायै २५
स गृणानो अद्भिर्देववानिति सुबन्धुर्नमसा सूक्तैः ।
वर्धदुक्थैर्वचोभिरा हि नूनं व्यध्वैति पयस उस्त्रियायाः २६
त ऊ षु शौ महो यजत्रा भूत देवास ऊतये सजोषाः ।
ये वाजाँ अनयता वियन्तो ये स्था निचेतारो अमूराः २७

द्वितीयोऽध्यायः

। व० १-२४ ।

(१७) सप्तदशं सूक्तम्

(१-११) एकादशर्चस्यास्य सूक्तस्य मानवो नाभानेदिष्ठ ऋषिः । (१-६)
प्रथमादिषडृचां विश्वे देवा अङ्गिरसो वा, (७) सप्तम्या विश्वे देवाः, (८-११)
अष्टम्यादिचतसृणाञ्च सावर्णेर्दानस्तुतिर्देवताः । (१-४) प्रथमादिचतुर्भृचां जगती,
(५, ८, ९) पञ्चम्यष्टमीनवमीनामनुष्टुप्, (६-७) षष्ठीसप्तम्योः प्रगाथः (षष्ठ्या
बृहती, सप्तम्याः सतोबृहती), (१०) दशम्या गायत्री,
(११) एकादश्याश्च त्रिष्टुप् छन्दांसि

ये यज्ञेन दक्षिणया समक्ता इन्द्रस्य सख्यममृतत्वमानुश ।
तेभ्यो भद्रमङ्गिरसो वो अस्तु प्रति गृभ्णीत मानवं सुमेधसः १
य उदाजन् पितरौ गोमयं वस्वृतेनाभिन्दन् परिवत्सरे वलम् ।
दीर्घायुत्वमङ्गिरसो वो अस्तु प्रति गृभ्णीत मानवं सुमेधसः २
य ऋतेन सूर्यमारोहयन् दिव्यप्रथयन् पृथिवीं मातरं वि ।
सुप्रजास्त्वमङ्गिरसो वो अस्तु प्रति गृभ्णीत मानवं सुमेधसः ३
अयं नाभा वदति वल्गु वौ गृहे देवपुत्रा ऋषयस्तच्छृणोतन ।
सुब्रह्मण्यमङ्गिरसो वो अस्तु प्रति गृभ्णीत मानवं सुमेधसः ४
विरूपास इदृषयस्त इद्रम्भीरवैपसः ।
ते अङ्गिरसः सूनवस्ते अग्नेः परि जज्ञिरे ५
ये अग्नेः परि जज्ञिरे विरूपासो दिवस्परि ।
नवग्वो नु दशग्वो अङ्गिरस्तमः सचा देवेषु महते ६
इन्द्रेण युजा निः सृजन्त वाघतो व्रजं गोमन्तमश्विनम् ।
सहस्रं मे ददतो अष्टकर्यशः श्रवो देवेष्वक्रत ७

प्र नूनं जायतामयं मनुस्तोक्मैव रोहतु ।
 यः सहस्रं शताश्वं सद्यो दानाय मंहते ८
 न तमश्नोति कश्चन दिव इव सान्वारभम् ।
 सावर्ग्यस्य दक्षिणा वि सिन्धुरिव पप्रथे ९
 उत दासा परिविषे स्मदिष्टी गोपरीणसा । यदुस्तुर्वश्रं मामहे १०
 सहस्रदा ग्रामणीर्मा रिषन्मनुः सूर्येणास्य यतमानैतु दक्षिणा ।
 सार्वर्णेदेवाः प्र तिरन्त्वायुर्यस्मिन्नश्रान्ता असनाम् वाजम् ११

(१८) अष्टादशं सूक्तम्

(१-१७) सप्तदशर्चस्यास्य सूक्तस्य प्लातो गय ऋषिः । (१-१४, १७)
 प्रथमादिचतुर्दशर्चा सप्तदश्याश्च विश्वे देवाः, (१५-१६) पञ्चदशीषोडशयोश्च
 पथ्यास्वस्तिर्देवताः । (१-१४) प्रथमादिचतुर्दशर्चा जगती, (१५) पञ्चदश्या
 त्रिष्टुब्जगती वा, (१६-१७) षोडशीसप्तदशयोश्च त्रिष्टुप् छन्दांसि
 पुरावतो ये दिधिषन्तु आप्यं मनुप्रीतासो जनिमा विवस्वतः ।
 ययातेर्ये नहुष्यस्य बर्हिषि देवा आसते ते अधि ब्रुवन्तु नः १
 विश्वा हि वौ नमुस्यानि वन्द्या नामानि देवा उत यज्ञियानि वः ।
 ये स्थ जाता अदितेरद्भ्यस्परि ये पृथिव्यास्ते म इह श्रुता हवम् २
 येभ्यो माता मधुमत् पिन्वते पर्यः पीयूषं द्यौरदितिरद्रिबर्हाः ।
 उक्थशुष्मान् वृषभुरान् त्वप्रसस्ताँ आदित्याँ अनु मदा स्वस्तये ३
 नृचक्षसो अनिमिषन्तो अर्हणा बृहदेवासो अमृतत्वमानशुः ।
 ज्योतीरथा अहिमाया अनागसो दिवो वर्ष्माणं वसते स्वस्तये ४
 सम्राजो ये सुवृधौ यज्ञमाययुरपरिहृता दधिरे दिवि क्षयम् ।
 ताँ आ विवासु नमसा सुवृक्तिभिर्महो आदित्याँ अदितिं स्वस्तये ५
 को वः स्तोमं राधति यं जुजौषथ विश्वे देवासो मनुषो यति छनं ।
 को वौऽध्वरं तुविजाता अरं करद् यो नः पर्षदत्यंहः स्वस्तये ६
 येभ्यो होत्राँ प्रथमामायेजे मनुः समिद्धाग्निर्मनसा सप्त होतृभिः ।
 त आदित्या अभयं शर्म यच्छत सुगा नः कर्त सुपथाँ स्वस्तये ७
 य ईशिरि भुवनस्य प्रचेतसो विश्वस्य स्थातुर्जगतश्च मन्तवः ।
 ते नः कृतादकृतादेनसस्पर्यद्या देवासः पिपृता स्वस्तये ८
 भरेष्विन्द्रं सुहव हवामहेऽहोमुचं सुकृतं दैव्यं जनम् ।

अग्निं मित्रं वरुणं सातये भगं द्यावापृथिवी मरुतः स्वस्तये ६
सुत्रामाणंपृथिवीं द्यामनेहसं सुशर्माणमदितिं सुप्रणीतिम् ।
दैवीं नार्वं स्वरित्रामनागसमस्त्रवन्तीमा रुहेमा स्वस्तये १०
विश्वे यजत्रा अधि वोचतोतये त्रायध्वं नो दुरेवाया अभिहुतः ।
सत्यया वो देवहृत्या हुवेम शृणवतो देवा अर्वसे स्वस्तये ११
अपामीवामपु विश्वामनाहतिमपारातिं दुर्विदत्रामघायतः ।
आरे देवा द्वेषो अस्मद्युयोतनोरु णः शर्म यच्छता स्वस्तये १२
अरिष्टः स मर्तो विश्वं एधते प्र प्रजाभिर्जायते धर्मणस्परि ।
यमादित्यासो नयथा सुनीतिभिरति विश्वानि दुरिता स्वस्तये १३
यं देवासोऽवथ वाजसातौ यं शूरसाता मरुतो हिते धने ।
प्रातर्यावाणं रथमिन्द्र सानसिमरिष्यन्तमा रुहेमा स्वस्तये १४
स्वस्ति नः पृथ्यासु धन्वसु स्वस्त्यश्प्सु वृजने स्वर्वति ।
स्वस्ति नः पुत्रकृथेषु योनिषु स्वस्ति राये मरुतो दधातन १५
स्वस्तिरिद्धि प्रपथे श्रेष्ठा रेक्णास्वत्यभि या वाममेति ।
सा नो अमा सो अरंणे नि पातु स्वावेशा भवतु देवगोपा १६
एवा प्लतेः सूनुरवीवृधद्वो विश्वं आदित्या अदिते मनीषी ।
ईशानासो नरो अर्मत्येनाऽस्तावि जनो दिव्यो गयेन १७

(१६) एकोनविंशं सूक्तम्

(१-१७) सप्तदशर्चस्यास्य सूक्तस्य प्लातो गय ऋषिः । विश्वे देवा देवताः ।

(१-११, १३-१५) प्रथमाद्येकादशर्चा त्रयोदश्यादितृचस्य च जगती, (१२, १६-

१७) द्वादशीषोडशीसप्तदशीनाञ्च त्रिष्टुप् छन्दसी

कथा देवानां कतमस्य यामनि सुमन्तु नाम शृणवतां मनामहे ।
को मृळाति कतमो नो मयस्करत् कतम ऊती अभ्या वर्वर्तति १
क्रतूयन्ति क्रतवो हत्सु धीतयो वेनन्ति वेनाः पतयन्त्या दिशः ।
न मर्दिता विद्यते अन्य एभ्यो देवेषु मे अधि कामा अयंसत २
नरा वा शंसं पूषणमगौह्यमग्निं देवेद्धमर्भ्यर्चसे गिरा ।
सूर्यामासा चन्द्रमसा यमं दिवि त्रितं वातमुषसंक्तुमश्विना ३
कथा कविस्तुवीरवान् कया गिरा बृहस्पतिर्वावृधते सुवृक्तिभिः ।
अज एकपात् सुहवैभिर्भृक्वभिरहिः शृणोतु बुध्योर्हृ हवीमनि ४

दक्षस्य वादिते जन्मनि वृते राजाना मित्रावरुणा विवाससि ।
 अतूर्तपन्थाः पुरुरथौ अर्यमा सप्तहोता विषुरूपेषु जन्मसु ५
 ते नो अर्वन्तो हवनश्रुतो हवं विश्वे शृणवन्तु वाजिनो मितद्रवः ।
 सहस्रसा मेधसाताविव् त्मना महो ये धनं समिथेषु जधिरे ६
 प्र वौ वायुं रथयुजं पुरंधिं स्तोमैः कृणुध्वं सख्याय पूषणाम् ।
 ते हि देवस्य सवितुः सवीमनि क्रतुं सचन्ते सचितुः सचैतसः ७
 त्रिः सप्त सस्त्रा नद्यो महीरपो वनस्पतीन् पर्वताँ अग्निमूतयै ।
 कृशानुमस्तृन् तिष्यं सधस्थ आ रुद्रं रुद्रेषु रुद्रियं हवामहे ८
 सरस्वती सरयुः सिन्धुरूर्मिभिर्महो महीरवसा यन्तु वक्षणीः ।
 देवीरापो मातरैः सूदयित्वौ घृतवत् पयो मधुमन्नो अर्चत ९
 उत माता बृहद्दिवा शृणोतु नस्त्वष्टा देवेभिर्जनिभिः पिता वचः ।
 ऋभुक्षा वाजो रथस्पतिर्भगौ रणवः शंसः शशमानस्य पातु नः १०
 रणवः संदृष्टौ पितुमाँ इव क्षयो भद्रा रुद्राणां मरुतामुपस्तुतिः ।
 गोभिः ष्याम यशसो जनेष्वा सदा देवास इळ्या सचेमहि ११
 यां मे धियं मरुत इन्द्र देवा अर्ददात वरुण मित्र यूयम् ।
 तां पीपयत् पर्यसेव धेनुं कुविद्भिरो अधि रथे वर्हाथ १२
 कुविद्भृ प्रति यथा चिदस्य नः सजात्यस्य मरुतो बुबोधथ ।
 नाभा यत्र प्रथमं संनसामहे तत्र जामित्वमदितिर्दधातु नः १३
 ते हि द्यावापृथिवी मातरा मही देवी देवाञ्जन्मना यज्ञिये इतः ।
 उभे बिभृत उभयं भरीमभिः पुरू रतांसि पितृभिश्च सिञ्चतः १४
 वि षा होत्रा विश्वमश्नोति वार्यं बृहस्पतिररमतिः पनीयसी ।
 ग्रावा यत्र मधुषुदुच्यते बृहदवीवशन्त मतिभिर्मनीषिणः १५
 एवा क्विस्तुवीरवाँ ऋतज्ञा द्रविणस्युर्द्रविणसश्चकानः ।
 उक्थेभिरत्र मतिभिश्च विप्रो ऽपीपयद्रयो दिव्यानि जन्म १६
 एवा प्लतेः सूनुरवीवृधद्वो विश्व आदित्या अदिते मनीषी ।
 ईशानासो नरो अर्मत्येनाऽस्तावि जनो दिव्यो गयेन १७

(२०) विंशं सूक्तम्

(१-१५) पञ्चदशर्चस्यास्य सूक्तस्य वासुक्रो वसुकर्ण ऋषिः । विश्वे देवा देवताः ।

(१-१४) प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी

अग्निरिन्द्रो वरुणो मित्रो अर्यमा वायुः पूषा सरस्वती सजोषसः ।
 आदित्या विष्णुर्मरुतः स्वर्बृहत् सोमो रुद्रो अदितिर्ब्रह्मणस्पतिः १
 इन्द्राग्नी वृत्रहत्येषु सत्पती मिथो हिन्वाना तन्वाइँ समौकसा ।
 अन्तरिक्षं मह्या पप्रुजसा सोमो घृतश्रीर्महिमानमीरयन् २
 तेषां हि मह्या महतामनर्वणां स्तोमाँ इयर्मयृतज्ञा ऋतावृधाम् ।
 ये अप्सवमर्णवं चित्रराधसस्ते नो रासन्तां महये सुमित्र्याः ३
 स्वर्णरमन्तरिक्षाणि रोचना द्यावाभूमी पृथिवीं स्कम्भुरोजसा ।
 पृक्षा इव महयन्तः सुरातयो देवाः स्तवन्ते मनुषाय सूरयः ४
 मित्राय शिञ्ज वरुणाय दाशुषे या सम्राजा मनसा न प्रयुच्छतः ।
 ययोर्धाम् धर्मणा रोचते बृहद् ययोरुभे रोदसी नाधसी वृतौ ५
 या गौर्वर्तनिं पर्येति निष्कृतं पयो दुहाना व्रतनीरवारतः ।
 सा प्रब्रुवाणा वरुणाय दाशुषे देवेभ्यो दाशद्भुविषा विवस्वते ६
 दिवक्षसो अग्निजिह्वा ऋतावृध ऋतस्य योनिं विमृशन्त आसते ।
 द्यां स्कभित्व्यशेष आ चक्रुरोजसा यज्ञं जनिन्त्वी तन्वीइँ नि मामृजुः ७
 परिक्षितां पितरो पूर्वजावरी ऋतस्य योनां क्षयतः समौकसा ।
 द्यावापृथिवी वरुणाय सव्रते घृतवृत् पयो महिषाय पिन्वतः ८
 पर्जन्यावाता वृषभा पुरीषिणेन्द्रवायू वरुणो मित्रो अर्यमा ।
 देवाँ आदित्याँ अदितिं हवामहे ये पार्थिवासो दिव्यासो अप्सु ये ९
 त्वष्टारं वायुर्मभवो य ओहते दैव्या होतारा उषसं स्वस्तये ।
 बृहस्पतिं वृत्रखादं सुमेधसमिन्द्रियं सोमं धनुसा उ ईमहे १०
 ब्रह्म गामश्च जनयन्त ओषधीर्वनस्पतीन् पृथिवीं पर्वताँ अपः ।
 सूर्यं दिवि रोहयन्तः सुदानव आर्या व्रता विसृजन्तो अधि क्षमि ११
 भुज्युमहेसः पिपृथो निरश्विना श्यावं पुत्रं वधिमत्या अजिन्वतम् ।
 कमद्युर्व विमदायोहथुर्युवं विष्णाप्वं विश्वकायावं सृजथः १२
 पावीरवी तन्यतुरेकपादजो दिवो धर्ता सिन्धुरापः समुद्रियः ।
 विश्वे देवासः शृणवन् वर्चांसि मे सरस्वती सह धीभिः पुरंध्या १३
 विश्वे देवाः सह धीभिः पुरंध्या मनोर्यजत्रा अमृता ऋतज्ञाः ।
 रातिषाचो अभिषाचः स्वर्विदुः स्वर्गिरो ब्रह्म सूक्तं जुषेरत १४
 देवान् वसिष्ठो अमृतान् ववन्दे ये विश्वा भुवनाभि प्रतस्थुः ।
 ते नो रासन्तामुरुगायमद्य यूयं पात स्वस्तिभिः सदा नः १५

(२१) एकविंशं सूक्तम्

(१-१५) पञ्चदशर्चस्यास्य सूक्तस्य वासुक्रो वसुकर्ण ऋषिः । विश्वे देवा देवताः ।

(१-१४) प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी
देवान् हुवे बृहच्छ्रवसः स्वस्तये ज्योतिष्कृतौ अध्वरस्य प्रचेतसः ।

ये वावृधुः प्रतरं विश्ववेदस इन्द्रज्येष्ठासो अमृता ऋतावृधः १

इन्द्रप्रसूता वरुणप्रशिष्टा ये सूर्यस्य ज्योतिषो भागमानुशुः ।

मरुद्गणे वृजने मन्म धीमहि माघोने यज्ञं जनयन्त सूरयः २

इन्द्रो वसुभिः परि पातु नो गर्यमादित्यैर्नो अदितिः शर्म यच्छतु ।

रुद्रो रुद्रेभिर्देवो मृळयाति नस्त्वष्टा नो ग्राभिः सुविताय जिन्वतु ३

अदितिर्द्यावापृथिवी ऋतं महदिन्द्राविष्णू मरुतः स्वर्बृहत् ।

देवाँ आदित्याँ अवंसे हवामहे वसून् रुद्रान् त्सवितारं सुदंससम् ४

सरस्वान् धीभिर्वरुणो धृतव्रतः पूषा विष्णुर्महिमा वायुरश्विना ।

ब्रह्मकृतौ अमृता विश्ववेदसः शर्म नो यंसन् त्रिवरूथमंहसः ५

वृषा यज्ञो वृषणः सन्तु यज्ञिया वृषणो देवा वृषणो हविष्कृतः ।

वृषणा द्यावापृथिवी ऋतावरी वृषा पर्जन्यो वृषणो वृषस्तुभः ६

अग्नीषोमा वृषणा वाजसातये पुरुप्रशस्ता वृषणा उप ब्रुवे ।

यावीजिरे वृषणो देवयज्यया ता नः शर्म त्रिवरूथं वि यंसतः ७

धृतव्रताः क्षत्रिया यज्ञनिष्कृतौ बृहद्दिवा अध्वराणामभिश्चियः ।

अग्निहोतार ऋतसापो अद्भुहो ऽपो असृजन्ननु वृत्रतूये ८

द्यावापृथिवी जनयन्नभि व्रता ऽऽप ओषधीर्वनिनानि यज्ञिया ।

अन्तरिक्षं स्वशरा पप्ररूतये वशा देवासस्तन्वीरु नि मामृजुः ९

धर्तारो दिव ऋभवं सुहस्ता वातापर्जन्या मंहिषस्य तन्यतोः ।

आप ओषधीः प्र तिरन्तु नो गिरो भगौ रातिर्वाजिनो यन्तु मे हवम् १०

समुद्रः सिन्धु रजो अन्तरिक्षमृज एकपात् तनयिबुरर्णवः ।

अहिर्बुध्न्यः शृणवद्वर्चासि मे विश्वे देवास उत सूरयो मम ११

स्याम वो मनवो देववीतये प्राञ्च नो यज्ञं प्र णयत साधुया ।

आदित्या रुद्रा वसवः सुदानव इमा ब्रह्म शस्यमानानि जिन्वत १२

दैव्या होतारा प्रथमा पुरोहित ऋतस्य पन्थामन्वेमि साधुया ।

क्षेत्रस्य पतिं प्रतिवेशमीमहे विश्वान् देवाँ अमृताँ अप्रयुच्छतः १३

वसिष्ठासः पितृवद्वाचमक्रत देवाँ ईळाना ऋषिवत् स्वस्तये ।

प्रीता इव ज्ञातयुः काममेत्याऽस्मे देवासोऽव धूनुता वसु १४
देवान् वसिष्ठो अमृतान् ववन्दे ये विश्वा भुवनाभि प्रतस्थुः ।
ते नो रासन्तामुरुगायमद्य यूयं पात स्वस्तिभिः सदा नः १५

(२२) द्वाविंशं सूक्तम्

(१-१२) द्वादशर्चस्यास्य सूक्तस्याङ्गिरसोऽयास्य ऋषिः । बृहस्पतिर्देवता ।

त्रिष्टुप् छन्दः

इमां धियं सप्तशीर्ष्णीं पिता न ऋतप्रजातां बृहतीमविन्दत् ।
तुरीयं स्विजनयद्विश्वजन्यो ऽयास्य उक्थमिन्द्राय शंसन् १
ऋतं शंसन्त ऋजु दीध्याना दिवस्पुत्रासो असुरस्य वीराः ।
विप्रं पदमङ्गिरसो दधाना यज्ञस्य धाम प्रथमं मनन्त २
हंसैरिव सखिभिर्वावदद्भिरश्मन्मयानि नहना व्यस्यन् ।
बृहस्पतिरभिकनिक्रदद्गा उत प्रास्तौदुच्च विद्वाँ अगायत् ३
अवो द्वाभ्यां पर एकया गा गुहा तिष्ठन्तीरनृतस्य सेतौ ।
बृहस्पतिस्तमसि ज्योतिरिच्छन्नुदुस्त्रा आकर्वि हि तिस्र आवः ४
विभिद्यां पुरं शयथेमपाचीं निस्त्रीणि साकमुदधेरकृन्तत् ।
बृहस्पतिरुषसं सूर्यं गामुर्कं विवेद स्तनयन्निव द्यौः ५
इन्द्रो वलं रक्षितारं दुधानां करेणैव वि चकर्ता रवेण ।
स्वेदाञ्जिभिराशिरमिच्छमानो ऽरोदयत् पणिमा गा अमुष्णात् ६
स ई सत्येभिः सखिभिः शचद्भिर्गोधायसं वि धनसैरदर्दः ।
ब्रह्मणस्पतिर्वृषभिर्वराहैर्घर्मस्वेदेभिर्द्रविणं व्यानत् ७
ते सत्येन मनसा गोपतिं गा इयानासं इषणयन्त धीभिः ।
बृहस्पतिर्मिथोअवद्यपेभिरुदुस्त्रिया असृजत स्वयुग्भिः ८
तं वर्धयन्तो मतिभिः शिवाभिः सिंहमिव नानदतं सधस्थै ।
बृहस्पतिं वृषणं शूरसातौ भरैभरे अनु मदेम जिष्णुम् ९
यदा वाजमसनद्विश्वरूपमा द्यामरुद्धदुत्तराणि सद्य ।
बृहस्पतिं वृषणं वर्धयन्तो नाना सन्तो बिभ्रतो ज्योतिरासा १०
सत्यामाशिषं कृणुता वयोधै कीरिं चिद्धचवथ स्वेभिरेवैः ।
पश्चा मृधो अप भवन्तु विश्वास्तद्रौदसी शृणुतं विश्वमिन्वे ११
इन्द्रो म्हा महतो अर्णवस्य वि मूर्धानमभिनदर्बुदस्य ।

अहृन्नहिमरिणात् सप्त सिन्धून् देवैर्द्यावापृथिवी प्रावतं नः १२

(२३) त्रयोविंशं सूक्तम्

(१-१२) द्वादशर्चस्यास्य सूक्तस्याङ्गिरसोऽयास्य ऋषिः । बृहस्पतिर्देवता ।

त्रिष्टुप् छन्दः

उदप्रुतो न वयो रक्षमाणा वावदतो अभ्रियस्येव घोषाः ।
 गिरिभ्रजो नोर्मयो मदन्तो बृहस्पतिमभ्यर्का अनावन् १
 सं गोभिराङ्गिरसो नक्षमाणो भग इवेदर्यमणं निनाय ।
 जनै मित्रो न दंपती अनक्ति बृहस्पते वाजयाशूरिवाजौ २
 साध्वर्या अतिथिनीरिषिराः स्पार्हाः सुवर्णा अनवद्यरूपाः ।
 बृहस्पतिः पर्वतेभ्यो वितूर्या निर्गा ऊपे यवमिव स्थिविभ्यः ३
 आप्रुषायन् मधुन ऋतस्य योनिमवक्षिपन्नर्क उल्कामिव द्योः ।
 बृहस्पतिरुद्धरन्नश्मनो गा भूम्या उदनेव वि त्वचं बिभेद ४
 अप ज्योतिषा तमो अन्तरिक्षादुदनः शीपालमिव वार्त आजत् ।
 बृहस्पतिरनुमृश्या वलस्याऽभ्रमिव वात् आ चक्र आ गाः ५
 यदा वलस्य पीयतो जसुं भेद् बृहस्पतिरग्निपौभिरकैः ।
 दद्भिर्न जिह्वा परिविष्टमाददाविर्निर्धीरैकृणोदुस्त्रियाणाम् ६
 बृहस्पतिरमत हि त्यदासां नाम स्वरीणां सदेने गुहा यत् ।
 आणडेव भित्त्वा शकुनस्य गर्भमुदुस्त्रियाः पर्वतस्य त्मनाजत् ७
 अश्नापिनद्धं मधु पर्यपश्यन्मत्स्यं न दीन उदनि क्षियन्तम् ।
 निष्टज्जभार चमसं न वृक्षाद् बृहस्पतिर्विरवेणा विकृत्य ८
 सोषामविन्दत् स स्वर्शः सो अग्निं सो अर्केण वि बबाधे तमांसि ।
 बृहस्पतिर्गोवपुषो वलस्य निर्मज्जानं न पर्वणो जभार ९
 हिमेव पर्णा मुषिता वनानि बृहस्पतिनाकृपयद्ब्रुलो गाः ।
 अनानुकृत्यमपुनश्चकार यात् सूर्यामासा मिथ उच्चरातः १०
 अभि श्यावं न कृशनेभिरश्वं नक्षत्रेभिः पितरो द्यामपिंशन् ।
 रात्र्यां तमो अर्धुज्योतिरहन् बृहस्पतिर्भिनदद्रिं विदद्वाः ११
 इदमकर्म नमो अभ्रियाय यः पूर्वीरन्वानोनवीति ।
 बृहस्पतिः स हि गोभिः सो अश्वैः स वीरेभिः स नृभिर्नो वर्यो धात् १२

(२४) चतुर्विंशं सूक्तम्

(१-१२) द्वादशर्चस्यास्य सूक्तस्य वाध्यश्वः सुमित्र ऋषिः । अग्निर्देवता । (१-२)
 प्रथमाद्वितीययोर्ऋचोर्जगती, (३-१२) तृतीयादिदशानाञ्च त्रिष्टुप् छन्दसी
 भद्रा अग्नेर्वध्र्यश्वस्य संदृशौ वामी प्रणीतिः सुरणा उपैतयः ।
 यदी सुमित्रा विशो अग्र इन्धते घृतेनाहुतो जरते दर्विद्युतत् १
 घृतमग्नेर्वध्र्यश्वस्य वर्धनं घृतमर्द्धं घृतम्वस्य मेदनम् ।
 घृतेनाहुत उर्विया वि पंप्रथे सूर्य इव रोचते सर्पिरासुतिः २
 यत् ते मनुर्यदनीकं सुमित्रः समीधे अग्ने तदिदं नवीयः ।
 स रेवच्छोच स गिरौ जुषस्व स वाजं दर्षि स इह श्रवौ धाः ३
 यं त्वा पूर्वमीळितो वर्ध्र्यश्वः समीधे अग्ने स इदं जुषस्व ।
 स नः स्तिपा उत भवा तनूपा दात्रं रक्षस्व यद्विदं तै अस्मे ४
 भवा द्युम्नी वाध्र्यश्वोत गोपा मा त्वा तारीदभिमातिर्जनानाम् ।
 शूर इव धृष्णुश्चर्वनः सुमित्रः प्र नु वोचं वाध्र्यश्वस्य नाम ५
 समृज्या पर्वत्याइ वसूनि दासा वृत्रायार्या जिगेथ ।
 शूर इव धृष्णुश्चर्वनो जनानां त्वमग्ने पृतनायूरभि ष्याः ६
 दीर्घतन्तुर्बृहदुक्तायमग्निः सहस्रस्तरीः शतनीथ ऋभवा ।
 द्युमान् द्युमत्सु नृभिर्मृज्यमानः सुमित्रेषु दीदयो देवयत्सु ७
 त्वे धेनुः सुदुघा जातवेदो ऽसश्चतैव समना संबर्धुक ।
 त्वं नृभिर्दक्षिणावद्विरग्ने सुमित्रेभिरिध्यसे देवयद्विः ८
 देवाश्चित् ते अमृता जातवेदो महिमानं वाध्र्यश्व प्र वोचन् ।
 यत् संपृच्छं मानुषीर्विश आयन् त्वं नृभिरजयस्त्वावृधेभिः ९
 पितेर्व पुत्रमबिभरुपस्थे त्वामग्ने वर्ध्र्यश्वः संपर्यन् ।
 जुषाणो अस्य समिधं यविष्ठोत पूर्वा अवनोर्बार्धतश्चित् १०
 शश्वदग्निर्वध्र्यश्वस्य शत्रून् नृभिर्जिगाय सुतसौमवद्विः ।
 समनं चिददहश्चित्रभानो ऽवु बार्धन्तमभिनद्वधश्चित् ११
 अयमग्निर्वध्र्यश्वस्य वृत्रहा संनकात् प्रेद्धो नर्मसोपवाक्यः ।
 स नो अजामीरुत वा विजामीनभि तिष्ठ शर्धतो वाध्र्यश्व १२

(२५) पञ्चविंशं सूक्तम्

(१-११) एकादशर्चस्यास्य सूक्तस्य वाध्यश्वः सुमित्र ऋषिः । (१) प्रथमर्च इध्मः

समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता, (७) सप्तम्या दैव्यौ होतारौ प्रचेतसौ, (८) अष्टम्यास्तिस्रो देव्यः सरस्वतीळाभारत्यः, (९) नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो देवताः । त्रिष्टुप् छन्दः

इमां मे अग्ने समिधं जुषस्वेळस्पदे प्रति हर्या घृताचीम् ।
वर्षमन् पृथिव्याः सुदिनत्वे अहामूर्ध्वो भव सुक्रतो देवयज्या १
आ देवानामग्रयावेह यातु नराशंसो विश्वरूपेभिरश्वैः ।
ऋतस्य पथा नमसा मियेधौ देवेभ्यो देवतमः सुषूदत् २
शश्वत्तममीळते दूत्याय हविष्मन्तो मनुष्यासो अग्निम् ।
वर्हिष्ठैरश्वैः सुवृता रथेना ऽऽ देवान् वर्द्धि नि षदेह होता ३
वि प्रथतां देवजुष्टं तिरश्चा दीर्घं द्राघ्मा सुरभि भूत्वस्मे ।
अहेळता मनसा देव बर्हिरिन्द्रज्येष्ठां उशतो यच्चि देवान् ४
दिवो वा सानु स्पृशता वरीयः पृथिव्या वा मात्रया वि श्रयध्वम् ।
उशतीर्दारो महिना महद्भिर्देवं रथं रथयुर्धारयध्वम् ५
देवी दिवो दुहितरा सुशिल्पे उषासानक्ता सदतां नि योनौ ।
आ वा देवास उशती उशन्त उरौ सीदन्तु सुभगे उपस्थे ६
ऊर्ध्वो ग्रावा बृहदग्निः समिद्धः प्रिया धामान्यदितेरुपस्थे ।
पुरोहितावृत्विजा यज्ञे अस्मिन् विदुष्टरा द्रविणमा यजेथाम् ७
तिस्रो देवीर्बर्हिरिदं वरीय आ सीदत चकृमा वः स्योनम् ।
मनुष्वद्यज्ञं सुधिता हवींषीळा देवी घृतपदी जुषन्त ८
देव त्वष्टर्यद्ध चारुत्वमानुड्यदङ्गिरसामभवः सचाभूः ।
स देवानां पाथ उप प्र विद्वानुशन् यच्चि द्रविणोदः सुरतः ९
वनस्पते रशनया नियूया देवानां पाथ उप वच्चि विद्वान् ।
स्वदाति देवः कृणवद्धवींष्यवतां द्यावापृथिवी हव मे १०
आग्ने वह वरुणमिष्टये न इन्द्र दिवो मरुतो अन्तरिक्षात् ।
सीदन्तु बर्हिर्विश्व आ यजत्राः स्वाहा देवा अमृता मादयन्ताम् ११

(२६) षड्विंशं सूक्तम्

(१-११) एकादशर्चस्यास्य सूक्तस्याङ्गिरसो बृहस्पतिर्ऋषिः । ज्ञानं देवता । (१-

८, १०-११) प्रथमाद्यष्टर्चा दशम्येकादशयोश्च त्रिष्टुप्, (९) नवम्याश्च जगती छन्दसी
 बृहस्पते प्रथमं वाचो अग्रं यत् प्रैरत नामधेयं दधानाः ।
 यदैषां श्रेष्ठं यदरिप्रमासीत् प्रेणा तदैषां निहितं गुहाविः १
 सक्तुमिव तितउना पुनन्तो यत्र धीरा मनसा वाचमक्रत ।
 अत्रा सखायः सख्यानि जानते भद्रैषां लक्ष्मीर्निहिताधि वाचि २
 युजेन वाचः पदवीर्यमायन् तामन्वविन्दन्नृषिषु प्रविष्टाम् ।
 तामाभृत्या व्यदधुः पुरुत्रा तां सप्त रेभा अभि सं नवन्ते ३
 उत त्वः पश्यन् न ददर्श वाचमुत त्वः शृणवन् न शृणोत्येनाम् ।
 उतो त्वस्मै तन्वश् वि संस्त्रे जायेव पत्य उशती सुवासाः ४
 उत त्वं सख्ये स्थिरपीतमाहुर्नैनं हिन्वन्त्यपि वाजिनेषु ।
 अधेन्वा चरति माययैष वाचं शुश्रुवां अफलामपुष्पाम् ५
 यस्तित्याज सचिविदं सखायं न तस्य वाच्यपि भागो अस्ति ।
 यदी शृणोत्यलकं शृणोति नहि प्रवेद सुकृतस्य पन्थाम् ६
 अक्षरवन्तः कर्णवन्तः सखायो मनोजवेष्वसमा बभूवुः ।
 आदघ्नास उपकक्षास उ त्वे हृदा इव स्नात्वा उ त्वे ददृशे ७
 हृदा तृष्टेषु मनसो जवेषु यद्ब्राह्मणाः संयजन्ते सखायः ।
 अत्राह त्वं वि जहुर्वेद्याभिरोहब्रह्माणो वि चरन्त्यु त्वे ८
 इमे ये नार्वाङ्गन पुरश्चरन्ति न ब्राह्मणासो न सुतेकरासः ।
 ते एते वाचमभिपद्य पापया सिरीस्तन्त्रं तन्वते अप्रजज्ञयः ९
 सर्वे नन्दन्ति यशसागतेन सभासाहेन सख्या सखायः ।
 किल्बिषस्पृत् पितृषणिर्ह्येषामरं हितो भवति वाजिनाय १०
 ऋचां त्वः पोषमास्ते पुपुष्वान् गायत्रं त्वो गायति शक्वरीषु ।
 ब्रह्मा त्वो वदति जातविद्यां यज्ञस्य मात्रां वि मिमीत उ त्वः ११

तृतीयोऽध्यायः

व० १-२८

(२७) सप्तविंशं सूक्तम्

(१-९) नवर्चस्यास्य सूक्तस्य लौक्य आङ्गिरसो वा बृहस्पतिर्ऋषिर्दानायणी अदि-
 तिर्वा ऋषिका । देवा देवताः । अनुष्टुप् छन्दः
 देवानां नु वयं जाना प्र वौचाम विपुन्यया ।

उक्थेषु शस्यमानेषु यः पश्यादुत्तरे युगे १
 ब्रह्मणस्पतिरेता सं कुमारं इवाधमत् ।
 देवानां पूर्वे युगे ऽसतः सदजायत २
 देवानां युगे प्रथमे ऽसतः सदजायत ।
 तदाशा अन्वजायन्त तदुत्तानपदस्परि ३
 भूर्जज्ञ उत्तानपदो भुव आशा अजायन्त ।
 अदितेर्दक्षौ अजायत दक्षाददितिः परि ४
 अदितिर्ह्यर्जनिष्ट दक्ष या दुहिता तव ।
 तां देवा अन्वजायन्त भद्रा अमृतबन्धवः ५
 यद्देवा अदः सलिले सुसंरब्धा अतिष्ठत ।
 अत्रा वो नृत्यतामिव तीव्रो रेणुरपायत ६
 यद्देवा यतयो यथा भुवनान्यपिन्वत ।
 अत्रा समुद्र आ गूळहमा सूर्यमजभर्तन ७
 अष्टौ पुत्रासो अदितेर्ये जातास्तन्वशस्परि ।
 देवाँ उप प्रैत् सप्तभिः परां मार्ताण्डमास्यत् ८
 सप्तभिः पुत्रैरदितिरुप प्रैत् पूर्वं युगम् ।
 प्रजायै मृत्यवै त्वत् पुनर्मार्ताण्डमाभरत् ९

(२८) अष्टाविंशं सूक्तम्

(१-११) एकादशर्चस्यास्य सूक्तस्य शाक्त्यो गौरिवीतिर्ऋषिः । इन्द्रो देवता ।

त्रिष्टुप् छन्दः

जनिष्ठा उग्रः सहसे तुराय मन्द्र ओर्जिष्ठो बहुलाभिमानः ।
 अर्धन्निन्द्रं मरुतश्चिदत्रं माता यद्वीरं दधनद्धनिष्ठा १
 दुहो निषत्ता पृशनी चिदेवैः पुरू शंसैन वावृधुष्ट इन्द्रम् ।
 अभीवृतेव ता महापदेन ध्वान्तात् प्रपित्वादुदरन्त गर्भाः २
 ऋष्वा ते पादा प्र यज्जिगास्यवर्धन् वाजा उत ये चिदत्र ।
 त्वमिन्द्र सालावृकान् त्सहस्रमासन् दधिषे अश्विना ववृत्याः ३
 समना तूर्णिरुप यासि यज्ञमा नासत्या सख्याय वद्वि ।
 वसाव्यामिन्द्र धारयः सहस्रा ऽश्विना शूर ददतुर्मघानि ४
 मन्दमान ऋतादधि प्रजायै सखिभिः इषिरेभिरथम् ।

आभिर्हि माया उप दस्युमागान्मिहः प्र त्प्रा अत्रपत् तर्मासि ५
सनामाना चिद्ध्वसयो न्यस्मा अवाहन्निन्द्र उषसो यथानः ।
ऋष्वैरगच्छः सखिभिर्निकामैः साकं प्रतिष्ठा हृद्या जघन्थ ६
त्वं जघन्थ नमुचिं मखस्युं दासं कृणवान ऋषये विमायम् ।
त्वं चकर्थ मनवे स्योनान् पथो देवत्राञ्जसेव यानान् ७
त्वमेतानि पप्रिषे वि नामेशान इन्द्र दधिषे गर्भस्तौ ।
अनु त्वा देवाः शर्वसा मदन्त्युपरिबुधान् वनिर्नश्चकर्थ ८
चक्रं यदस्याप्स्वा निषत्तमुतो तदस्मै मध्वच्चच्छद्यात् ।
पृथिव्यामतिषितं यदूधः पयो गोष्वदधा ओषधीषु ९
अश्वादिद्यायेति यद्वदन्त्योर्जसो जातमुत मन्य एनम् ।
मन्योरियाय हर्म्येषु तस्थौ यतः प्रजज्ञ इन्द्रो अस्य वेद १०
वयः सुपर्णा उप सेदुरिन्द्र प्रियमैधा ऋषयो नाधमानाः ।
अप ध्वान्तमूर्गुहि पूर्धि चक्षुर्मुग्ध्यश्मान् निधयेव बद्धान् ११

(२६) एकोनत्रिंशं सूक्तम्

(१-६) षडचस्यास्य सूक्तस्य शाक्त्यो गौरिवीतिर्ऋषिः । इन्द्रो देवता ।

त्रिष्टुप् छन्दः

वसूनां वा चर्कष इयंक्षन् धिया वा यज्ञैर्वा रोदस्योः ।
अर्वन्तो वा ये रयिमन्तः सातौ वनुं वा ये सुश्रुणं सुश्रुतो धुः १
हव एषामसुरो नक्षत द्यां श्रवस्यता मनसा निसत क्षाम् ।
चक्षाणा यत्र सुविताय देवा द्यौरन वारैभिः कृणवन्त स्वैः २
इयमेषाममृतांनां गीः सर्वताता ये कृपणन्त रत्नम् ।
धियं च यज्ञं च सार्धन्तस्ते नो धान्तु वसव्यश्मसामि ३
आ तत् त इन्द्रायवः पनन्ताऽभि य ऊर्व गोमन्तं तितृत्सान् ।
सकृत्स्वं ये पुरुपुत्रां महीं सहस्रंधारां बृहतीं दुदुक्षन् ४
शचीव इन्द्रमवसे कृणुध्वमनानतं दमयन्तं पृतन्यून ।
ऋभुक्षणं मघवानं सुवृक्तिं भर्ता यो वज्रं नयं पुरुक्षुः ५
यद्वावानं पुरुतमं पुराषाळा वृत्रहेन्द्रो नामान्यप्राः ।
अचैति प्रासहस्पतिस्तुविष्मान् यदीमुश्मसि कर्तवे करत् तत् ६

(३०) त्रिंशं सूक्तम्

(१-६) नवर्चस्यास्य सूक्तस्य प्रैयमेधः सिन्धुद्विदृषिः । नद्यो देवताः ।

जगती छन्दः

प्र सु व आपो महिमानमुत्तमं कारुर्वोचाति सदेने विवस्वतः ।
 प्र सप्तसप्त त्रेधा हि चक्रमुः प्र सृत्वरीणामति सिन्धुरोजसा १
 प्र तैऽरदद्वरुणो यातवे पथः सिन्धो यद्वार्जा अभ्यद्रवस्त्वम् ।
 भूम्या अधि प्रवता यासि सानुना यदेषामग्रं जगतामिरज्यसि २
 दिवि स्वनो यतते भूम्योपर्यन्तं शुष्ममुदियति भानुना ।
 अभ्रादिव प्र स्तनयन्ति वृष्टयः सिन्धुर्यदेति वृषभो न रोवत् ३
 अभि त्वा सिन्धो शिशुमिन्न मातरौ वाश्रा अर्षन्ति पर्यसेव धेनवः ।
 राजैव युध्वा नयसि त्वमित् सचौ यदासामग्रं प्रवतामिनक्षसि ४
 इमं मे गङ्गे यमुने सरस्वति शतुद्रि स्तोमं सचता परुष्या ।
 असिकन्या मरुद्वधे वितस्तया ऽऽर्जीकीये शृणुह्या सुषोमया ५
 तृष्टामया प्रथमं यातवे सजूः सुसत्वा रसया श्वेत्या त्या ।
 त्वं सिन्धो कुभया गोमतीं क्रुमु मेहत्वा सरथं याभिरीयसे ६
 ऋजीत्येनी रुशती महित्वा परि जयांसि भरते रजांसि ।
 अदब्धा सिन्धुरपसामपस्तमा ऽश्वा न चित्रा वपुषीव दर्शता ७
 स्वश्वा सिन्धुः सुरथा सुवासा हिरण्ययी सुकृता वाजिनीवती ।
 ऊर्णावती युवतिः सीलमावत्युताधि वस्ते सुभगा मधुवृधम् ८
 सुखं रथं युयुजे सिन्धुरश्विनं तेन वाजं सनिषदस्मिन्नाजौ ।
 महान् ह्यस्य महिमा पनस्यते ऽदब्धस्य स्वयंशसो विरप्शिनः ९

(३१) एकत्रिंशं सूक्तम्

(१-८) अष्टर्चस्यास्य सूक्तस्य सार्प ऐरावतो जरत्कर्ण ऋषिः । ग्रावाणो देवताः ।

जगती छन्दः

आ व ऋञ्जस ऊर्जा व्युष्टिष्विन्द्रं मरुतो रोदसी अनक्तन ।
 उभे यथा नो अहनी सचाभुवा सदेःसदो वरिवस्यात उद्दिदा १
 तदु श्रेष्ठं सर्वनं सुनोतनाऽत्यो न हस्तयतो अद्रिः स्रोतरि ।
 विदद्धयश्यो अभिभूति पौस्यं महो राये चित् तरुते यदर्वतः २
 तदिद्धयस्य सर्वनं विवेरपो यथा पुरा मनवे गातुमश्रेत् ।

गोअर्णसि त्वाष्ट्रे अश्वनिर्णिजि प्रेमध्वरेष्वध्वरां अशिश्युः ३
 अप हत रक्षसौ भङ्गुरावतः स्कभायत निर्ऋतिं सेधतामतिम् ।
 आ नो रयिं सर्ववीरं सुनोतन देवाव्यं भरत श्लोकमद्रयः ४
 दिवश्चिदा वोऽमवत्तरेभ्यो विभ्वना चिदाश्वपस्तरेभ्यः ।
 वायोश्चिदा सोमरभस्तरेभ्यो ऽग्नेश्चिदर्च पितुकृत्तरेभ्यः ५
 भुरन्तु नो यशसः सोत्वन्धसो ग्रावाणो वाचा दिविता दिवित्मता ।
 नरो यत्र दुहते काम्यं मध्वाघोषयन्तो अभितौ मिथस्तुरः ६
 सुन्वन्ति सोमं रथिरासो अद्रयो निरस्य रसं गविषो दुहन्ति ते ।
 दुहन्त्यूर्धरुपसेचनाय कं नरो हव्या न मर्जयन्त आसभिः ७
 एते नरः स्वपसो अभूतन य इन्द्राय सुनुथ सोममद्रयः ।
 वामं वामं वो दिव्याय धाम्ने वसुवसु वः पार्थिवाय सुन्वते ८

(३२) द्वात्रिंशं सूक्तम्

(१-८) अष्टर्चस्यास्य सूक्तस्य भार्गवः स्यूमरश्मिर्ऋषिः । मरुतो देवताः । (१-

४, ६-८) प्रथमादिचतुर्ऋचां षष्ठ्यादितृचस्य च त्रिष्टुप्,

(५) पञ्चम्याश्च जगती छन्दसी

अभ्रपुषो न वाचा पुषा वसु हविष्मन्तो न यज्ञा विजानुषः ।
 सुमारुतं न ब्रह्माणमर्हसे गणमस्तोष्येषां न शोभसे १
 श्रिये मर्यासो अञ्जिरैकृणवत सुमारुतं न पूर्विरति क्षपः ।
 दिवस्पुत्रास एता न येतिर आदित्यासस्ते अक्रा न वावृधुः २
 प्र ये दिवः पृथिव्या न बर्हणा त्मना रिरिचे अभ्रान्न सूर्यः ।
 पार्जस्वन्तो न वीराः पनस्यवौ रिशादसो न मर्या अभिद्यवः ३
 युष्मार्कं बुध्ने अपां न यामनि विथुर्यति न मही श्रथर्यति ।
 विश्वप्सुर्यज्ञो अर्वागयं सु वः प्रयस्वन्तो न सत्राच आ गत ४
 यूयं धूर्षु प्रयुजो न रश्मिभिर्ज्योतिष्मन्तो न भासा व्युष्टिषु ।
 श्येनासो न स्वयशसो रिशादसः प्रवासो न प्रसितासः परिपुषः ५
 प्र यद्वहध्वे मरुतः पराकाद् यूयं महः संवरणस्य वस्वः ।
 विदानासौ वसवो राध्यस्याऽऽराच्चिद् द्वेषः सनुतर्युयोत ६
 य उदृचि यज्ञे अध्वरेष्ठा मरुद्भ्यो न मानुषो ददाशत् ।
 रेवत् स वयो दधते सुवीरं स देवानामपि गोपीथे अस्तु ७

ते हि यज्ञेषु यज्ञियांस ऊमा आदित्येन नाम्ना शंभविष्ठाः ।
ते नोऽवन्तु रथतूर्मनीषां महश्च यामन्नध्वरे चकानाः ८

(३३) त्रयस्त्रिंशं सूक्तम्

(१-८) अष्टर्चस्यास्य सूक्तस्य भार्गवः स्यूमरश्मिर्ऋषिः । मरुतो देवताः । (१,
३-४, ८) प्रथमातृतीयाचतुर्थ्यष्टमीनामृचां त्रिष्टुप्, (२, ५-७) द्वितीयायाः

पञ्चम्यादितृचस्य च जगती छन्दसी

विप्रांसो न मन्मभिः स्वाध्यो देवाव्योर्ऽ न यज्ञैः स्वप्रसः ।
राजानो न चित्राः सुसंदृशः क्षितीनां न मर्या अरेपसः १
अग्निर्न ये भ्राजसा रुक्मवक्षसो वातांसो न स्वयुजः सद्यऊतयः ।
प्रज्ञातारो न ज्येष्ठाः सुनीतयः सुशर्माणो न सोमा ऋतं यते २
वातांसो न ये धुनयो जिगत्वोऽग्नीनां न जिह्वा विरोकिणः ।
वर्मणवन्तो न योधाः शिमीवन्तः पितृणां न शंसाः सुरातयः ३
रथानां न येर्ऽ राः सनाभयो जिगीवांसो न शूरा अभिद्यवः ।
वरेयवो न मर्या घृतप्रुषोऽभिस्वतारो अर्कं न सुष्टुभः ४
अश्वासो न ये ज्येष्ठास आशवो दिधिषवो न रथ्यः सुदानवः ।
आपो न निमैरुदभिर्जिगत्वो विश्वरूपा अङ्गिरसो न सामभिः ५
ग्रावाणो न सूरयः सिन्धुमातर आदर्दिरासो अद्रयो न विश्वहा ।
शिशूला न क्रीळयः सुमातरौ महाग्रामो न यामन्नुत त्विषा ६
उषसां न केतवोऽध्वरश्रियः शुभंयवो नाञ्जिभिव्यश्चितन् ।
सिन्धवो न ययियो भ्राजदृष्टयः परावतो न योजनानि ममिरे ७
सुभागात्रौ देवाः कृणुता सुरत्नानस्मान् त्तोतृन् मरुतो वावृधानाः ।
अधि स्तोत्रस्य सख्यस्य गात सनाद्धि वौ रत्नधेयानि सन्ति ८

(३४) चतुस्त्रिंशं सूक्तम्

(१-७) सप्तर्चस्यास्य सूक्तस्य सौचीको वैश्वानरो वाग्निर्वाजम्भरः सप्तिर्वा ऋषिः ।
अग्निर्देवता । त्रिष्टुप् छन्दः

अपश्यमस्य महतो महित्वममर्त्यस्य मर्त्यासु विक्षु ।
नाना हनू विभृते सं भरिते असिन्वती बप्सती भूर्यत्तः १
गुहा शिरो निहितमृधगक्षी असिन्वन्नत्ति जिह्वया वनानि ।

अत्राण्यस्मै प॒डि॒भः सं भ॑रन्त्युत्तानहस्ता नमसाधि वि॒क्षु २
 प्र मातुः प्रतरं गुह्यमिच्छन् कु॒मारो न वी॑रुधः सर्पदुर्वीः ।
 स॒सं न प॒क्वम॑विदच्छुचन्तं रि॒रि॒ह्वांसं रि॒प उ॒पस्थे॑ अ॒न्तः ३
 तद्वा॑मृतं रोदसी प्र ब्रवीमि जायमानो मा॒तरा॑ गर्भो अत्ति ।
 नाहं दे॒वस्य॑ म॒र्त्यश्चि॑केताऽग्नि॒रङ्ग॑ वि॒चैताः॑ स प्रचैताः ४
 यो अ॒स्मा अ॒न्नं तृ॒ष्वाइ॑दधात्याज्यैर्घृतैर्जुहोति पुष्यति ।
 तस्मै॑ स॒हस्र॑म॒क्षभि॑र्वि चक्षे ऽग्ने॑ वि॒श्वर्तः॑ प्र॒त्यङ्ङ॑सि त्वम् ५
 किं दे॒वेषु॑ त्यज ए॒नश्च॑कर्थाऽग्ने॑ पृ॒च्छामि॑ नु त्वामविद्वान् ।
 अ॒क्री॑ळन् क्री॒ळन् ह॑रि॒रत्त॑वेऽदन् वि पर्व॑शश्चकर्त॒ गामि॑वा॒सिः ६
 वि॒षूचो॑ अ॒श्वान् यु॒युजे॑ वनेजा ऋ॒जीति॑भी र॒शना॑भिर्गृ॒भीतान्॑ ।
 च॒क्षदे॑ मि॒त्रो वसु॑भिः सुजा॒तः समा॑नृधे पर्व॑भिर्वावृ॒धानः॑ ७

(३५) पञ्चत्रिंशं सूक्तम्

(१-७) सप्तर्चस्यास्य सूक्तस्य सौचीको वैश्वानरो वाग्निर्वाजम्भरः सप्तिर्वा ऋषिः ।

अग्निर्देवता । त्रिष्टुप् छन्दः

अ॒ग्निः स॒प्तिं वा॑जंभरं द॑दात्यग्नि॒र्वीरं॑ श्रुत्यं कर्मनिः॒ष्टाम् ।
 अ॒ग्नी रो॑दसी वि च॑रत् सम॒ञ्जन्न॑ग्नि॒नारीं॑ वी॒रकु॑क्षिं पु॒रंधि॑म् १
 अ॒ग्नेर॑प्रसः स॒मिद॑स्तु भ॒द्रा ऽग्नि॑र्मही रो॑दसी आ वि॒वेश ।
 अ॒ग्निरे॑कं चोदयत् स॒मत्स्व॑ग्नि॒र्वृत्रा॑णि दयते पु॒रूणि॑ २
 अ॒ग्निर्हृ॑ त्यं ज॒रतः॑ क॒र्णमा॑वाऽग्नि॒रङ्गो॑ नि॒रद॑हृ॒ञ्ज॒रूथ॑म् ।
 अ॒ग्नि॒रत्रिं॑ घ॒र्म उ॑रुष्यदन्तर॒ग्निर्नृ॑मेधं प्र॒जया॑सृ॒जत्स॑म् ३
 अ॒ग्निर्दा॑द् द्रवि॒णं वी॑रपैशा अ॒ग्निर्ऋ॑षिं यः स॒हस्रा॑ स॒नोति॑ ।
 अ॒ग्निर्दिवि॑ ह॒व्यमा॑ त॒ताना॑ऽग्ने॒र्धामा॑नि वि॒भृता॑ पु॒रुत्रा॑ ४
 अ॒ग्निमु॑क्थैर्ऋ॒षयो॑ वि ह्व॑यन्ते ऽग्निं न॒रो या॑मनि बा॒धिता॑सः ।
 अ॒ग्निं व॑यो अ॒न्तरि॑क्षे प॒तन्तो॑ ऽग्निः स॒हस्रा॑ परि॒ याति॑ गो॒नाम् ५
 अ॒ग्निं वि॑श ई॒ळते॑ मानु॒षीर्या॑ अ॒ग्निं म॑नु॒षो न॑हु॒षो वि॑ जा॒ताः ।
 अ॒ग्निर्गान्ध॑र्वी प॒थ्यामृ॑तस्याऽग्ने॒र्गव्यू॑तिर्घृत आ निष॑त्ता ६
 अ॒ग्नये॑ ब्रह्म ऋ॒भवं॑स्ततक्षुरग्निं म॒हाम॑वोचामा सुवृ॒क्तिम् ।
 अ॒ग्ने प्रा॑व ज॒रितारं॑ यवि॒ष्टा ऽग्ने॑ म॒हि द्रवि॑णमा॒र्यज॑स्व ७

(३६) षट्त्रिंशं सूक्तम्

(१-७) सप्तर्चस्यास्य सूक्तस्य भौवनो विश्वकर्मा ऋषिः । विश्वकर्मा देवता ।

(१, ३-७) प्रथमर्चस्तृतीयादिपञ्चानाञ्च त्रिष्टुप्, (२) द्वितीयायाञ्च विराड् रूपा
त्रिष्टुप् छन्दसी

य इमा विश्वा भुवनानि जुहदृषिर्होता न्यसीदत् पिता नः ।
 स आशिषा द्रविणमिच्छमानः प्रथमच्छदवराँ आ विवेश १
 किं स्विदासीदधिष्ठानमारम्भणं कतमत् स्वित् कथासीत् ।
 यतो भूमिं जनयन् श्विकर्मा वि द्यामौर्णोन्महिना विश्वचक्षाः २
 विश्वतश्चक्षुरुत विश्वतोमुखो विश्वतोबाहुरुत विश्वतस्पात् ।
 सं बाहुभ्यां धर्मति सं पतत्रैर्द्यावाभूमीं जनयन् देव एकः ३
 किं स्विद्वनं क उ स वृक्ष आस यतो द्यावापृथिवी निष्टतक्षुः ।
 मनीषिणो मनसा पृच्छतेदु तद् यदध्यतिष्ठद्भुवनानि धारयन् ४
 या ते धामानि परमाणि यावमा या मध्यमा विश्वकर्मनुतेमा ।
 शिक्षा सखिभ्यो हविषि स्वधावः स्वयं यजस्व तन्व वृधानः ५
 विश्वकर्मन् हविषा वावृधानः स्वयं यजस्व पृथिवीमुत द्याम् ।
 मुह्यन्त्वन्ये अभितो जनास इहास्माकं मघवा सूरिरस्तु ६
 वाचस्पतिं विश्वकर्माणमूतर्ये मनोजुवं वाजे अद्या हुवेम ।
 स नो विश्वानि हवनानि जोषद् विश्वशम्भूरवसे साधुकर्मा ७

(३७) सप्तत्रिंशं सूक्तम्

(१-७) सप्तर्चस्यास्य सूक्तस्य भौवनो विश्वकर्मा ऋषिः । विश्वकर्मा देवता ।

त्रिष्टुप् छन्दः

चक्षुषः पिता मनसा हि धीरो घृतमैने अजनुन्नम्रमाने ।
 यदेदन्ता अददृहन्त पूर्वं आदिद्द्यावापृथिवी अप्रथेताम् १
 विश्वकर्मा विमना आद्विहाया धाता विधाता परमोत संदृक् ।
 तेषामिष्टानि समिषा मदन्ति यत्रा सप्तऋषीन् पर एकमाहुः २
 यो नः पिता जनिता यो विधाता धामानि वेद भुवनानि विश्वा ।
 यो देवानां नामधा एक एव तं संप्रश्नं भुवना यन्त्यन्या ३
 त आर्यजन्त द्रविणं समस्मा ऋषयः पूर्वे जरितारो न भूना ।
 असूर्ते सूते रजसि निषत्ते ये भूतानि समकृणवन्निमानि ४

प॒रो दि॒वा प॒र ए॒ना पृ॒थि॒व्या प॒रो दे॒वेभि॒रसुरै॑र्यदस्ति ।
कं स्वि॒द्गर्भं॑ प्रथ॒मं द॑ध्र आ॒पो यत्र॑ दे॒वाः स॒मप॑श्यन्त॒ विश्वे॑ ५
तमि॒द्गर्भं॑ प्रथ॒मं द॑ध्र आ॒पो यत्र॑ दे॒वाः स॒मग॑च्छन्त॒ विश्वे॑ ।
अ॒जस्य॑ नाभा॒वध्येक॑मर्पितुं यस्मिन् विश्वा॒नि भुव॑नानि त॒स्थुः ६
न तं वि॒दाथ॑ य इ॒मा ज॒जाना॑ऽन्यद्युष्माक॒मन्तरं॑ बभूव ।
नी॒हारेण॑ प्रावृ॒ता ज॒ल्प्या चाऽसु॑तृप उक्थशास॑श्चरन्ति ७

(३८) अष्टात्रिंशं सूक्तम्

(१-७) सप्तर्चस्यास्य सूक्तस्य तापसो मन्युर्ऋषिः । मन्युर्देवता । (१) प्रथमर्चो
जगती, (२-७) द्वितीयादिषणाञ्च त्रिष्टुप् छन्दसी
यस्ते मन्योऽविधद्वज्र सायक सह ओजः पुष्यति विश्वमानुषक ।
साह्याम् दासमार्यं त्वया युजा सहस्कृतेन सहसा सहस्वता १
मन्युरिन्द्रो मन्युरेवास देवो मन्युर्होता वरुणो जातवेदाः ।
मन्युं विश ईळते मानुषीर्याः पाहि नो मन्यो तपसा सजोषाः २
अभीहि मन्यो तवसस्तवीयान् तपसा युजा वि जहि शत्रून् ।
अमित्रहा वृत्रहा दस्युहा च विश्वा वसून्या भरा त्वं नः ३
त्वं हि मन्यो अभिभूत्योजाः स्वयंभूर्भामौ अभिमातिषाहः ।
विश्वर्चर्षणिः सहरिः सहावानस्मास्वोजः पृतनासु धेहि ४
अभागः सन्नप परेतो अस्मि तव क्रत्वा तविषस्य प्रचेतः ।
तं त्वा मन्यो अक्रतुर्जिहीळाहं स्वा तनूर्बलदेया मेहि ५
अयं तै अस्म्युप मेह्यर्वाङ् प्रतीचीनः सहरे विश्वधायः ।
मन्यो वज्रिभि मामा ववृत्स्व हनाव दस्यूरुत बोध्यापेः ६
अभि प्रेहि दक्षिणतो भवा मे ऽधा वृत्राणि जङ्घनाव भूरि ।
जुहोमि ते धरुणं मध्वो अग्रमुभा उपांशु प्रथमा पिबाव ७

(३९) एकोनचत्वारिंशं सूक्तम्

(१-७) सप्तर्चस्यास्य सूक्तस्य तापसो मन्युर्ऋषिः । मन्युर्देवता । (१-३)
प्रथमादितृचस्य त्रिष्टुप्, (४-७) चतुर्थ्यादिचतसृणाञ्च जगती छन्दसी
त्वया मन्यो सरथमारुजन्तो हर्षमाणासो धृषिता मरुत्वः ।
तिग्मेष्व आयुधा संशिशाना अभि प्र यन्तु नरो अग्निरूपाः १

अग्निरिव मन्यो त्विषितः सहस्व सेनानीर्नः सहरे हूत एधि ।
 हत्वायु शत्रून् वि भजस्व वेद ओजो मिमानो वि मृधौ नुदस्व २
 सहस्व मन्यो अभिमातिमस्मे रुजन् मृणन् प्रमृणन् प्रेहि शत्रून् ।
 उग्रं ते पाजो नन्वा रुरुधे वृशी वशं नयस एकजु त्वम् ३
 एकौ बहूनामसि मन्यवीळितो विशविशं युधये सं शिशाधि ।
 अकृत्तुरुक त्वया युजा वयं द्युमन्तं घोषं विजयाय कृणमहे ४
 विजेषकृदिन्द्र इवानवब्रवोऽस्माकं मन्यो अधिपा भवेह ।
 प्रियं ते नाम सहरे गृणीमसि विद्या तमुत्सं यत आब्रभूथ ५
 आभूत्या सहजा वज्र सायक सहौ बिभर्ष्यभिभूत उत्तरम् ।
 क्रत्वा नो मन्यो सह मेद्यैधि महाधनस्य पुरुहूत संसृजि ६
 संसृष्टं धनमुभयं समाकृतमस्मभ्यं दत्तां वरुणश्च मन्युः ।
 भियं दधाना हृदयेषु शत्रवः पराजितासो अप् नि लयन्ताम् ७

(४०) चत्वारिंशं सूक्तम्

(१-४७) सप्तचत्वारिंशदृचस्यास्य सूक्तस्य सावित्री सूर्या ऋषिका । (१-५)
 प्रथमादिपञ्चर्चा सोमः, (६-१६) षष्ठ्याद्येकादशानां सूर्याविवाहः, (१७)
 सप्तदश्या देवाः, (१८) अष्टादश्याः सोमर्को, (१९) एकोनविंश्याश्चन्द्रमाः,
 (२०-२८) विंश्यादिनवानां नृणामाशीः प्राया विवाहमन्त्राः, (२९-३०)
 एकोनत्रिंशीत्रिंशयोर्विवाहे वधूवासःस्पर्शनिन्दा, (३१) एकत्रिंश्या
 दम्पत्योर्यक्ष्मनाशनम्, (३२-४७) द्वात्रिंश्यादिषोडशानाञ्च सावित्री सूर्या देवताः ।
 (१-१३, १५-१७, २२, २५, २८-३३, ३५, ३८-४२, ४५-४७)
 प्रथमादित्रयोदशर्चा पञ्चदश्यादितृचस्य द्वाविंशीपञ्चविंशोरष्टाविंश्यादितृचद्वयस्य
 पञ्चत्रिंश्या अष्टात्रिंश्यादिपञ्चानां पञ्चचत्वारिंश्यादितृचस्य चानुष्टुप्, (१४, १९-२१,
 २३-२४, २६, ३६-३७, ४४) चतुर्दश्या एकोनविंश्यादितृचस्य
 त्रयोविंशीचतुर्विंशयोः षड्विंश्याः षट्त्रिंशीसप्तत्रिंशीचतुश्चत्वारिंशीनाञ्च त्रिष्टुप्, (१८,
 २७, ४३) अष्टादशीसप्तविंशीत्रिचत्वारिंशीनां जगती, (३४) चतुस्त्रिंश्याश्च
 उरोबृहती छन्दांसि

सत्येनोत्तभिता भूमिः सूर्येणोत्तभिता द्यौः ।

ऋतेनादित्यास्तिष्ठन्ति दिवि सोमो अधि श्रितः १

सोमैनादित्या ब्रलिन्ः सोमैन पृथिवी मही ।

अथो नक्षत्राणामेषामुपस्थे सोम आहितः २

सोमं मन्यते पपिवान् यत् संपिषन्त्योषधिम् ।
 सोमं यं ब्रह्माणो विदुर्न तस्याश्नाति कश्चन ३
 आच्छद्विधानैर्गुपितो बार्हतैः सोम रक्षितः ।
 ग्राव्णामिच्छृणवन् तिष्ठसि न तै अश्नाति पार्थिवः ४
 यत् त्वा देव प्रपिबन्ति तत् आ प्यायसे पुनः ।
 वायुः सोमस्य रक्षिता समानां मास आकृतिः ५
 रैभ्यासीदनुदेयी नाराशंसी न्योचनी ।
 सूर्याया भद्रमिद्वासो गार्थयैति परिष्कृतम् ६
 चित्तिरा उपबर्हणं चक्षुरा अभ्यञ्जनम् ।
 द्यौर्भूमिः कोश आसीद् यदयात् सूर्या पतिम् ७
 स्तोमा आसन् प्रतिधयः कुरीरं छन्द ओपशः ।
 सूर्याया अश्विना वरा ऽग्निरासीत् पुरोगवः ८
 सोमो वधूरुभवदश्विनास्तामुभा वरा ।
 सूर्या यत् पत्ये शंसन्तीं मनसा सविताददात् ९
 मनो अस्या अन आसीद् द्यौरासीदुत् छदिः ।
 शक्रावन्ड्वाहावास्तां यदयात् सूर्या गृहम् १०
 ऋक्सामाभ्यामभिहितौ गावौ ते सामनावितः ।
 श्रोत्रं ते चक्रे आस्तां दिवि पन्थाश्चराचरः ११
 शुचीं ते चक्रे यात्या व्यानो अक्ष आहतः ।
 अनो मनस्मर्य सूर्या ऽऽरोहत् प्रयती पतिम् १२
 सूर्याया वहतुः प्रागात् सविता यमवासृजत् ।
 अघासु हन्यन्ते गावो ऽर्जुन्योः पर्युह्यते १३
 यदश्विना पृच्छमानावयातं त्रिचक्रेण वहतुं सूर्यायाः ।
 विश्वे देवा अनु तद्गामजानन् पुत्रः पितराववृणीत पूषा १४
 यदयातं शुभस्पती वरेयं सूर्यामुप ।
 क्वैकं चक्रं वामासीत् क्व देष्टार्य तस्थथुः १५
 द्वे तै चक्रे सूर्ये ब्रह्माण ऋतुथा विदुः ।
 अथैकं चक्रं यद्गुहा तदद्भ्यातय इद्विदुः १६
 सूर्यायै देवेभ्यो मित्राय वरुणाय च ।
 ये भूतस्य प्रचेतस इदं तेभ्यो ऽकरं नमः १७

पूर्वापरं चरतो माययैतौ शिशू क्रीळन्तौ परि यातो अध्वरम् ।
 विश्वान्यन्यो भुवनाभिचष्ट ऋतूरन्यो विदधञ्जायते पुनः १८
 नवौनवो भवति जायमानो ऽह्ना केतुरुषसामेत्यग्रम् ।
 भागं देवेभ्यो वि दधात्यायन् प्र चन्द्रमास्तिरते दीर्घमायुः १९
 सुक्लिंशकं शल्मलिं विश्वरूपं हिरण्यवर्णं सुवृतं सुचक्रम् ।
 आ रोहं सूर्ये अमृतस्य लोकं स्योनं पत्यै वहतुं कृणुष्व २०
 उदीर्ष्वार्तः पतिवती ह्येऽषा विश्वावसुं नमसा गीर्भिरीळे ।
 अन्यामिच्छ पितृषदं व्यक्तां स तै भागो जनुषा तस्य विद्धि २१
 उदीर्ष्वार्तौ विश्वावसो नमसेळामहे त्वा ।
 अन्यामिच्छ प्रफर्व्यं सं जायां पत्यां सृज २२
 अनृक्षरा ऋजवः सन्तु पन्था येभिः सखायो यन्ति नो वरेयम् ।
 समर्यमा सं भगौ नो निनीयात् सं जास्पत्यं सुयममस्तु देवाः २३
 प्र त्वां मुञ्चामि वरुणस्य पाशाद् येन त्वाबध्नात् सविता सुशेवः ।
 ऋतस्य योनौ सुकृतस्य लोके ऽरिष्टां त्वा सह पत्या दधामि २४
 प्रेतो मुञ्चामि नामुतः सुबुद्धाममुतस्करम् ।
 यथेयमिन्द्र मीढ्वः सुपुत्रा सुभगासति २५
 पूषा त्वेतो नयतु हस्तगृह्याऽश्विनां त्वा प्र वहतां रथेन ।
 गृहान् गच्छ गृहपती यथासौ वशिनी त्वं विदथमा वदासि २६
 इह प्रियं प्रजयां ते समृध्यतामस्मिन् गृहे गार्हपत्याय जागृहि ।
 एना पत्या तन्वंशं सं सृजस्वाऽधा जिर्वी विदथमा वदाथः २७
 नीललोहितं भवति कृत्यासक्तिर्व्यज्यते ।
 एधन्ते अस्या ज्ञातयः पतिर्बन्धेषु बध्यते २८
 परां देहि शामुल्यं ब्रह्मभ्यो वि भजा वसु ।
 कृत्यैषा पद्धती भूत्व्या जाया विशते पतिम् २९
 अश्रीरा तनूभवति रुशती पापयामुया ।
 पतिर्यद्बुध्वोऽ वाससा स्वमङ्गमभिधित्सते ३०
 ये वध्वश्चन्द्रं वहतुं यद्मा यन्ति जनादनु ।
 पुनस्तान् यज्ञियां देवा नयन्तु यत् आगताः ३१
 मा विदन् परिपन्थिनो य आसीदन्ति दंपती ।
 सुगेभिर्दुर्गमतीतामपं द्रान्त्वरातयः ३२

सुमङ्गलीरियं वधूरिमां समेत पश्यत ।
सौभाग्यमस्यै दत्त्वायाऽथास्तं वि परेतन ३३
तृष्टमेतत् कटुकमेतदपाष्टवद्विषवन्नैतदत्तवे ।
सूर्या यो ब्रह्मा विद्यात् स इद्वाधूयमर्हति ३४
आशसनं विशसनमथौ अधिविकर्तनम् ।
सूर्यायाः पश्य रूपाणि तानि ब्रह्मा तु शुन्धति ३५
गृभ्णामि ते सौभगत्वाय हस्तं मया पत्या जरदष्टिर्यथासः ।
भगौ अर्यमा सविता पुरंधिर्मह्यं त्वादुर्गार्हपत्याय देवाः ३६
तां पूषञ्छिवतमामेरयस्व यस्यां बीजं मनुष्याः वपन्ति ।
या न ऊरू उशती विश्रयाते यस्यामुशन्तः प्रहराम् शेपम् ३७
तुभ्यमग्रे पर्यवहन् त्सूर्या वहतुना सह ।
पुनः पतिभ्यो जायां दा अग्रे प्रजया सह ३८
पुनः पत्नीमग्निरदादायुषा सह वर्चसा ।
दीर्घायुरस्या यः पतिर्जीवाति शरदः शतम् ३९
सोमः प्रथमो विविदे गन्धर्वो विविद् उत्तरः ।
तृतीयो अग्निष्टे पतिस्तुरीयस्ते मनुष्यजाः ४०
सोमो ददद्गन्धर्वाय गन्धर्वो ददद्ग्रयै ।
रयिं च पुत्राँश्चादाद्ग्निरमह्यमथौ इमाम् ४१
इहैव स्तं मा वि यौष्टं विश्वमायुर्व्यश्नुतम् ।
क्रीळन्तौ पुत्रैर्नमभिर्मोदमानौ स्वै गृहे ४२
आ नः प्रजां जनयतु प्रजापतिराजरसाय समनक्त्वयमा ।
अदुर्मङ्गलीः पतिलोकमा विश शं नो भव द्विपदे शं चतुष्पदे ४३
अघोरचक्षुरपतिघ्नयेधि शिवा पशुभ्यः सुमनाः सुवर्चाः ।
वीरसूर्देवकामा स्योना शं नो भव द्विपदे शं चतुष्पदे ४४
इमां त्वमिन्द्र मीढ्वः सुपुत्रां सुभगां कृणु ।
दशास्यां पुत्राना धैहि पतिमेकादशं कृधि ४५
सम्राज्ञी श्वशुरे भव सम्राज्ञी श्वशवां भव ।
ननान्दरि सम्राज्ञी भव सम्राज्ञी अधि देवृषु ४६
समञ्जन्तु विश्वे देवाः समापो हृदयानि नौ ।
सं मातरिश्वा सं धाता समु देष्ट्री दधातु नौ ४७

चतुर्थोऽध्यायः

व० १-३१ ।

(४१) एकचत्वारिंशं सूक्तम्

(१-२३) त्रयोविंशत्यृचस्यास्य सूक्तस्य (१, ८, ११-१२, १४, १६-२२)
प्रथमाष्टम्येकादशीद्वादशीचतुर्दशीनामृचामेकोनविंश्यादिचतसृणाञ्चेन्द्र ऋषिः, (२-
६, ९-१०, १५-१८) द्वितीयादिपञ्चानां नवमीदशम्योः पञ्चदश्यादिचतसृणाञ्चेन्द्राणी
ऋषिका, (७, १३, २३) सप्तमीत्रयोदशीत्रयोविंशीनाञ्चेन्द्रो वृषाकपिर्ऋषिः । इन्द्रो
देवता । पङ्क्तिश्छन्दः

वि हि सोतो॒रसृ॑क्षत् नेन्द्रं दे॒वम॑मंसत ।
यत्राम॑दद्वृषा॒कपि॑र्यः पु॒ष्टेषु॑ मत्स॑खा विश्व॑स्मादिन्द्र उत्तरः १
परा॒ हीन्द्र॑ धाव॑सि वृषा॒कपे॑रति व्यथिः ।
नो अ॒ह प्र वि॑न्दस्य॒न्यत्र॑ सोम॑पीतये विश्व॑स्मादिन्द्र उत्तरः २
किम॒यं त्वां वृषा॑कपिश्चकार॒ हरि॑तो मृगः ।
यस्मा॑ इ॒रस्य॑सीदु न्व॒श्र्यो वा॑ पु॒ष्टिम॑द्वसु विश्व॑स्मादिन्द्र उत्तरः ३
यमि॑मं त्वं वृषा॑कपिं प्रियमिन्द्रा॒भिरक्ष॑सि ।
श्वा न्व॑स्य ज॒म्भिष॑दपि॒ कर्णे॑ वरा॒हयु॑र्विश्व॑स्मादिन्द्र उत्तरः ४
प्रिया॒ तृष्टा॑नि मे क॒पिर्व्य॑क्ता व्यदू॒दुष॑त् ।
शिरो॒ न्वस्य॑ राविषुं न सु॒गं दु॒ष्कृतै॑ भुवं विश्व॑स्मादिन्द्र उत्तरः ५
न मत् स्त्री सु॑भ॒सत्तरा॑ न सु॒याशु॑तरा भुवत् ।
न मत् प्रति॑च्यवीयसी न स॒कथ्यु॑द्यमीयसी विश्व॑स्मादिन्द्र उत्तरः ६
उ॒वे अ॒म्ब सु॒लाभिके॑ यथै॒वाङ्ग॑ भविष्यति ।
भ॒सन्मै॑ अ॒म्ब स॒क्थि मे॑ शिरो॒ मे वी॑व हृष्यति विश्व॑स्मादिन्द्र उत्तरः ७
किं सु॑बाहो स्व॒ङ्गुरे॑ पृथु॒ष्टो पृथु॑जाघने ।
किं शू॑रपति न॒स्त्वम॑भ्यमीषि वृषा॒कपिं॑ विश्व॑स्मादिन्द्र उत्तरः ८
अ॒वीरा॑मिव॒ माम॒यं श॒रारु॑रभि मन्यते ।
उ॒ताह॑मस्मि वी॒रिणी॑न्द्रपत्नी म॒रुत्स॑खा विश्व॑स्मादिन्द्र उत्तरः ९
सं॒होत्रं॑ स्म॒ पुरा॑ नारी॒ सम॑नं वाव॒ गच्छ॑ति ।
वे॒धा ऋ॒तस्य॑ वी॒रिणी॑न्द्रपत्नी महीयते विश्व॑स्मादिन्द्र उत्तरः १०
इन्द्रा॑णीमा॒सु ना॑रिषु सु॒भगा॑म॒हम॑श्रवम् ।
न॒ह्यस्या॑ अप॒रं च॒न ज॒रसा॑ मरते॒ पति॑र्विश्व॑स्मादिन्द्र उत्तरः ११

नाहमिन्द्राणि रारण सख्युर्वृषाकपेऋते ।
 यस्येदमप्यं हविः प्रियं देवेषु गच्छति विश्वस्मादिन्द्र उत्तरः १२
 वृषाकपायि रेवति सुपुत्र आदु सुस्रुषे ।
 घसत् त इन्द्र उक्षणः प्रियं कौचित्करं हविर्विश्वस्मादिन्द्र उत्तरः १३
 उक्षणो हि मे पञ्चदश साकं पचन्ति विंशतिम् ।
 उताहमग्नि पीव इदुभा कुक्षी पृणन्ति मे विश्वस्मादिन्द्र उत्तरः १४
 वृषभो न तिग्मशृङ्गो ऽन्तर्युथेषु रोरुवत् ।
 मन्थस्त इन्द्र शं हृदे यं ते सुनोति भावयुर्विश्वस्मादिन्द्र उत्तरः १५
 न सेशे यस्य रम्बते ऽन्तरा सक्थ्याः कपृत् ।
 सेदीशे यस्य रोमशं निषेदुषौ विजृम्भते विश्वस्मादिन्द्र उत्तरः १६
 न सेशे यस्य रोमशं निषेदुषौ विजृम्भते ।
 सेदीशे यस्य रम्बते ऽन्तरा सक्थ्याः कपृद् विश्वस्मादिन्द्र उत्तरः १७
 अयमिन्द्र वृषाकपिः परस्वन्तं हतं विदत् ।
 असिं सूनां नवं चरुमादेधस्यान् आचितं विश्वस्मादिन्द्र उत्तरः १८
 अयमेमि विचाकशद् विचिन्वन् दासमार्यम् ।
 पिबामि पाकसुत्वानो ऽभि धीरमचाकशं विश्वस्मादिन्द्र उत्तरः १९
 धन्वं च यत् कृन्तत्रं च कति स्वित् ता वि योजना ।
 नेदीयसो वृषाकपे ऽस्तमेहिं गृह्णां उप विश्वस्मादिन्द्र उत्तरः २०
 पुनरेहिं वृषाकपे सुविता कल्पयावहै ।
 य एष स्वप्नंशनो ऽस्तमेषिं पृथा पुनर्विश्वस्मादिन्द्र उत्तरः २१
 यदुदञ्चो वृषाकपे गृहमिन्द्राजगन्तन ।
 क्वर्षं स्य पुल्वधो मृगः कर्मगञ्जनयोपनो विश्वस्मादिन्द्र उत्तरः २२
 पर्शुर्हं नाम मानवी साकं संसूव विंशतिम् ।
 भद्रं भल त्यस्या अभूद् यस्या उदरमामयद् विश्वस्मादिन्द्र उत्तरः २३

(४२) द्विचत्वारिंशं सूक्तम्

(१-२५) पञ्चविंशत्यृचस्यास्य सूक्तस्य भारद्वाजः पायुर्ऋषिः । रक्षोहाग्निर्देवता ।

(१-२१) प्रथमाद्येकविंशत्यृचां त्रिष्टुप्,

(२२-२५) द्वाविंश्यादिचतसृणाञ्चानुष्टुप् छन्दसी

रक्षोहर्णं वाजिनमा जिघर्मि मित्रं प्रथिष्टमुप यामि शर्म ।

शिशानो अग्निः क्रतुभिः समिद्धः स नो दिवा स रिषः पातु नक्तम् १
 अयोदंष्ट्रो अर्चिषा यातुधानानुप स्पृश जातवेदः समिद्धः ।
 आ जिहया मूरदेवान् रभस्व क्रव्यादौ वृक्त्व्यपि धत्स्वासन् २
 उभोभयाविनुप धेहि दंष्ट्रा हिंस्रः शिशानोऽवरं परं च ।
 उतान्तरिक्षे परि याहि राजञ्जम्भैः सं धैह्यभि यातुधानान् ३
 यज्ञैरिषूः संनममानो अग्ने वाचा शल्याँ अशनिभिर्दिहानः ।
 ताभिर्विध्य हृदये यातुधानान् प्रतीचो ब्राहून् प्रति भङ्ध्येषाम् ४
 अग्ने त्वचं यातुधानस्य भिन्धि हिंसाशनिर्हरसा हन्त्वेनम् ।
 प्र पर्वाणि जातवेदः शृणीहि क्रव्यात् क्रविष्णुर्वि चिनोतु वृक्णम् ५
 यत्रेदानीं पश्यसि जातवेदस्तिष्ठन्तमग्र उत वा चरन्तम् ।
 यद्भ्रान्तरिक्षे पथिभिः पतन्तं तमस्ता विध्य शर्वा शिशानः ६
 उतालब्धं स्पृशुहि जातवेद आलेभानादृष्टिभिर्यातुधानात् ।
 अग्ने पूर्वा नि जहि शोशुचान आमादः द्विवङ्कास्तमदन्त्वेनीः ७
 इह प्र ब्रूहि यतमः सो अग्ने यो यातुधानो य इदं कृणोति ।
 तमा रभस्व समिधा यविष्ठ नृचक्षसश्चक्षुषे रन्ध्रयेनम् ८
 तीक्ष्णेनाग्ने चक्षुषा रक्ष यज्ञं प्राञ्च वसुभ्यः प्र गाय प्रचेतः ।
 हिंस्रं रक्षास्यभि शोशुचानं मा त्वा दभन् यातुधाना नृचक्षः ९
 नृचक्षा रक्षः परि पश्य विक्षु तस्य त्रीणि प्रति शृणीह्यग्रा ।
 तस्याग्ने पृष्ठीर्हरसा शृणीहि त्रेधा मूलं यातुधानस्य वृश्च १०
 त्रिर्यातुधानः प्रसितिं त एत्वृतं यो अग्ने अनृतेन हन्ति ।
 तमर्चिषा स्फूर्जयञ्जातवेदः समक्षमैनं गृणते नि वृद्धि ११
 तदग्ने चक्षुः प्रति धेहि रेभे शफारुजं येन पश्यसि यातुधानम् ।
 अथर्ववज्रचोतिषा दैव्येन सत्यं धूर्वन्तमचितं न्यौष १२
 यदग्ने अद्य मिथुना शपातो यद्वाचस्तृष्टं जनयन्त रेभाः ।
 मन्योर्मनसः शरव्याइ जायते या तया विध्य हृदये यातुधानान् १३
 परा शृणीहि तपसा यातुधानान् पराग्ने रक्षो हरसा शृणीहि ।
 परार्चिषा मूरदेवाञ्छृणीहि परासुतृपो अभि शोशुचानः १४
 पराद्य देवा वृजिनं शृणन्तु प्रत्यगैनं शपथा यन्तु तृष्टाः ।
 वाचास्तैनं शरव ऋच्छन्तु मर्मन् विश्वस्यैतु प्रसितिं यातुधानः १५
 यः पौरुषेयेण क्रविषा समङ्क्ते यो अश्वयेन पशुना यातुधानः ।

यो अघ्नयाया भरति क्षीरमग्ने तेषां शीर्षाणि हरसापि वृश्च १६
 संवत्सरीणं पर्य उस्त्रियायास्तस्य माशीद्यातुधानौ नृचक्षः ।
 पीयूषमग्ने यतमस्तिर्त्प्सात् तं प्रत्यञ्चमर्चिषा विध्य मर्मन् १७
 विषं गवां यातुधानाः पिबन्त्वा वृश्चयन्तामदितये दुरेवाः ।
 परैनान् देवः सैविता ददातु परां भागमोषधीनां जयन्ताम् १८
 सनादग्ने मृणसि यातुधानान् न त्वा रक्षांसि पृतनासु जिग्युः ।
 अनु दह सहमूरान् क्रव्यादो मा ते हेत्या मुक्षत दैव्यायाः १९
 त्वं नो अग्ने अधरादुदक्तात् त्वं पश्चादुत रक्षा पुरस्तात् ।
 प्रति ते ते अजरास्तपिष्ठा अघशंसं शोशुचतो दहन्तु २०
 पश्चात् पुरस्तादधरादुदक्तात् कविः काव्येन परि पाहि राजन् ।
 सखे सखायमजरौ जरिम्णे ऽग्ने मर्ता अमर्त्यस्त्वं नः २१
 परि त्वाग्ने पुरं वयं विप्रं सहस्य धीमहि ।
 धृषद्वर्णं दिवेदिवे हन्तारं भङ्गुरावताम् २२
 विषेणं भङ्गुरावतः प्रति ष्म रक्षसो दह ।
 अग्ने तिग्मेन शोचिषा तपुरग्राभिर्ऋष्टिभिः २३
 प्रत्यग्ने मिथुना दह यातुधानां किमीदिना ।
 सं त्वा शिशामि जागृह्यदब्धं विप्र मन्मभिः २४
 प्रत्यग्ने हरसा हरः शृणीहि विश्वतः प्रति ।
 यातुधानस्य रक्षसो बलं वि रुज वीर्यम् २५

(४३) त्रिचत्वारिंशं सूक्तम्

(१-१६) एकोनविंशत्यृचस्यास्य सूक्तस्याङ्गिरसो वामदेव्यो वा मूर्धन्वानृषिः ।

सूर्यो वैश्वानरोऽग्निश्च देवते । त्रिष्टुप् छन्दः

हविष्पान्तमजरं स्वर्विदिं दिविस्पृश्याहुतं जुष्टमग्नौ ।
 तस्य भर्मणे भुवनाय देवा धर्मणे कं स्वधर्या पप्रथन्त १
 गीर्णं भुवनं तमसापगूळहमाविः स्वरभवज्जाते अग्नौ ।
 तस्य देवाः पृथिवी द्यौरुतापो ऽरण्यन्नोषधीः सख्ये अस्य २
 देवेभिर्निषितो यज्ञियैभिरग्निं स्तोषाण्यजरं बृहन्तम् ।
 यो भानुना पृथिवीं द्यामुतेमामाततान् रोदसी अन्तरिक्षम् ३
 यो होतासीत् प्रथमो देवजुष्टो यं समाञ्जनाज्येना वृणानाः ।

स पतत्रीत्वरं स्था जगद्यच्छवात्रमग्रिरकृणोज्जातवेदाः ४
यज्जातवेदो भुवनस्य मूर्धन्नतिष्ठो अग्रे सह रौचनेन ।
तं त्वाहेम मतिभिर्गीर्भिरुक्थैः स यज्ञियो अभवो रोदसिप्राः ५
मूर्धा भुवो भवति नक्तमग्निस्ततः सूर्यो जायते प्रातरुद्यन् ।
मायामू तु यज्ञियानामेतामपो यत् तूर्णिश्चरति प्रजानन् ६
दृशेन्यो यो महिना समिद्धो ऽरौचत दिवियोनिर्विभावा ।
तस्मिन्नग्नौ सूक्तवाकेन देवा हविर्विश्व आजुहवुस्तनूपाः ७
सूक्तवाकं प्रथममादिदग्निमादिद्धविरजनयन्त देवाः ।
स एषां यज्ञो अभवत् तनूपास्तं द्यौर्वेदं तं पृथिवी तमापः ८
यं देवासोऽजनयन्ताग्निं यस्मिन्नाजुहवुर्भुवनानि विश्वा ।
सो अर्चिषा पृथिवीं द्यामुतेमामृजुयमानो अतपन्महित्वा ९
स्तोमैन् हि दिवि देवासो अग्निमजीजनञ्छक्तिभी रोदसिप्राम् ।
तमू अकृणवन् त्रेधा भुवे कं स ओषधीः पचति विश्वरूपाः १०
यदेदेनमदधुर्यज्ञियासो दिवि देवाः सूर्यमादितेयम् ।
यदा चरिष्णू मिथुनावभूतामादित् प्रापश्यन् भुवनानि विश्वा ११
विश्वस्मा अग्निं भुवनाय देवा वैश्वानरं केतुमह्नामकृणवन् ।
आ यस्ततानोषसो विभातीरपो ऊर्णोति तमो अर्चिषा यन् १२
वैश्वानरं कवयो यज्ञियासो ऽग्निं देवा अजनयन्नजुर्यम् ।
नक्षत्रं प्रत्नममिनच्चरिष्णु यक्षस्याध्यक्षं तविषं बृहन्तम् १३
वैश्वानरं विश्वहा दीदिवांसं मन्त्रैरग्निं कविमच्छा वदामः ।
यो महिम्ना परिबभूवोर्वी उतावस्तादुत देवः पुरस्तात् १४
द्वे स्नुती अशृणवं पितृणामुहं देवानामुत मर्त्यानाम् ।
ताभ्यामिदं विश्वमेजत् समैति यदन्तरा पितरं मातरं च १५
द्वे समीची बिभृतश्चरन्तं शीर्षतो जातं मनसा विमृष्टम् ।
स प्रत्यङ् विश्वा भुवनानि तस्थावप्रयुच्छन् तरणिर्भ्राजमानः १६
यत्रा वदैते अवरः परश्च यज्ञन्योः कतरो नौ वि वैद ।
आ शैकुरित् सधमादं सखोयो नक्षन्त यज्ञं क इदं वि वौचत् १७
कत्यग्रयुः कति सूर्यासः कत्युषासः कत्यु स्विदापः ।
नोपस्पिजं वः पितरो वदामि पृच्छामि वः कवयो विघने कम् १८
यावन्मात्रमुषसो न प्रतीकं सुपरयोर्ऽ वसते मातरिश्चः ।

तावद्दधात्युप यज्ञमायन् ब्राह्मणो होतुरवरो निषीदन् १६

(४४) चतुश्चत्वारिंशं सूक्तम्

(१-१८) अष्टादशर्चस्यास्य सूक्तस्य वैश्वामित्रो रेणुर्ऋषिः । (१-४, ६-१८)
प्रथमादिचतुर्ऋचां षष्ठ्यादित्रयोदशानाञ्चेन्द्रः, (५) पञ्चम्याञ्चेन्द्रासोमौ देवते ।

त्रिष्टुप् छन्दः

इन्द्रं स्तवा नृतमं यस्य महा विबबाधे रोचना वि ज्मो अन्तान् ।

आ यः प्रप्रौ चर्षणीधृद्वरोभिः प्र सिन्धुभ्यो रिरिचानो महित्वा १

स सूर्यः पर्यरू वरांस्येन्द्रौ ववृत्याद्रथ्यैव चक्रा ।

अतिष्ठन्तमपस्यं न सर्गं कृष्णा तमांसि त्विष्या जघान २

समानमस्मा अनैपावृदर्च क्षमया दिवो असमं ब्रह्म नव्यम् ।

वि यः पृष्ठेव जनिमान्यर्य इन्द्रश्चिकाय न सखायमीषे ३

इन्द्राय गिरो अनिशितसर्गा अपः प्रेरयं सर्गस्य बुध्नात् ।

यो अक्षणेव चक्रिया शचीभिर्विष्वक् तस्तम्भं पृथिवीमुत द्याम् ४

आपान्तमन्युस्तृपलप्रभर्मा धुनिः शिमीवाञ्छरुमाँ ऋजीषी ।

सोमो विश्वान्यतसा वनानि नार्वागिन्द्रं प्रतिमानानि देभुः ५

न यस्य द्यावापृथिवी न धन्व नान्तरिक्षं नाद्रयः सोमो अक्षाः ।

यदस्य मन्युरधिनीयमानः शृणाति वीळु रुजति स्थिराणि ६

जघान वृत्रं स्वर्धितिर्वनेव रुरोज पुरो अरदन्न सिन्धून् ।

बिभेद गिरिं नवमिन्न कुम्भमा गा इन्द्रौ अकृणुत स्वयुग्भिः ७

त्वं ह त्यदृणया इन्द्र धीरो ऽसिर्न पर्व वृजिना शृणासि ।

प्र ये मित्रस्य वरुणस्य धाम युजं न जनां मिनन्ति मित्रम् ८

प्र ये मित्रं प्रार्यमणं दुरेवाः प्र संगिरः प्र वरुणं मिनन्ति ।

न्यमित्रेषु वृधमिन्द्र तुमं वृषन् वृषाणमरुषं शिशीहि ९

इन्द्रौ दिव इन्द्र ईशे पृथिव्या इन्द्रौ अपामिन्द्र इत् पर्वतानाम् ।

इन्द्रौ वृधामिन्द्र इन्मेधिराणामिन्द्रः क्षेमे योगे हव्य इन्द्रः १०

प्राक्तुभ्य इन्द्रः प्र वृधो अहभ्यः प्रान्तरिक्षात् प्र समुद्रस्य धासेः ।

प्र वातस्य प्रथसः प्र ज्मो अन्तात् प्र सिन्धुभ्यो रिरिचे प्र क्षितिभ्यः ११

प्र शोशुचत्या उषसो न केतुरसिन्वा तै वर्ततामिन्द्र हेतिः ।

अश्मैव विध्य दिव आ सृजानस्तपिष्ठेन हेषसा द्रोघमित्रान् १२

अन्वह मासा अन्विद्वानान्यन्वोषधीरनु पर्वतासः ।
 अन्विन्द्रं रोदसी वावशाने अन्वापौ अजिहतु जायमानम् १३
 कर्हि स्वित् सा त इन्द्र चेत्यासदुघस्य यद्विनदो रक्ष एषत् ।
 मित्रक्रुवो यच्छसने न गावः पृथिव्या आपृगमुया शयन्ते १४
 शत्रुयन्तौ अभि ये नस्ततस्त्रे महि ब्राधन्त ओगुणास इन्द्र ।
 अन्धेनामित्रास्तमसा सचन्तां सुज्योतिषो अक्तवस्ताँ अभि ष्युः १५
 पुरुणि हि त्वा सर्वना जनानां ब्रह्माणि मन्दन् गृणतामृषीणाम् ।
 इमामाघोषन्नवसा सहतिं तिरो विश्वाँ अर्चतो याह्यर्वाङ् १६
 एवा ते व्यमिन्द्र भुञ्जतीनां विद्याम सुमतीनां नवानाम् ।
 विद्याम वस्तोरवसा गृणन्तौ विश्वामित्रा उत ते इन्द्र नूनम् १७
 शनं हुवेम मघवानमिन्द्रमस्मिन् भरे नृतमं वाजसातौ ।
 श्रवन्तमुग्रमूतये समत्सु घन्त वृत्राणि संजितं धनानाम् १८

(४५) पञ्चचत्वारिंशं सूक्तम्

(१-१६) षोडशर्चस्यास्य सूक्तस्य नारायण ऋषिः । पुरुषो देवता । (१-१५)

प्रथमादिपञ्चदशर्चामनुष्टुप्, (१६) षोडश्याश्च त्रिष्टुप् छन्दसी

सहस्रशीर्षा पुरुषः सहस्राक्षः सहस्रपात् ।
 स भूमिं विश्वतो वृत्वाऽत्यतिष्ठदशाङ्गुलम् १
 पुरुष एवेदं सर्वं यद्भूतं यच्च भव्यम् ।
 उतामृतत्वस्येशानो यदन्नैनातिरोहति २
 एतावानस्य महिमा ऽतो ज्यायाँश्च पूरुषः ।
 पादोऽस्य विश्वा भूतानि त्रिपादस्यामृतं दिवि ३
 त्रिपादूर्ध्व उदैत् पुरुषः पादोऽस्येहाभवत् पुनः ।
 ततो विष्वङ् व्यक्रामत् साशनानशने अभि ४
 तस्माद्विराळजायत विराजो अधि पूरुषः ।
 स जातो अत्यरिच्यत पश्चाद्भूमिमथो पुरः ५
 यत् पुरुषेण हविषा देवा यज्ञमर्तन्वत ।
 वसन्तो अस्यासीदाज्यं ग्रीष्म इध्मः शरद्भुविः ६
 तं यज्ञं बर्हिषि प्रौक्षन्पुरुषं जातमग्रतः ।

तेन देवा अयजन्त साध्या ऋषयश्च ये ७
तस्माद्यज्ञात् सर्वहृतः संभृतं पृषदाज्यम् ।
पशून् ताँश्चक्रे वायुव्यानारुणान् ग्राम्याश्च ये ८
तस्माद्यज्ञात् सर्वहृत ऋचः सामानि जज्ञिरे ।
छन्दांसि जज्ञिरे तस्माद्यजुस्तस्मादजायत ९
तस्मादक्षा अजायन्त ये के चौभयादतः ।
गावो ह जज्ञिरे तस्मात् तस्माज्जाता अजावर्यः १०
यत् पुरुषं व्यदधुः कतिधा व्यकल्पयन् ।
मुखं किमस्य कौ ब्राह्म का ऊरू पादा उच्येते ११
ब्राह्मणोऽस्य मुखमासीद्ब्राह्म राजन्यः कृतः ।
ऊरू तदस्य यद्वैश्यः पद्भ्यां शूद्रो अजायत १२
चन्द्रमा मनसो जातश्चक्षोः सूर्यो अजायत ।
मुखादिन्द्रश्चाग्निश्च प्राणाद्वायुरजायत १३
नाभ्यां आसीदन्तरिक्षं शीष्णो द्यौः समवर्तत ।
पद्भ्यां भूमिर्दिशः श्रोत्रात् तथा लोकाँ अकल्पयन् १४
सप्तास्यासन् परिधयस्त्रिः सप्त समिधः कृताः ।
देवा यद्यज्ञं तन्वाना अबध्नन् पुरुषं पशुम् १५
यज्ञेन यज्ञमयजन्त देवास्तानि धर्माणि प्रथमान्यासन् ।
ते ह नार्कं महिमानः सचन्त यत्र पूर्वे साध्याः सन्ति देवाः १६

(४६) षट्चत्वारिंशं सूक्तम्

(१-१५) पञ्चदशर्वस्यास्य सूक्तस्य वैतहव्योऽरुण ऋषिः । अग्निर्देवता । (१-१४)

प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी

सं जागृवद्भिर्जरमाण इध्यते दमे दमूना इषयन्निळस्पदे ।
विश्वस्य होता हविषो वरैरयो विभुर्विभावा सुषखा सखीयते १
स दर्शतश्रीरतिथिर्गृहेगृहे वनेवने शिश्रिये तक्ववीरिव ।
जनंजनं जन्यो नाति मन्यते विश आ क्षैति विशयोर्इ विशविशम् २
सुदक्षो दक्षैः क्रतुनासि सुक्रतुरग्रे कविः काव्येनासि विश्ववित् ।
वसुर्वसूनां क्षयसि त्वमेक इद् द्यावा च यानि पृथिवी च पुष्यतः ३
प्रजानन्नग्रे तव योनिमृत्वियमिळायास्पदे घृतवन्तमासदः ।

आ तै चिकित्र उषसामिवेतयो जरेपसः सूर्यस्येव रश्मयः ४
 तव श्रियो वर्ष्यस्येव विद्युतश्चित्राश्चिकित्र उषसां न केतवः ।
 यदोषधीरभिसृष्टो वनानि च परि स्वयं चिनुषे अन्नमास्यै ५
 तमोषधीर्दधिरे गर्भमृत्वियं तमापो अग्निं जनयन्त मातरः ।
 तमित् समानं वनिनेश्च वीरुधो ऽन्तर्वतीश्च सुवते च विश्वहा ६
 वातौपधूत इषितो वशाँ अनु तृषु यदन्ना वेविषद्वितिष्ठसे ।
 आ तै यतन्ते रथ्योऽ यथा पृथक् शर्धास्यग्ने अजराणि धक्षतः ७
 मेधाकारं विदथस्य प्रसाधनमग्निं होतारं परिभूतमं मृतिम् ।
 तमिदभै हविष्या समानमित् तमिन्महे वृणते नान्यं त्वत् ८
 त्वामिदत्र वृणते त्वायवो होतारमग्ने विदथेषु वेधसः ।
 यदैव्यन्तो दधति प्रयासि ते हविष्मन्तो मनवो वृक्तबर्हिषः ९
 तवाग्ने होत्रं तव पोत्रमृत्वियं तव नेष्ट्रं त्वमग्निदृतायतः ।
 तव प्रशास्त्रं त्वमध्वरीयसि ब्रह्मा चासि गृहपतिश्च नो दमे १०
 यस्तुभ्यमग्ने अमृताय मर्त्यः समिधा दाशदुत वा हविष्कृति ।
 तस्य होता भवसि यासि दूत्यश्मुप ब्रूषे यजस्यध्वरीयसि ११
 इमा अस्मै मृतयो वाचो अस्मदाँ ऋचो गिरः सुष्टुतयः समग्मत ।
 वसूयवो वसवे जातवेदसे वृद्धासु चिद्धर्धनो यासु चाकनत् १२
 इमां प्रत्वार्य सुष्टुतिं नवीयसी वोचेयमस्मा उशते शृणोतु नः ।
 भूया अन्तरा हृद्यस्य निस्पृशे जायेव पत्य उशती सुवासाः १३
 यस्मिन्नश्वास ऋषभास उक्ष्णो वशा मेषा अवसृष्टास आहृताः ।
 कीलालपे सोमपृष्ठाय वेधसे हृदा मृतिं जनये चारुमग्रये १४
 अर्हाव्यग्ने हविरास्यै ते स्रुचीव घृतं चर्मीव सोमः ।
 वाजसनि रयिमस्मे सुवीरं प्रशस्तं धेहि यशसं बृहन्तम् १५

(४७) सप्तचत्वारिंशं सूक्तम्

(१-१५) पञ्चदशर्चस्यास्य सूक्तस्य मानवः शार्यात ऋषिः । विश्वे देवा देवताः ।

जगती छन्दः

यज्ञस्य वो रथ्यं विश्पतिं विशां होतारमुक्तोरतिथिं विभावंसुम् ।
 शोचञ्छुष्कासु हरिणीषु जर्भुरद् वृषां केतुर्यजतो द्यामशायत १
 इममञ्जस्पामुभयै अकृणवत धर्माणामग्निं विदथस्य साधनम् ।

अ॒क्तुं न॒ य॒ह्म॒मु॒षसः॑ पु॒रोहि॑तं त॒नून॑पा॒तम॒रु॒षस्य॑ नि॒सते २
 ब॒ळस्य॑ नी॒था वि॒ प॒णेश्च॑ म॒न्महे॑ व॒या अ॒स्य प्र॑हु॒ता आ॒सुर॑त्त॒वे ।
 य॒दा घो॑रा॒सौ अ॒मृत॑त्वमा॒शता॑दि॒ज्जन॑स्य॒ दैव्य॑स्य च॒र्कि॑रन् ३
 अ॒तस्य॑ हि प्र॒सि॒ति॒द्यौरु॑रु॒ व्यचो॑ न॒मो म॒ह्यश्॑र॒मतिः॑ प॒नीय॑सी ।
 इ॒न्द्रो मि॒त्रो वरु॑णः॒ सं चि॑कि॒त्रिरे॑ ऽथो॒ भर्गः॑ स॒वि॒ता पू॒तद॑क्षसः ४
 प्र रु॒द्रेण॑ य॒यिना॑ य॒न्ति सि॒न्ध॒वस्ति॑रो म॒हीम॑र॒मतिं॑ दध॒न्विरे॑ ।
 येभिः॑ परि॒ज्मा परि॑य॒न्नुरु॑ ज॒यो वि॑ रो॒रुव॑ज्ज॒ठरे॑ वि॒श्वमु॑क्षतै ५
 क्रा॒णा रु॒द्रा म॑रु॒तो वि॒श्वकृ॑ष्टयो दि॒वः श्ये॑ना॒सो अ॒सुर॑स्य नी॒ळयः॑ ।
 तेभि॑श्च॒ष्टे वरु॑णो मि॒त्रो अ॒र्य॑मे॒न्द्रो दे॒वेभि॑र॒र्वशे॑भि॒र्वशः॑ ६
 इ॒न्द्रे भुज॑ श॒शमा॑ना॒स आ॑शत॒ सूर॑ो दृ॒शीके॑ वृष॒णश्च॑ पौ॒स्यै ।
 प्र ये न्व॑स्या॒र्हणा॑ तत॒क्षिरे॑ यु॒जं वज्रं॑ नृष॒दने॑षु का॒रवः॑ ७
 सू॒रश्चि॒दा ह॑रि॒तो अ॒स्य री॑र॒मदि॒न्द्रा॒दा कश्चि॑द्भ॒यते॑ त॒वीय॑सः ।
 भी॒मस्य॑ वृ॒ष्णो ज॒ठरा॑दभि॒श्वसौ॑ दि॒वेदि॑वे॒ सह॑रिः॒ स्तन्न॑बा॒धितः॑ ८
 स्तो॒र्म वो अ॒द्य रु॒द्राय॑ शि॒क्वसे॑ क्ष॒यद्वी॑राय॒ नम॑सा दि॒दिष्ट॑न ।
 येभिः॑ शि॒वः स्व॒वाँ ए॒व॒याव॑भि॒र्दिवः॑ सि॒षक्ति॑ स्व॒यशा॑ नि॒काम॑भिः ९
 ते हि प्र॒जाया॑ अ॒भर॑न्त॒ वि श्र॒वो बृ॑ह॒स्पति॑र्वृष॒भः सोम॑जाम॒यः ।
 य॒ज्ञैरथ॑र्वा प्र॒थमो॑ वि॒ धार॑य॒द्दे॒वा द॒क्षैर्भृ॑गवः॒ सं चि॑कि॒त्रिरे॑ १०
 ते हि द्या॒वापृ॑थि॒वी भूरि॑र॒तसा॑ न॒राशं॑सश्च॒तुर॑ङ्गो॒ यमो॑ऽदि॒तिः ।
 दे॒वस्त्व॑ष्टा॒ द्रवि॑णो॒दा ऋ॒भुक्ष॑णः॒ प्र रौ॑द॒सी म॑रु॒तो वि॒ष्णुर॑र॒हिरि॑ ११
 उ॒त स्य॑ न॒ उ॒शि॒जा॒मुर्वि॑या क॒विर॑हिः॒ शृणो॑तु॒ बुध्यो॑र्इ॒ हवी॑मनि ।
 सू॒र्यामा॑सा॒ वि॒चर॑न्ता दि॒वि॒क्षिता॑ धि॒या श॑मी॒नहृ॑षी॒ अस्य॑ बो॒धत॑म् १२
 प्र नः॑ पू॒षा च॒रथ॑ वि॒श्वदै॑व्यो॒ ऽपां न॑पा॒दव॑तु॒ वायु॑रि॒ष्टयै॑ ।
 आ॒त्मानं॑ व॒स्यौ अ॒भि वा॑त॒मर्च॑त॒ तद॑श्चि॒ना सु॑ह॒वा या॑म॒नि श्रु॑तम् १३
 वि॒शामा॑साम॒भयाना॑मधि॒क्षितं॑ गी॒र्भिरु॑ स्व॒यश॑सं गृणी॒मसि॑ ।
 ग्रा॒भिर्वि॑श्वा॒भिरदि॑ति॒मनु॑र्व॒णमु॒क्तोर्यु॑वानं॒ नृम॑णा॒ अघ्ना॑ प॒तिम् १४
 रे॒भद॑त्रं॒ जनु॑षा॒ पूर्वा॑ अ॒ङ्गिरा॑ ग्रा॒वाण॑ ऊ॒र्ध्वा अ॒भि च॑क्षु॒रध्व॑रम् ।
 येभि॑र्वि॒हाया॑ अ॒भव॑द्वि॒चक्ष॑णः॒ पार्थः॑ सु॒मेकं॑ स्व॒धिति॑र्व॒नन्व॑ति १५

(४८) अष्टचत्वारिंशं सूक्तम्

(१-१५) पञ्चदशर्चस्यास्य सूक्तस्य पार्थस्तान्व ऋषिः । विश्वे देवा देवताः । (१,

४-८, १०, १२, १४) प्रथमर्चश्चतुर्थ्यादिपञ्चानां दशमीद्वादशीचतुर्दशीचतुर्दशीनाञ्च
 प्रस्तारपङ्क्तिः, (२, ३, १३) द्वितीयातृतीयात्रयोदशीनामनुष्टुप्, (६) नवम्या अक्षरैः
 पङ्क्तिः, (११) एकादश्या न्यङ्कुसारिणी, (१५) पञ्चदश्याञ्च पुरस्ताद्बृहती छन्दांसि
 महिं द्यावापृथिवी भूतमुर्वी नारीं युही न रोदसी सदै नः ।
 तेभिर्नः पातं सद्यस एभिर्नः पातं शूषणिं १
 यज्ञेयज्ञे स मर्त्यो देवान् त्सपर्यति ।
 यः सुप्रैदीर्घश्रुत्तम आविवासात्येनान् २
 विश्वेषामिरज्यवो देवानां वारुहः ।
 विश्वे हि विश्वमहसो विश्वे यज्ञेषु यज्ञियाः ३
 ते घा राजानो अमृतस्य मन्द्रा अर्यमा मित्रो वरुणः परिज्मा ।
 कद्रुद्रो नृणां स्तुतो मरुतः पूषणो भगः ४
 उत नो नक्तमपां वृषणवसू सूर्यामासा सदैनाय सधन्या ।
 सचा यत् साद्येषामहिर्बुध्रेषु बुध्यः ५
 उत नो देवावश्विना शभस्पती धामभिर्मित्रावरुणा उरुष्यताम् ।
 महः स राय एषते ऽति धन्वेव दुरिता ६
 उत नो रुद्रा चिन्मळतामश्विना विश्वे देवासो रथस्पतिर्भगः ।
 ऋभुर्वाजं ऋभुक्षणः परिज्मा विश्ववेदसः ७
 ऋभुर्भुक्षा ऋभुर्विधतो मद् आ ते हरीं जूजुवानस्य वाजिनां ।
 दुष्टरं यस्य सामं चिदृधग्यज्ञो न मानुषः ८
 कृधी नो अहयो देव सवितुः स च स्तुषे मघोनाम् ।
 सहो न इन्द्रो वह्निभिर्न्येषां चर्षणीनां चक्रं रश्मिं न योयुवे ९
 एषु द्यावापृथिवी धातं महदस्मे वीरेषु विश्वचर्षणि श्रवः ।
 पृक्षं वाजस्य सातये पृक्षं रायोत तुर्वणौ १०
 एतं शंसमिन्द्रास्मयुष्टं कूचित् सन्तं सहसावन्नभिष्टये सदा पाह्यभिष्टये ।
 मैदता वेदता वसो ११
 एतं मे स्तोमं तना न सूर्ये द्युतद्यामानं वावृधन्त नृणाम् ।
 संवननं नाश्वयं तष्टेवानपच्युतम् १२
 वावर्त येषां राया युक्तैषां हिरण्ययी ।
 नेमधिता न पौस्या वृथैव विष्टान्ता १३
 प्र तहुःशीमे पृथवाने वेने प्र रामे वौचमसुरे मघवत्सु ।

ये युक्त्वायु पञ्च शतास्मयु पथा विश्राव्येषाम् १४
अधीन्वत्र सप्ततिं च सप्त च ।

सद्यो दिदिष्ट तान्वः सद्यो दिदिष्ट पार्थ्यः सद्यो दिदिष्ट मायवः १५

(४६) एकोनपञ्चाशं सूक्तम्

(१-१४) चतुर्दशर्चस्यास्य सूक्तस्य काद्रवेयः सर्पोऽर्बुद ऋषिः । ग्रावाणो देवताः
। (१-४, ६, ८-१३) प्रथमादिचतुर्ऋचां षष्ठ्या अष्टम्यादिषण्णाञ्च जगती, (५, ७,

१४) पञ्चमीसप्तमीचतुर्दशीनाञ्च त्रिष्टुप् छन्दसी

प्रैते वदन्तु प्र वयं वदाम् ग्रावभ्यो वाचं वदता वदद्भ्यः ।

यदद्रयः पर्वताः साकमाशवः श्लोकं घोषं भरथेन्द्राय सोमिनः १

एते वदन्ति शतवत् सहस्रवदभि क्रन्दन्ति हरितेभिरासभिः ।

विष्टी ग्रावाणः सुकृतः सुकृत्यया होतुश्चित् पूर्वे हविरद्यमाशत २

एते वदन्त्यविदन्नना मधु न्यूङ्खयन्ते अर्धि पक्व आमिषि ।

वृक्षस्य शाखामरुणस्य बर्षतस्ते सूभर्वा वृषभाः प्रेमराविषुः ३

बृहद्ददन्ति मदिरेण मन्दिनेन्द्रं क्रोशन्तोऽविदन्नना मधु ।

संरभ्या धीराः स्वसृभिरनर्तिषुराघोषयन्तः पृथिवीमुपब्दिभिः ४

सुपर्णा वाचमक्रतोपद्यव्याखरे कृष्णा इषिरा अनर्तिषुः ।

न्यश्ङ्गिन यन्त्युपरस्य निष्कृतं पुरू रेतौ दधिरे सूर्यश्चितः ५

उग्रा इव प्रवहन्तः समार्यमुः साकं युक्ता वृषणो बिभ्रतो धुरः ।

यच्छवसन्तौ जग्रसाना अराविषुः शृणव एषां प्रोथथो अर्वतामिव ६

दशावनिभ्यो दशकद्वयेभ्यो दशयोक्त्रेभ्यो दशयोजनेभ्यः ।

दशाभीशुभ्यो अर्चताजरेभ्यो दश धुरो दश युक्ता वहद्भ्यः ७

ते अद्रयो दशयन्त्रास आशवस्तेषामाधानं पर्येति हर्यतम् ।

त ऊ सुतस्य सोम्यस्यान्धसोऽशोः पीयूषं प्रथमस्य भेजिरे ८

ते सोमादो हरी इन्द्रस्य निसतेऽशं दुहन्तो अध्यासते गर्वि ।

तेभिर्दुग्धं पिपिवान् त्सोम्यं मध्वन्द्रो वर्धते प्रथते वृषायते ९

वृषा वो अंशुर्न किला रिषाथनेळावन्तः सदमित् स्थनाशिताः ।

रैवत्येव महसा चारवः स्थन् यस्य ग्रावाणो अर्जुषध्वमध्वरम् १०

तृदिला अर्तृदिला सो अद्रयो ऽश्रमणा अर्शृथिता अमृत्यवः ।

अनातुरा अजराः स्थामविष्णवः सुपीवसो अर्तृषिता अर्तृष्णाजः ११

ध्रुवा एव वः पितरौ युगेयुगे क्षेमकामासः सदसो न युञ्जते ।
 अजुर्यासौ हरिषाचौ हरिद्रव आ द्यां रवेण पृथिवीमशुश्रवुः १२
 तदिद्वदन्त्यद्रयो विमोचने यामन्नञ्जुस्या इव घेदुपब्दिभिः ।
 वपन्तो बीजमिव धान्याकृतः पृञ्चन्ति सोमं न मिनन्ति बर्षतः १३
 सुते अध्वरे अधि वार्चमक्रता ऽऽ क्रीळ्यो न मातरं तुदन्तः ।
 वि षू मुञ्चा सुषुवुषो मनीषां वि वर्तन्तामद्रयश्चायमानाः १४

पञ्चमोऽध्यायः

व० १-२६ ।

(५०) पञ्चाशं सूक्तम्

(१-१८) अष्टादशर्चस्यास्य सूक्तस्य (१, ३, ६, ८-१०, १२, १४, १७)
 प्रथमातृतीयाषष्ठीनामृचामष्टम्यादितृचस्य द्वादशीचतुर्दशीसप्तदशीनाञ्चैळः पुरुरवा
 ऋषिः, (२, ४-५, ७, ११, १३, १५-१६, १८)
 द्वितीयाचतुर्थीपञ्चमीसप्तम्येकादशीत्रयोदशीपञ्चदशीषोडश्यष्टादशीनाञ्चोर्वशी ऋषिका
 । (१, ३, ६, ८-१०, १२, १४, १७) प्रथमातृतीयाषष्ठीनामृचामष्टम्यादितृचस्य
 द्वादशीचतुर्दशीसप्तदशीनाञ्चोर्वशी, (२, ४-५, ७, ११, १३, १५-१६, १८)
 द्वितीयाचतुर्थीपञ्चमीसप्तम्येकादशीत्रयोदशीपञ्चदशीषोडश्यष्टादशीनाञ्च पुरुरवा देवते
 । त्रिष्टुप् छन्दः

हृये जाये मनसा तिष्ठ घोरे वर्चासि मिश्रा कृणवावहै नु ।
 न नौ मन्त्रा अनुदितास एते मयस्करन् परतरे चनाहन् १
 किमेता वाचा कृणवा तवाहं प्राक्रमिषमुषसामग्रियेव ।
 पुरुरवः पुनरस्तं परेहि दुरापना वार्त इवाहमस्मि २
 इषुर्न श्रिय इषुधेरसना गोषाः शतसा न रंहिः ।
 अवीरे क्रतौ वि देविद्युतन्नोरा न मायुं चितयन्त धुनयः ३
 सा वसु दधती श्वशुराय वय उषो यदि वष्टयन्तिगृहात् ।
 अस्तं ननद्धे यस्मिञ्चाकन् दिवा नक्तं शनथिता वैतसेन ४
 त्रिः स्म माहः शनथयो वैतसेनोत स्म मेऽव्यत्यै पृणासि ।
 पुरुरवोऽनु ते केतमायं राजा मे वीर तन्वशस्तदासीः ५
 या सुजूर्णिः श्रेणिः सुम्न्रापिर्हदेचक्षुर्न ग्रन्थिनी चरणयुः ।
 ता अञ्जयोऽरुणयो न संस्तुः श्रिये गावो न धेनवोऽनवन्त ६

समस्मिञ्जायमान आसत् प्रा उतेमवर्धन् नद्यः स्वगूर्ताः ।
महे यत् त्वा पुरुरवो रणाया ऽवर्धयन् दस्युहत्याय देवाः ७
सचा यदासु जहतीष्वत्कममानुषीषु मानुषो निषेवे ।
अप स्म मत् तरसन्ती न भुज्युस्ता अत्रसन् रथस्पृशो नाश्वाः ८
यदासु मतो अमृतासु निस्पृक सं क्षोणीभिः क्रतुभिर्न पृङ्क्ते ।
ता आतयो न तन्वः शुम्भत स्वा अश्वासो न क्रीळयो दन्दशानाः ९
विद्युन्न या पतन्ती दविद्योद्भरन्ती मे अप्या काम्यानि ।
जनिष्ठो अपो नर्यः सुजातः प्रोर्वशी तिरत दीर्घमायुः १०
जज्ञिष इत्था गोपीथ्याय हि दुधाथ तत् पुरुरवो म ओजः ।
अशोसं त्वा विदुषी सस्मिन्नहन् न म आशृणोः किमभुग्वदासि ११
कदा सूनुः पितरं जात इच्छाच्चक्रन्नाश्रु वर्तयद्विजानन् ।
को दंपती समनसा वि यूयोदध यदग्निः श्वश्रेषु दीदयत् १२
प्रति ब्रवाणि वर्तयते अश्रु चक्रन् न क्रन्ददाध्यै शिवायै ।
प्र तत् तै हिनवा यत् तै अस्मे परेह्यस्तं नहि मूर मापः १३
सुदेवो अद्य प्रपतेदनावृत् परावर्त परमां गन्तवा उ ।
अधा शयीत् निर्ऋतेरुपस्थे ऽधैनं वृका रभसासौ अद्युः १४
पुरुरवो मा मृथा मा प्र पप्तो मा त्वा वृकासो अशिवास उ क्षन् ।
न वै स्त्रैणानि सख्यानि सन्ति सालावृकाणां हृदयान्येता १५
यद्विरूपाचरं मर्त्येष्ववसं रात्रीः शरदश्चतस्रः ।
घृतस्य स्तोत्रं सकृदहं आशनां तादेवेदं तातृपाणा चरामि १६
अन्तरिक्षप्रां रजसो विमानीमुप शिन्नाम्युर्वशीं वसिष्ठः ।
उप त्वा रातिः सुकृतस्य तिष्ठान्नि वर्तस्व हृदयं तप्यते मे १७
इति त्वा देवा इम आहुरैळ यथैमेतद्भवसि मृत्युबन्धुः ।
प्रजा तै देवान् हविषा यजाति स्वर्ग उ त्वमपि मादयासे १८

(५१) एकपञ्चाशं सूक्तम्

(१-१३) त्रयोदशर्चस्यास्य सूक्तस्याङ्गिरसो बरुरेन्द्रः सर्वहरिर्वा ऋषिः । हरिर्देवता

। (१-११) प्रथमाद्येकादशर्चा जगती,

(१२-१३) द्वादशीत्रयोदशयोश्च त्रिष्टुप् छन्दसी

प्र तै महे विदथै शंसिषुं हरी प्र तै वन्वे वनुषौ हर्यतं मदम् ।

घृतं न यो हरिभिश्चारु सेचत आ त्वा विशन्तु हरिवर्षसं गिरः १
 हरिं हि योनिमभि ये समस्वरन् हिन्वन्तो हरी दिव्यं यथा सदैः ।
 आ यं पृणन्ति हरिभिर्न धेनव इन्द्राय शूषं हरिवन्तमर्चत २
 सो अस्य वज्रो हरितो य आयसो हरिर्निकामो हरिरा गर्भस्त्योः ।
 द्युम्नी सुशिप्रो हरिमन्युसायक इन्द्रे नि रूपा हरिता मिमिक्षिरे ३
 दिवि न केतुरधि धायि हर्यतो विव्यचद्वज्रो हरितो न रंहा ।
 तुददहिं हरिशिप्रो य आयसः सहस्रशोका अभवद्धरिभरः ४
 त्वंत्वमहर्यथा उपस्तुतः पूर्वेभिरिन्द्र हरिकेश यज्वभिः ।
 त्वं हर्यसि तव विश्वमुक्थ्यश्मसामि राधौ हरिजात हर्यतम् ५
 ता वज्रिणं मन्दिनं स्तोम्यं मद इन्द्रं रथे वहतो हर्यता हरी ।
 पुरुरयस्मै सर्वनानि हर्यत इन्द्राय सोमा हरयो दधन्विरे ६
 अरं कामाय हरयो दधन्विरे स्थिराय हिन्वन् हरयो हरी तुरा ।
 अर्वाद्भिर्यो हरिभिर्जोषमीर्यते सो अस्य कामं हरिवन्तमानशे ७
 हरिश्मशारुर्हरिकेश आयसस्तुरस्पेये यो हरिपा अर्वाधत ।
 अर्वाद्भिर्यो हरिभिर्वाजिनीवसुरति विश्वा दुरिता पारिषुद्धरी ८
 स्रुवैव यस्य हरिणी विपेततुः शिप्रे वाजाय हरिणी दविध्वतः ।
 प्र यत् कृते चमसे मर्मजद्धरी पीत्वा मदस्य हर्यतस्यान्धसः ९
 उत स्म सद्य हर्यतस्य पस्त्योऽरत्यो न वाजं हरिवाँ अचिक्रदत् ।
 मही चिद्धि धिषणाहर्यदोर्जसा बृहद्वयो दधिषे हर्यतश्चिदा १०
 आ रोदसी हर्यमाणो महित्वा नव्यनव्यं हर्यसि मन्म नु प्रियम् ।
 प्र पस्त्यमसुर हर्यतं गोराविष्कृधि हरये सूर्याय ११
 आ त्वा हर्यन्तं प्रयुजो जनानां रथे वहन्तु हरिशिप्रमिन्द्र ।
 पिबा यथा प्रतिभृतस्य मध्वो हर्यन् यज्ञं सधमादे दशौणिम् १२
 अपाः पूर्वेषां हरिवः सुतानामथो इदं सर्वनं केवलं ते ।
 ममद्धि सोमं मधुमन्तमिन्द्र सत्रा वृषञ्जठर आ वृषस्व १३

(५२) द्विपञ्चाशं सूक्तम्

(१-२३) त्रयोविंशत्यृचस्यास्य सूक्तस्याथर्वणो भिषगृषिः । ओषधयो देवताः ।

अनुष्टुप् छन्दः

या ओषधीः पूर्वा जाता देवेभ्यस्त्रियुगं पुरा ।
 मनै नु बभ्रूणामहं शतं धामानि सप्त च १
 शतं वौ अम्ब धामानि सहस्रमुत वो रुहः ।
 अधा शतक्रत्वो यूयमिमं मे अगदं कृत २
 ओषधीः प्रति मोदध्वं पुष्पवतीः प्रसूवरीः ।
 अश्वा इव सजित्वरीर्वीरुधः पारयिष्णवः ३
 ओषधीरिति मातरस्तद्वौ देवीरुपं ब्रुवे ।
 सनेयमश्वं गां वासं आत्मानं तव पूरुष ४
 अश्वत्थे वौ निषदनं पूर्णे वौ वसतिष्कृता ।
 गोभाज इत् किलासथ यत्सनवथ पूरुषम् ५
 यत्रौषधीः समगमत राजानः समिताविव ।
 विप्रः स उच्यते भिषग् रक्षोहामीवचातनः ६
 अश्वावतीं सौमावतीमूर्जयन्तीमुदौजसम् ।
 आवित्सि सर्वा ओषधीरस्मा अरिष्टतातये ७
 उच्छुष्मा ओषधीनां गावौ गोष्ठादिवेरते ।
 धनं सनिष्यन्तीनामात्मानं तव पूरुष ८
 इष्कृतिर्नाम वो माता ऽथो यूयं स्थ निष्कृतीः ।
 सीराः पततृणीः स्थन यदामयेति निष्कृथ ९
 अति विश्वाः परिष्ठाः स्तेन इव व्रजमक्रमुः ।
 ओषधीः प्राचुच्यवुर्यत् किं च तन्वोर्ऽरुपः १०
 यदिमा वाजयन्नहमोषधीर्हस्त आदधे ।
 आत्मा यद्धर्मस्य नश्यति पुरा जीवगृभौ यथा ११
 यस्यौषधीः प्रसर्पथाङ्गमङ्गं परुष्परुः ।
 ततो यद्धमं वि बाधध्व उग्रो मध्यमशीरिव १२
 साकं यद्धमं प्र पत चाषेण किकिदीविना ।
 साकं वातस्य ध्राज्या साकं नश्य निहाकया १३
 अन्या वौ अन्यामवत्वन्यान्यस्या उपावत ।
 ताः सर्वाः संविदाना इदं मे प्रावता वचः १४
 याः फलिनीर्या अफला अपुष्पा याश्च पुष्पिणीः ।
 बृहस्पतिप्रसूतास्ता नो मुञ्चन्त्वंहसः १५

मुञ्चन्तु मा शपथ्याइदथौ वरुणयादुत ।
 अथौ यमस्य पड्बीशात् सर्वस्माद्देवकिल्बिषात् १६
 अवपतन्तीरवदन् दिव ओषधयस्परि ।
 यं जीवमश्नवामहै न स रिष्याति पूरुषः १७
 या ओषधीः सोमराज्ञीर्बहीः शतविचक्षणाः ।
 तासां त्वमस्युत्तमारं कामायु शं हृदे १८
 या ओषधीः सोमराज्ञीर्विष्टिताः पृथिवीमनु ।
 बृहस्पतिप्रसूता अस्यै सं दत्त वीर्यम् १९
 मा वौ रिषत् खनिता यस्मै चाहं खनामि वः ।
 द्विपच्चतुष्पदस्माकं सर्वमस्त्वनातुरम् २०
 याश्चेदमुपशृणवन्ति याश्च दूरं परगिताः ।
 सर्वाः संगत्य वीरुधो ऽस्यै सं दत्त वीर्यम् २१
 ओषधयः सं वदन्ते सोमैः सह राज्ञा ।
 यस्मै कृणोति ब्राह्मणस्तं राजन् पारयामसि २२
 त्वमुत्तमास्यौषधे तव वृक्षा उपस्तयः ।
 उपस्तिरस्तु सोऽस्माकं यो अस्माँ अभिदासति २३

(५३) त्रिपञ्चाशं सूक्तम्

(१-१२) द्वादशर्चस्यास्य सूक्तस्याष्टिषेणो देवापिर्भृषिः । देवा देवताः ।

त्रिष्टुप् छन्दः

बृहस्पते प्रति मे देवतामिहि मित्रो वा यद्वरुणो वासि पूषा ।
 आदित्यैर्वा यद्वसुभिर्मरुत्वान् त्स पर्जन्यं शतनवे वृषाय १
 आ देवो दूतो अजिरश्चिकित्वान् त्वद्देवापे अभि मामगच्छत् ।
 प्रतीचीनः प्रति मामा ववृत्स्व दधामि ते द्युमतीं वाचमासन् २
 अस्मे धैहि द्युमतीं वाचमासन् बृहस्पते अनमीवामिषिराम् ।
 यया वृष्टिं शतनवे वनाव दिवो द्रुप्सो मधुमाँ आ विवेश ३
 आ नो द्रुप्सा मधुमन्तो विशन्त्विन्द्र देह्यधिरथं सहस्रम् ।
 नि षीद होत्रमृतुथा यजस्व देवान् देवापे हविषा सपर्य ४
 आष्टिषेणो होत्रमृषिर्निषीदन् देवापिर्देवसुमतिं चिकित्वान् ।
 स उत्तरस्मादधरं समुद्रमुपो दिव्या असृजद्वृष्याँ अभि ५

अस्मिन् त्समुद्रे अद्ध्युत्तरस्मिन्नापो देवेभिर्निर्वृता अतिष्ठन् ।
ता अद्रवन्नार्ष्टिषेणेन सृष्टा देवापिना प्रेषिता मृत्तिर्णीषु ६
यद्देवापिः शतनवे पुरोहितो होत्राय वृतः कृपयन्नदीधेत् ।
देवश्रुतं वृष्टिवनिं रराणो बृहस्पतिवर्चिमस्मा अयच्छत् ७
यं त्वा देवापिः शुशुचानो अग्र आर्ष्टिषेणो मनुष्यः समीधे ।
विश्वेभिर्देवैरनुमद्यमानः प्र पर्जन्यमीरया वृष्टिमन्तम् ८
त्वां पूर्वं ऋषयो गीर्भिरायन् त्वामध्वरेषु पुरुहूत विश्वे ।
सहस्राण्यधिरथान्यस्मे आ नो यज्ञं रोहिदश्वोप याहि ९
एतान्यग्रे नवतिर्नव त्वे आहुतान्यधिरथा सहस्रा ।
तेभिर्वर्धस्व तन्वः शूर पूर्वीर्दिवो नो वृष्टिमिषितो रिरीहि १०
एतान्यग्रे नवतिं सहस्रा सं प्र यच्छ वृष्ण इन्द्राय भागम् ।
विद्वान् पथ ऋतुशो देवयानानप्यौलानं दिवि देवेषु धेहि ११
अग्रे बाधस्व वि मृधो वि दुर्गहा ऽपामीवामप रक्षासि सेध ।
अस्मात् समुद्राद्बृहतो दिवो नो ऽपां भूमानमुप नः सृजेह १२

(५४) चतुःपञ्चाशं सूक्तम्

(१-१२) द्वादशर्चस्यास्य सूक्तस्य वैखानसो वम्र ऋषिः । इन्द्रो देवता ।

त्रिष्टुप् छन्दः

कं नश्चित्रमिषण्यसि चिकित्वान् पृथुग्मानं वाश्रं वावृधध्यै ।
कत् तस्य दातु शर्वसो व्युष्टौ तन्नद्वजं वृत्रतुरमपिन्वत् १
स हि द्युता विद्युता वेति सामं पृथुं योनिमसुरत्वा संसाद ।
स सनीळेभिः प्रसहानो अस्य भ्रातुर्न ऋते सप्तथस्य मायाः २
स वाजं यातापदुष्पदा यन् त्वर्षाता परि षदत् सनिष्यन् ।
अनुर्वा यच्छतदुरस्य वेदो घञ्छिनदैवाँ अभि वर्षसा भूत् ३
स यद्दयोऽवनीर्गोष्वर्वा ऽऽ जुहोति प्रधन्यासु सस्त्रिः ।
अपादो यत्र युज्यासोऽरथा द्रोणयश्वास ईरते घृतं वाः ४
स रुद्रेभिरशस्तवार ऋभ्वा हित्वी गयमारेअवद्य आगात् ।
वम्रस्य मन्ये मिथुना विवव्री अन्नमभीत्यारोदयन्मुषायन् ५
स इद्दासं तुवीरवं पतिर्दन् षळक्षं त्रिशीर्षाणं दमन्यत् ।
अस्य त्रितो न्वोजसा वृधानो विपा वराहमयोअग्रया हन् ६

स द्रुहणे मनुष ऊर्ध्वसान आ साविषदर्शसानाय शरुम् ।
 स नृतमो नहषोऽस्मत् सुजातः पुरोऽभिनदर्हन् दस्युहत्ये ७
 सो अश्रियो न यवस उदन्यन् क्षयाय गातुं विदत्रो अस्मे ।
 उप यत् सीददिन्दुं शरीरैः श्येनोऽयोपाष्टिर्हन्ति दस्यून् ८
 स ब्राधतः शवसानेभिरस्य कुत्साय शुष्णं कृपणे परादात् ।
 अयं कविमनयच्छस्यमानमत्कं यो अस्य सनितोत नृणाम् ९
 अयं दशस्यन् नर्येभिरस्य दस्मो देवेभिर्वरुणो न मायी ।
 अयं कनीनं ऋतुपा अवेद्यमिमीतारुं यश्चतुष्पात् १०
 अस्य स्तोमैभिरौशिज ऋजिश्वा वृजं दरयद्वृषभेण पिप्रौः ।
 सुत्वा यद्यजतो दीदयद्दीः पुरं इयानो अभि वर्षसा भूत् ११
 एवा मृहो असुर वक्षथाय वमृकः पडिभरुप सर्पदिन्द्रम् ।
 स इयानः करति स्वस्तिमस्मा इषमूर्जं सुक्षितिं विश्वमाभाः १२

(५५) पञ्चपञ्चाशं सूक्तम्

(१-१२) द्वादशर्चस्यास्य सूक्तस्य वान्दनो दुवस्युर्ऋषिः । विश्वे देवा देवताः ।

(१-११) प्रथमाद्येकादशर्चा जगती, (१२) द्वादश्याश्च त्रिष्टुप् छन्दसी

इन्द्र दृह्यं मघवन् त्वावदिद्भुज इह स्तुतः सुतपा बोधि नो वृधे ।
 देवेभिर्नः सविता प्रावतु श्रुतमा सर्वतातिमदितिं वृणीमहे १
 भराय सु भरत भागमृत्वियं प्र वायवे शुचिपे क्रन्ददिष्टये ।
 गौरस्य यः पर्यसः पीतिमानश आ सर्वतातिमदितिं वृणीमहे २
 आ नो देवः सविता साविषद्वयं ऋजूयते यजमानाय सुन्वते ।
 यथा देवान् प्रतिभूषेम पाक्वदा सर्वतातिमदितिं वृणीमहे ३
 इन्द्रो अस्मे सुमना अस्तु विश्वहा राजा सोमः सुवितस्याध्यैतु नः ।
 यथायथा मित्रधितानि संदधुरा सर्वतातिमदितिं वृणीमहे ४
 इन्द्र उक्थेन शवसा परुर्दधे बृहस्पते प्रतरीतास्यायुषः ।
 यज्ञो मनुः प्रमतिर्नः पिता हि कृमा सर्वतातिमदितिं वृणीमहे ५
 इन्द्रस्य नु सुकृतं दैव्यं सहो ऽग्निर्गृहे जरिता मेधिरः कविः ।
 यज्ञश्च भूद्विदथे चारुरन्तम् आ सर्वतातिमदितिं वृणीमहे ६
 न वो गुहा चकृम भूरि दुष्कृतं नाविष्टयं वसवो देवहेळनम् ।
 मार्किर्नो देवा अनृतस्य वर्षस आ सर्वतातिमदितिं वृणीमहे ७

अपामीवां सविता साविषन्नचश्वरीय इदप सेधन्त्वद्रयः ।
 गावा यत्र मधुषुदुच्यते बृहदा सर्वतातिमदिति वृणीमहे ८
 ऊर्ध्वो गावा वसवोऽस्तु सोतरि विश्वा द्वेषांसि सनुतर्युयोत ।
 स नो देवः सविता पायुरीड्य आ सर्वतातिमदिति वृणीमहे ९
 ऊर्जं गावो यवसे पीवो अत्तन ऋतस्य याः सदेने कोशे अइध्वे ।
 तनूरेव तन्वो अस्तु भेषजमा सर्वतातिमदिति वृणीमहे १०
 क्रतुप्रावा जरिता शश्वतामव इन्द्र इन्द्रा प्रमतिः सुतावताम् ।
 पूर्णमूर्धदिव्यं यस्य सिक्तय आ सर्वतातिमदिति वृणीमहे ११
 चित्रस्तै भानुः क्रतुप्रा अभिष्टिः सन्ति स्पृधौ जरणिप्रा अधृष्टाः ।
 रजिष्ठया रज्या पश्व आ गोस्तूर्षति पर्यग्रं दुवस्युः १२

(५६) षट्पञ्चाशं सूक्तम्

(१-१२) द्वादशर्वस्यास्य सूक्तस्य सौम्यो बुध ऋषिः । विश्वे देवा ऋत्विजो वा
 देवताः । (१-३, ७-८, १०-११) प्रथमादितृचस्य
 सप्तम्यष्टमीदशम्येकादशीनामृचाञ्च त्रिष्टुप्, (४, ६) चतुर्थीषष्ठयोगायत्री, (५)
 पञ्चम्या बृहती, (६, १२) नवमीद्वादशयोश्च जगती छन्दांसि

उद्ध्व्यध्वं समनसः सखायः समग्निमिन्ध्वं बृहवः सनीळाः ।
 दधिक्रामग्निमुषसं च देवी मिन्द्रावतोऽवसे नि ह्वये वः १
 मन्द्रा कृणुध्वं धिय आ तनुध्वं नारवमरित्रपरणीं कृणुध्वम् ।
 इष्कृणुध्वमायुधारं कृणुध्वं प्राञ्चं यज्ञं प्र गायता सखायः २
 युनक्त सीरा वि युगा तनुध्वं कृते योनौ वपतेह बीजम् ।
 गिरा च श्रुष्टिः सभरा असन्नो नेदीय इत् सृगयः पक्वमेयात् ३
 सीरा युञ्जन्ति कवयो युगा वि तन्वते पृथक् । धीरा देवेषु सुम्रया ४
 निराहावान् कृणोतन् सं वरत्रा दधातन ।
 सिञ्चामहा अवतमुद्रिणं वयं सुषेकमनुपक्षितम् ५
 इष्कृताहावमवतं सुवरत्रं सुषेचनम् । उद्रिणं सिञ्चे अक्षितम् ६
 प्रीणीताश्वान् हितं जयाथ स्वस्तिवाहं रथमित् कृणुध्वम् ।
 द्रोणाहावमवतमश्मचक्र मंसत्रकोशं सिञ्चता नृपाणाम् ७
 व्रजं कृणुध्वं स हि वौ नृपाणो वर्म सीव्यध्वं बहुला पृथूनि ।

पुरः कृणुध्वमायसीरधृष्टा मा वः सुस्रोच्चमसो दृंहता तम् ८
 आ वो धियं यज्ञियां वर्त ऊतये देवा देवीं यजतां यज्ञियामिह ।
 सा नो दुहीयद्यवसेव गृत्वी सहस्रधारा पर्यसा मही गौः ९
 आ तू षिञ्च हरिमीं द्रोपस्थे वाशीभिस्तक्षताश्मन्मयीभिः ।
 परिष्वजध्वं दशं कक्ष्याभि रुभे धुरौ प्रति वह्निं युनक्त १०
 उभे धुरौ वह्निरापिब्दमानो ऽन्तर्यो नैव चरति द्विजानिः ।
 वनस्पतिं वन आस्थापयध्वं नि षू दधिध्वमखनन्त उत्साम् ११
 कपृन्नरः कपृथमुद्घातन चोदयत खुदत वाजसातये ।
 निष्टिगरयः पुत्रमा च्यावयोतय इन्द्रं सबाध इह सोमपीतये १२

(५७) सप्तपञ्चाशं सूक्तम्

(१-१२) द्वादशर्चस्यास्य सूक्तस्य भार्म्यश्वो मुद्गल ऋषिः । दुग्धण इन्द्रो वा देवता ।

(१, ३, १२) प्रथमातृतीयाद्वादशीनामृचां बृहती, (२, ४-११)

द्वितीयायाश्चतुर्थ्याद्यष्टानाञ्च त्रिष्टुप् छन्दसी

प्र ते रथं मिथूकृतं मिन्द्रोऽवतु धृष्णुया ।
 अस्मिन्नाजौ पुरुहूत श्रवाय्ये धनभक्षेषु नोऽव १
 उत स्म वातो वहति वासो अस्या अधिरथं यदजयत् सहस्रम् ।
 रथीरभून्मुद्गलानी गविष्टौ भरै कृतं व्यचेदिन्द्रसेना २
 अन्तर्यच्छ जिघांसतो वज्रमिन्द्राभिदासतः ।
 दासस्य वा मघवन्नार्यस्य वा सनुतर्यवया वधम् ३
 उदनो हृदमपिब्रज्रहृषाणः कूटं स्म तृहदभिमातिमेति ।
 प्र मुष्कभारः श्रवं इच्छमानो ऽजिरं बाहू अभरत् सिषासन् ४
 न्यक्रन्दयन्नुपयन्त एन ममेहयन् वृषभं मध्यं आजेः ।
 तेन सूभर्वं शतवत् सहस्रं गवां मुद्गलः प्रधने जिगाय ५
 ककर्दवे वृषभो युक्त आसी दवावचीत् सारथिरस्य केशी ।
 दुर्धैर्युक्तस्य द्रवतः सहानस ऋच्छन्ति ष्मा निष्पदो मुद्गलानीम् ६
 उत प्रधिमुदहन्नस्य विद्वा नुपायुनग्वंसंगमत्र शिक्तन् ।
 इन्द्र उदावत् पतिमघ्याना मरहत पद्याभिः ककुघान् ७
 शूनमष्टचफद्वाव्यचरत् कपर्दी वरत्रायां दार्वानह्यमानः ।
 नृणानि कृणवन् ब्रह्वे जनायु गाः पस्पशानस्तविषीरधत् ८

इमं तं पश्य वृषभस्य युञ्जं काष्ठाया मध्ये द्रुघुणं शयानम् ।
येन जिगाय शतवत् सहस्रं गवां मुद्गलः पृतनाज्येषु ६
आरे अघा को न्विश्था ददर्श यं युञ्जन्ति तम्वा स्थापयन्ति ।
नास्मै तूणं नोदकमा भरन्त्युत्तरो धुरो वहति प्रदेदिशत् १०
परिवृक्तेव पतिविद्यमानत् पीप्याना कूचक्रेणेव सिञ्चन् ।
एषैष्या चिद्रथ्या जयेम सुमङ्गलं सिनवदस्तु सातम् ११
त्वं विश्वस्य जगतश्चक्षुरिन्द्रासि चक्षुषः ।
वृषा यदाजिं वृषणा सिषाससि चोदयन् वहिणा युजा १२

(५८) अष्टपञ्चाशं सूक्तम्

(१-१३) त्रयोदशर्चस्यास्य सूक्तस्यैन्द्रोऽप्रतिरथ ऋषिः । (१-३, ५-११)

प्रथमादितृचस्य पञ्चम्यादिसप्तर्चाञ्चन्द्रः, (४) चतुर्थ्या बृहस्पतिः, (१२) द्वादश्या
अप्वा देवी, (१३) त्रयोदश्याञ्चन्द्रो मरुतो वा देवताः । (१-१२)

प्रथमादिद्वादशर्चा त्रिष्टुप्, (१३) त्रयोदश्याश्चानुष्टुप् छन्दसी

आशुः शिशानो वृषभो न भीमो घनाघनः क्षोभणश्चर्षणीनाम् ।
संक्रन्दनोऽनिमिष एकवीरः शतं सेना अजयत् साकमिन्द्रः १
संक्रन्दनेनानिमिषेण जिष्णुना युत्कारेण दुश्चयवनेन धृष्णुना ।
तदिन्द्रेण जयत् तत् सहध्वं युधौ नर इषुहस्तेन वृष्णा २
स इषुहस्तैः स निषङ्गिभिर्वशी संस्रष्टा स युध इन्द्रो गणेन ।
संसृष्टजित् सौमपा बाहुशर्ध्युश्च ग्रधन्वा प्रतिहिताभिरस्ता ३
बृहस्पते परि दीया रथेन रक्षोहामित्रा अपबाधमानः ।
प्रभञ्जन्त्सेनाः प्रमृणो युधा जयन्न्स्माकमेध्यविता रथानाम् ४
बलविज्ञाय स्थविरः प्रवीरः सहस्वान् वाजी सहमान उग्रः ।
अभिवीरो अभिसत्वा सहोजा जैत्रमिन्द्र रथमा तिष्ठ गोवित् ५
गोत्रभिर्दं गोविदं वज्रबाहुं जयन्तमज्म प्रमृणन्तमोजसा ।
इमं सजाता अनु वीरयध्वं मिन्द्रं सखायो अनु सं रभध्वम् ६
अभि गोत्राणि सहसा गार्हमानो ऽदयो वीरः शतमन्युरिन्द्रः ।
दुश्चयवनः पृतनाषाळयुध्योर्ऽस्माकं सेना अवतु प्र युत्सु ७
इन्द्र आसां नेता बृहस्पतिर्दक्षिणा यज्ञः पुर एतु सोमः ।
देवसेनानामभिभञ्जतीनां जयन्तीनां मरुतो यन्त्वग्रम् ८

इन्द्रस्य वृष्णो वरुणस्य राज्ञ आदित्यानां मरुतां शर्ध उग्रम् ।
 महामनसां भुवनच्यवानां घोषो देवानां जयतामुदस्थात् ६
 उद्धर्षय मघवन्नायुधा न्युत् सत्वनां मामकानां मनांसि ।
 उद्धृत्रहन् वाजिनां वाजिना न्युद्रथानां जयतां यन्तु घोषाः १०
 अस्माकमिन्द्रः समृतेषु ध्वजेष्व स्माकं या इषवस्ता जयन्तु ।
 अस्माकं वीरा उत्तरे भवन्त्वस्माँ उ देवा अवता हवेषु ११
 अमीषां चित्तं प्रतिलोभयन्ती गृहाणाङ्गान्यप्वे परेहि ।
 अभि प्रेहि निर्दह हत्सु शोकै रन्धेनामित्रास्तमसा सचन्ताम् १२
 प्रेता जयता नर इन्द्रो वः शर्म यच्छतु ।
 उग्रा वः सन्तु ब्राहवो ऽनाधृष्या यथासथ १३

(५६) एकोनषष्टितमं सूक्तम्

(१-११) एकादशर्चस्यास्य सूक्तस्य वैश्वामित्रोऽष्टक ऋषिः । इन्द्रो देवता । त्रिष्टुप्
 छन्दः असावि सोमः पुरुहूत तुभ्यं हरिभ्यां यज्ञमुप याहि तूर्यम् ।
 तुभ्यं गिरो विप्रवीरा इयाना दधन्विर इन्द्र पिबा सुतस्य १
 अप्सु धूतस्य हरिवः पिबेह नृभिः सुतस्य जठरं पृणस्व ।
 मिमिचुर्यमद्रय इन्द्र तुभ्यं तेभिर्वर्धस्व मदमुक्थवाहः २
 प्रोग्रां पीतिं वृष्णा इयर्मि सत्यां प्रये सुतस्य हर्यश्च तुभ्यम् ।
 इन्द्र धेनाभिरिह मादयस्व धीभिर्विश्वाभिः शच्या गृणानः ३
 ऊती शचीवस्तव वीर्येण वयो दधाना उशिज ऋतज्ञाः ।
 प्रजावदिन्द्र मनुषो दुरोणे तस्थुर्गृणन्तः सधमाद्यासः ४
 प्रणीतिभिष्टे हर्यश्च सुष्टोः सुषुम्नस्य पुरुचो जनासः ।
 मंहिष्ठामूतिं वितिरे दधानाः स्तोतारं इन्द्र तव सूनृताभिः ५
 उप ब्रह्माणि हरिवो हरिभ्यां सोमस्य याहि पीतये सुतस्य ।
 इन्द्र त्वा यज्ञः क्षममाणमानङ् दाश्वाँ अस्यध्वरस्य प्रकेतः ६
 सहस्रवाजमभिमातिषाहं सुतेरणं मघवानं सुवृक्तिम् ।
 उप भूषन्ति गिरो अप्रतीत मिन्द्रं नमस्या जरितुः पनन्त ७
 सप्तापो देवीः सुरणा अमृक्ता याभिः सिन्धुमतर इन्द्र पूर्भित् ।
 नवतिं स्रोत्या नव च स्रवन्ती देवेभ्यो गातुं मनुषे च विन्दः ८

अपो महीरभिर्शस्तेरमुञ्चो ऽजागरास्वधिं देव एकः ।
 इन्द्र यास्त्वं वृत्रतूर्यै चकथ ताभिर्विश्वायुस्तन्वं पुपुष्याः ६
 वीरेण्यः क्रतुरिन्द्रः सुशस्ति रूतापि धेनां पुरुहूतमीदृष्टे ।
 आर्दयद्वत्रमकृणोदु लोकं संसाहे शक्रः पृतना अभिष्टिः १०
 शूनं हुवैम मघवान्मिन्द्रं मस्मिन् भरे नृतमं वाजसातौ ।
 शृणवन्तमुग्रमूतयै समत्सु घन्तं वृत्राणि संजितं धनानाम् ११

(६०) षष्टितमं सूक्तम्

(१-११) एकादशर्चस्यास्य सूक्तस्य कौत्सो दुर्मित्रः सुमित्रो गुणतः, विपर्यस्तनामा
 वा ऋषिः । इन्द्रो देवता । (१) प्रथमर्चो गायत्र्युष्णिग्वा, (२, ७)

द्वितीयासप्तम्योः पिपीलिकमध्या, (३-६, ८-१०)

तृतीयादिचतसृणामष्टम्यादितृचस्य चोष्णिक्, (११) एकादश्याश्च त्रिष्टुप् छन्दांसि
 कदा वंसो स्तोत्रं हर्यत आवं श्मशा रुधद्वाः । दीर्घं सुतं वाताप्याय १
 हरी यस्य सुयुजा विव्रता वे र्वन्तानु शेपा । उभा र्जी न केशिना पतिर्दन्
 २

अप योरिन्द्रः पापंज आ मर्तो न शश्रमाणो बिभीवान् । शुभे यद्युयुजे
 तविषीवान् ३

सचायोरिन्द्रश्चर्कृष आँ उपानसः सपर्यन् । नदयोर्विव्रतयोः शूर इन्द्रः ४
 अधि यस्तस्थौ केशवन्ता व्यचस्वन्ता न पुष्ट्यै । वनोति शिप्राभ्यां
 शिप्रिणीवान् ५

प्रास्तौदृष्वौजा ऋष्वेभि स्ततन्न शूरः शर्वसा । ऋभुर्न क्रतुभिर्मातरिश्वा ६
 वज्रं यश्चक्रे सुहनाय दस्यवे हिरीमशो हिरीमान् । अरुतहनुरद्धुतं न रजः ७
 अवं नो वृजिना शिशी ह्यृचा वनेमानृचः । नाब्रह्मा यज्ञ ऋधग्जोषति त्वे
 ८

ऊर्ध्वा यत् ते त्रेतिनी भू द्यज्ञस्य धूर्षु सघ्नन् । सजूर्नावं स्वयंसं सचायोः ९
 श्रिये ते पृश्निरुपसेचनी भू च्छ्रिये दर्विररेपाः । यया स्वे पात्रे सिञ्चस उत्
 १०

शतं वा यदसुर्यं प्रति त्वा सुमित्र इत्थास्तौदुर्मित्र इत्थास्तौत् ।
 आवो यदस्युहत्यै कुत्सपुत्रं प्रावो यदस्युहत्यै कुत्सवत्सम् ११

षष्ठोऽध्यायः

व० १-२७ ।

(६१) एकषष्टितमं सूक्तम्

(१-११) एकादशर्चस्यास्य सूक्तस्य काश्यपो भूतांश ऋषिः । अश्विनौ देवते ।

त्रिष्टुप् छन्दः

उ॒भा उ॑ नूनं तदिद॑र्थायेथे वि त॑न्वाथे धियो व॒स्त्राप॑सैव ।
 स॒ध्रीची॑ना यात॑वे प्रेम॑जीगः सुदि॑नेव पृ॒क्ष आ त॑सयेथे १
 उ॒ष्टारै॑व फ॒र्वेषु॑ श्रयेथे प्रायो॑गेव श्वा॒त्र्या शा॑सुरेथः ।
 दू॒तेव॑ हि ष्ठो य॒शसा॑ जने॑षु माप॑ स्थातं महि॑षेवा॒वपाना॑त् २
 सा॒कंयु॑जा शकु॑नस्यैव प॒क्षा प॒श्वेव॑ चि॒त्रा यजु॑रा ग॑मिष्टम् ।
 अ॒ग्निरि॑व दे॒वयो॑दी॒दिवा॑सा परि॑ज्मानेव यजथः पुरु॑त्रा ३
 आ॒पी वो॑ अ॒स्मे पि॑तरै॒व पु॒त्रो ग्रे॑व रु॒चा नृ॑पती॒व तु॒र्यै ।
 इ॒र्यैव॑ पु॒ष्ट्यै कि॑र॒णैव॑ भु॒ज्यै श्रु॑ष्टी॒वानै॑व ह॒वमा॑ ग॑मिष्टम् ४
 वं॒संगे॑व पू॒ष्या शि॑म्बाता॒ मि॒त्रेव॑ ऋ॒ता श॑तरा॒ शात॑पन्ता ।
 वा॒जैवो॑च्चा वय॑सा घ॒र्म्येष्टा॑ मे॒षैवे॑षा स॒पर्या॑इ॒ पुरी॑षा ५
 सृ॒ण्यैव॑ ज॒र्भरी॑ तु॒र्फरी॑तू नैतो॑शेव॒ तु॒र्फरी॑ प॒र्फरी॑का ।
 उ॒द॒न्यजे॑व॒ जे॒र्मना॑ म॒देरू॒ ता मे॑ ज॒राय्व॑जरं म॒रायु॑ ६
 प॒जेव॑ च॒र्वरं॑ जा॒रं म॒रायु॑ क्ष॒द्येवा॑र्येषु त॒र्तरी॑थ उ॒ग्रा ।
 ऋ॒भू ना॑पत् ख॒रम॑जा ख॒रञ्जु॑ वा॒युर्न प॑र्फरत् क्ष॒यद्र॑यी॒णाम् ७
 घ॒र्मेव॑ मधु॒ ज॒ठरै॑ स॒नेरू॒ भगै॑विता तु॒र्फरी॑ फा॒रिवा॑रम् ।
 प॒तरे॑व॒ च॒चरा॑ च॒न्द्रनि॑र्णिङ्ग॒न॒ऋ॒ङ्गा म॑न॒न्याइ॑ न ज॒ग्मी ८
 बृ॒हन्ते॑व ग॒म्भरै॑षु प्र॒तिष्ठां॑ पा॒दैव॑ गा॒धं तर॑ते वि॒दाथः॑ ।
 क॒र्णैव॑ शा॒सुर॑नु हि स्म॒राथो॑ऽशै॒व नो॑ भज॒तं चि॒त्रम॑प्रः ९
 आ॒र॒ङ्गरे॑व॒ मध्वै॑र॒येथे॑ सा॒र॒घेव॑ ग॒वि नी॑ची॒र्नबारे॑ ।
 की॒नारै॑व॒ स्वेद॑मा॒सिष्वि॑दाना॒ क्षामै॑वो॒र्जा सू॑यव॒सात् स॑चेथे १०
 ऋ॒ध्याम॑ स्तो॒मं स॑नु॒याम॑ वा॒ज मा॒ नो म॑न्त्रं स॒रथे॑हो॒प या॑तम् ।
 यशो॑ न प॒क्वं मधु॑ गो॒ष्वन्त॑रा भू॒तांशो॑ अ॒श्विनोः॑ का॒र्मम॑प्राः ११

(६२) द्विषष्टितमं सूक्तम्

(१-११) एकादशर्चस्यास्य सूक्तस्याङ्गिरसो दिव्य ऋषिः, प्राजापत्या दक्षिणा वा

ऋषिका । दक्षिणा दक्षिणादातारो वा देवताः । (१-३, ५-११) प्रथमादितृचस्य
पञ्चम्यादिसप्तर्चाञ्च त्रिष्टुप्, (४) चतुर्थ्याश्च जगती छन्दसी
आविरभून्महि माघौनमेषां विश्वं जीवं तमसो निरमोचि ।
महि ज्योतिः पितृभिर्दत्तमागां दुरुः पन्था दक्षिणाया अदर्शि १
उच्चा दिवि दक्षिणावन्तो अस्थुर्ये अश्वदाः सह ते सूर्येण ।
हिरण्यदा अमृतत्वं भजन्ते वासोदाः सौम प्र तिरन्त आयुः २
दैवी पूर्तिर्दक्षिणा देवयज्या न क्वारिभ्यो नहि ते पूणन्ति ।
अथा नरः प्रयतदक्षिणासो ऽवद्यभिया ब्रह्मः पूणन्ति ३
शतधारं वायुमर्कं स्वर्विदं नृचक्षसस्ते अभि चक्षते हविः ।
ये पूणन्ति प्र च यच्छन्ति संगमे ते दक्षिणां दुहते सप्तमातरम् ४
दक्षिणावान् प्रथमो हूत एति दक्षिणावान् ग्रामणीरग्रमेति ।
तमेव मन्ये नृपतिं जनानां यः प्रथमो दक्षिणामाविवाय ५
तमेव ऋषिं तमु ब्रह्माणमाहु र्यज्ञन्यं सामगामुक्थशासम् ।
स शक्रस्य तन्वो वेद तिस्रो यः प्रथमो दक्षिणया रराध ६
दक्षिणाश्चं दक्षिणा गां ददाति दक्षिणा चन्द्रमुत यद्विरण्यम् ।
दक्षिणान्नं वनुते यो न आत्मा दक्षिणां वर्म कृणुते विजानन् ७
न भोजा ममूर्न न्यर्थमीयुर्न रिष्यन्ति न व्यथन्ते ह भोजाः ।
इदं यद्विश्वं भुवन् स्वश्चै तत् सर्वं दक्षिणैभ्यो ददाति ८
भोजा जिग्युः सुरभिं योनिमग्रे भोजा जिग्युर्वध्वंश् या सुवासाः ।
भोजा जिग्युरन्तःपेयं सुराया भोजा जिग्युर्ये अहृताः प्रयन्ति ९
भोजायाश्चं सं मृजन्त्याशुं भोजायास्ते कन्याश् शुभमाना ।
भोजस्येदं पुष्करिणीव वेश्म परिष्कृतं देवमानेव चित्रम् १०
भोजमश्वाः सुष्ठुवाहौ वहन्ति सुवृद्रथौ वर्तते दक्षिणायाः ।
भोजं देवासोऽवता भरेषु भोजः शत्रून्समनीकेषु जेता ११

(६३) त्रिषष्टितमं सूक्तम्

(१-११) एकादशर्चस्यास्य सूक्तस्य (१, ३, ५, ७, ९)

प्रथमातृतीयापञ्चमीसप्तमीनवमीनामृचां पणयोऽसुरा ऋषयः, (२, ४, ६, ८, १०-
११) द्वितीयाचतुर्थीषष्ठ्यष्टमीदशम्येकादशीनाञ्च सरमा ऋषिका । (१, ३, ५, ७,
९) प्रथमातृतीयापञ्चमीसप्तमीनवमीनामृचां सरमा, (२, ४, ६, ८, १०-११)

द्वितीयाचतुर्थीषष्ठ्यष्टमीदशम्येकादशीनाञ्च पणयो देवताः । त्रिष्टुप् छन्दः
किमिच्छन्तीं सरमा प्रेदमानङ् दूरे ह्यध्वा जगुरिः पराचैः ।
कास्मेहिंतिः का परितक्म्यासीत् कथं रसाया अतरः पर्यासि १
इन्द्रस्य दूतीरिषिता चरामि मह इच्छन्ती पणयो निधीन् वः ।
अतिष्कदौ भियसा तन्न आवत् तथा रसाया अतरं पर्यासि २
कीदृङ्ङिङ्ङिः सरमे का दृशीका यस्येदं दूतीरसरः पराकात् ।
आ च गच्छान्मित्रमेना दधामा ऽथा गवां गोपतिर्नो भवाति ३
नाहं तं वैद दभ्यं दभत् स यस्येदं दूतीरसरं पराकात् ।
न तं गूहन्ति स्रवतो गभीरा हता इन्द्रेण पणयः शयध्वे ४
इमा गावः सरमे या ऐच्छः परि दिवो अन्तान् सुभगे पतन्ती ।
कस्त एना अर्व सृजादयुध्व्यु तास्माकमायुधा सन्ति तिग्मा ५
असेन्या वः पणयो वचास्य निषव्यास्तन्वः सन्तु पापीः ।
अधृष्टो व एतवा अस्तु पन्था बृहस्पतिर्व उभया न मृळात् ६
अयं निधिः सरमे अद्रिबुधो गोभिरश्वेभिर्वसुभिर्नृष्टः ।
रक्षन्ति तं पणयो ये सुगोपा रेकु पदमलकमा जगन्थ ७
एह गमन्नृषयः सोमशिता अयास्यो अङ्गिरसो नवग्वाः ।
त एतमूर्व वि भजन्त गोना मथैतद्वचः पणयो वमन्नित् ८
एवा च त्वं सरम आजगन्थ प्रबाधिता सहसा दैव्येन ।
स्वसारं त्वा कृण्वै मा पुनर्गा अप ते गवां सुभगे भजाम ९
नाहं वैद भ्रातृत्वं नो स्वसृत्व मिन्द्रो विदुरङ्गिरसश्च घोराः ।
गोकांमा मे अच्छदयन् यदाय मपात इत पणयो वरीयः १०
दूरमित पणयो वरीय उद्गावो यन्तु मिन्तीऋतेन ।
बृहस्पतिर्या अविन्दन्निगूळहाः सोमो ग्रावाण ऋषयश्च विप्राः ११

(६४) चतुःषष्टितमं सूक्तम्

(१-७) सप्तर्चस्यास्य सूक्तस्य जुहूर्नाम्नी ब्रह्मवादिनी ब्रह्मजाया ऋषिका, ब्राह्म ऊर्ध्वनाभा वा ऋषिः । विश्वे देवा देवताः । (१-५) प्रथमादिपञ्चर्चा त्रिष्टुप्,

(६-७) षष्ठीसप्तम्योश्चानुष्टुप् छन्दसी

तैऽवदन् प्रथमा ब्रह्मकिल्बिषे ऽकूपारः सलिलो मातरिश्वा ।
वीळुहंरास्तप उग्रो मयोभू रापो देवीः प्रथमजा ऋतेन १

सोमो राजा प्रथमो ब्रह्मजायां पुनः प्रायच्छदहणीयमानः ।
 अन्वर्तिता वरुणो मित्र आसी दग्निर्होता हस्तगृह्या निनाय २
 हस्तैर्नैव ग्राह्य आधिरस्या ब्रह्मजायेयमिति चेदवोचन् ।
 न दूतार्य प्रह्ये तस्थ एषा तथा राष्ट्रं गुपितं क्षत्रियस्य ३
 देवा एतस्यामवदन्त पूर्वे सप्तऋषयस्तपसे ये निषेदुः ।
 भीमा जाया ब्राह्मणस्योपनीता दुर्धा दधाति परमे व्योमन् ४
 ब्रह्मचारी चरति वेविषद्विषः स देवानां भवत्येकमङ्गम् ।
 तेन जायामन्वविन्दद्बृहस्पतिः सोमैर्न नीतां जुहंश् न देवाः ५
 पुनर्वै देवा अददुः पुनर्मनुष्या उत ।
 राजानः सत्यं कृण्वाना ब्रह्मजायां पुनर्ददुः ६
 पुनर्दार्य ब्रह्मजायां कृत्वी देवैर्निकिल्बिषम् ।
 ऊर्जं पृथिव्या भक्त्वायो रुगायमुपासते ७

(६५) पञ्चषष्टितमं सूक्तम्

(१-११) एकादशर्चस्यास्य सूक्तस्य भार्गवो जमदग्निर्जामदग्र्यो रामो वा ऋषिः ।
 (१) प्रथमर्च इध्मः समिद्धो वाग्निः, (२) द्वितीयायास्तनूनपात्, (३) तृतीयाया
 इळः, (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता,
 (७) सप्तम्या दैव्यौ होतारौ प्रचेतसौ, (८) अष्टम्यास्तिस्त्रो देव्यः
 सरस्वतीळाभारत्यः, (९) नवम्यास्त्वष्टा, (१०) दशम्या वनस्पतिः, (११)

एकादश्याश्च स्वाहाकृतय्हो देवताः । त्रिष्टुप् छन्दः

समिद्धो अद्य मनुषो दुरोणे देवो देवान् यजसि जातवेदः ।
 आ च वह मित्रमहश्चिकित्वान् त्वं दूतः कविरसि प्रचेताः १
 तनूनपात् पथ ऋतस्य यानान् मध्वा समञ्जन्त्स्वदया सुजिह्व ।
 मन्मानि धीभिरुत यज्ञमृन्धन् देवत्रा च कृणुह्यध्वरं नः २
 आजुह्वान् ईड्यो वन्द्यश्चा ऽऽ याह्यग्ने वसुभिः सजोषाः ।
 त्वं देवानामसि यह्व होता स एनान् यक्षीषितो यजीयान् ३
 प्राचीर्न बर्हिः प्रदिशां पृथिव्या वस्तोरस्या वृज्यते अग्ने अह्वाम् ।
 व्यु प्रथते वितरं वरीयो देवेभ्यो अदितये स्योनम् ४
 व्यचस्वतीरुर्विया वि श्रयन्तां पतिभ्यो न जनयः शुष्ममानाः ।
 देवीर्द्वारो बृहतीर्विश्वमिन्वा देवेभ्यो भवत सुप्रायणाः ५

आ सुष्वयन्ती यजते उपाके उषासानक्ता सदतां नि योनौ ।
 दिव्ये योषणे बृहती सुरुक्मे अधि श्रियं शुक्रपिशं दधाने ६
 दैव्या होतारा प्रथमा सुवाचा मिमांसा यज्ञं मनुषो यज्ज्यै ।
 प्रचोदयन्ता विदथेषु कारू प्राचीनं ज्योतिः प्रदिशा दिशन्ता ७
 आ नो यज्ञं भारती तूर्यमे त्विळां मनुष्वदिह चेतयन्ती ।
 तिस्रो देवीर्बृहिरिदं स्योनं सरस्वती स्वपसः सदन्तु ८
 य इमे द्यावापृथिवी जनित्री रूपैरपिशद्बुवनानि विश्वा ।
 तमद्य होतरिषितो यजीयान् देवं त्वष्टारमिह यच्चि विद्वान् ९
 उपावसृज त्मन्यां समञ्जन् देवानां पार्थ ऋतुथा हवींषि ।
 वनस्पतिः शमिता देवो अग्निः स्वदन्तु हव्यं मधुना घृतेन १०
 सद्यो जातो व्यमिमीत यज्ञं मग्निर्देवानामभवत् पुरोगाः ।
 अस्य होतुः प्रदिश्यतस्य वाचि स्वाहाकृतं हविरदन्तु देवाः ११

(६६) षट्षष्टितमं सूक्तम्

(१-१०) दशर्चस्यास्य सूक्तस्य वैरूपोऽष्टादंष्ट्र ऋषिः । इन्द्रो देवता ।

त्रिष्टुप् छन्दः

मनीषिणः प्र भरध्वं मनीषां यथायथा मतयः सन्ति नृणाम् ।
 इन्द्रं सत्यैरेरयामा कृतेभिः स हि वीरो गिर्वणस्युर्विदानः १
 ऋतस्य हि सदसो धीतिरद्यौत् सं गर्ष्ट्यो वृषभो गोभिरानट् ।
 उदतिष्ठत् तविषेणा रवेण महान्ति चित् सं विव्याचा रजांसि २
 इन्द्रः किल श्रुत्या अस्य वेद स हि जिष्णुः पथिकृत् सूर्याय ।
 आन्मेना कृणवन्नच्युतो भुवद्भोः पतिर्दिवः सनजा अप्रतीतः ३
 इन्द्रो महा महतो अर्णवस्य वृतामिनादङ्गिरोभिर्गृणानः ।
 पुरुणि चिन्नि तताना रजांसि दाधार यो धरुणं सत्यताता ४
 इन्द्रो दिवः प्रतिमानं पृथिव्या विश्वा वेदु सर्वना हन्ति शुष्णाम् ।
 महीं चिद् द्यामार्तनोत् सूर्येण चास्कम्भं चित् कम्भनेन स्कभीयान् ५
 वज्रेण हि वृत्रहा वृत्रमस्त रदैवस्य शूशुवानस्य मायाः ।
 वि धृष्णो अत्र धृषता जघन्था ऽथाभवो मघवन् बाह्वीजाः ६
 सचन्त यदुषसः सूर्येण चित्रामस्य केतवो रामविन्दन् ।

आ यन्नक्षत्रं ददृशे दिवो न पुनर्यतो नकिरद्धा नु वैद ७
दूरं किल प्रथमा जग्मुरासा मिन्द्रस्य याः प्रसवे सस्त्रुरापः ।
क्व स्वदग्रं क्व बुध आसा मापो मध्यं क्व वो नूनमन्तः ८
सृजः सिन्धूरहिना जग्रसानां आदिदेताः प्र विविज्ञे ज्वेन ।
मुमुक्षमाणा उत या मुमुचे ऽधेदेता न रमन्ते नितित्ताः ९
संधीचीः सिन्धुमुशतीरिवायन् त्सनाञ्जार आरितः पूर्भिदासाम् ।
अस्तमा ते पार्थिवा वसू न्यस्मे जग्मुः सूनृता इन्द्र पूर्वीः १०

(६७) समषष्टितमं सूक्तम्

(१-१०) दशर्चस्यास्य सूक्तस्य वैरूपो नभःप्रभेदन ऋषिः । इन्द्रो देवता ।

त्रिष्टुप् छन्दः

इन्द्र पिबं प्रतिक्रमं सुतस्य प्रातःसावस्तव हि पूर्वपीतिः ।
हर्षस्व हन्तवे शूर शत्रू नुक्थेभिष्टे वीर्याइ प्र ब्रवाम १
यस्ते रथो मनसो जवीया नेन्द्र तेन सोमपेयाय याहि ।
तूयमा ते हरयः प्र द्रवन्तु येभिर्यासि वृषभिर्मन्दमानः २
हरित्वता वर्चसा सूर्यस्य श्रेष्ठै रूपैस्तन्वं स्पर्शयस्व ।
अस्माभिरिन्द्र सखिभिर्हुवानः संधीचीनो मादयस्वा निषद्य ३
यस्य त्यत् तै महिमानं मदै ष्विमे मही रोदसी नाविविक्ताम् ।
तदोक आ हरिभिरिन्द्र युक्तैः प्रियेभिर्याहि प्रियमन्नमच्छ ४
यस्य शश्वत् पपिवाँ इन्द्र शत्रू ननानुकृत्या रण्या चकथ ।
स ते पुरंधिं तविषीमियति स ते मदाय सुत इन्द्र सोमः ५
इदं ते पात्रं सनवित्तमिन्द्र पिबा सोममेना शतक्रतो ।
पूर्णं आहावो मंदिरस्य मध्वो यं विश्व इदंभिहयन्ति देवाः ६
वि हि त्वामिन्द्र पुरुधा जनासो हितप्रयसो वृषभ हयन्ते ।
अस्माकं ते मधुमत्तमानी मा भुवन्त्सर्वना तेषु हर्य ७
प्र त इन्द्र पूर्व्याणि प्र नूनं वीर्या वोचं प्रथमा कृतानि ।
सतीनमन्युरश्रथायो अद्रिं सुवेदनामकृणोर्ब्रह्मणे गाम् ८
नि षु सीद गणपते गणेषु त्वामाहुर्विप्रतमं कवीनाम् ।
न ऋते त्वत् क्रियते किं चनारे महामर्कं मघवञ्चित्रमर्च ९
अभिख्या नौ मघवन् नार्धमानान् त्सखै बोधि वसुपते सखीनाम् ।

रणं कृधि रणकृत् सत्यशुष्मा ऽभक्ते चिदा भजा राये अस्मान् १०

(६८) अष्टषष्टितमं सूक्तम्

(१-१०) दशरचस्यास्य सूक्तस्य वैरूपः शतप्रभेदन ऋषिः । इन्द्रो देवता । (१-
६) प्रथमादिनवर्चा जगती, (१०) दशमयाश्च त्रिष्टुप् छन्दसी
तमस्य द्यावापृथिवी सचैतसा विश्वेभिर्देवैरनु शुष्ममावताम् ।
यदैत्कृणवानो महिमानमिन्द्रियं पीत्वी सोमस्य क्रतुमाँ अवर्धत १
तमस्य विष्णुर्महिमानमोजसां ऽशं दधन्वान् मधुनो वि रंप्शते ।
देवेभिरिन्द्रो मघवा सयावभिर्वृत्रं जघन्वाँ अभवद्वरैरयः २
वृत्रेण यदहिना बिभ्रदायुधा समस्थिथा युधये शंसमाविदे ।
विश्वे ते अत्रं मरुतः सह त्मना ऽवर्धन्नुग्र महिमानमिन्द्रियम् ३
जज्ञान एव व्यबाधत् स्पृधः प्रापश्यद्वीरो अभि पौंस्यं रणम् ।
अर्वश्चदद्रिमव सस्यदः सृज दस्तभ्नान्नार्कं स्वपस्यया पृथुम् ४
आदिन्द्रः सत्रा तविषीरपत्यत् वरीयो द्यावापृथिवी अबाधत ।
अवाभरद्धृषितो वज्रमायसं शेवं मित्राय वरुणाय दाशुषे ५
इन्द्रस्यात्र तविषीभ्यो विरप्शिनं ऋघायतो अरंहयन्त मन्यवे ।
वृत्रं यदुग्रो व्यवृश्चदोजसा ऽपो बिभ्रतं तमसा परीवृतम् ६
या वीर्याणि प्रथमानि कर्त्वा महित्वेभिर्यतमानौ समीयतुः ।
ध्वान्तं तमोऽव दध्वसे हत इन्द्रो मुहा पूर्वहृतावपत्यत ७
विश्वे देवासो अध वृष्यानि ते ऽवर्धयन्त्सोमवत्या वचस्यया ।
रद्धं वृत्रमहिमिन्द्रस्य हन्मना ऽग्निर्न जम्भैस्तृष्वन्नमावयत् ८
भूरि दक्षैभिर्वचनेभिर्ऋक्वभिः सख्येभिः सख्यानि प्र वीचत ।
इन्द्रो धुनिं च चुमुरिं च दम्भयं ञ्छ्रद्धामनस्या शृणुते दभीतये ९
त्वं पुरुरगया भरा स्वश्वया येभिर्मसै निवचनानि शंसन् ।
सुगेभिर्विश्वा दुरिता तरेम विदो षु ण उर्विया गाधमद्य १०

(६९) एकोनसप्ततितमं सूक्तम्

(१-१०) दशरचस्यास्य सूक्तस्य वैरूपः सध्रिस्तापसो घर्मो वा ऋषिः । विश्वे देवा
देवताः । (१-३, ५-१०) प्रथमादितृचस्य पञ्चम्यादिषड्चाञ्च त्रिष्टुप्, (४)
चतुर्थ्याश्च जगती छन्दसी

घृमा समन्ता त्रिवृतं व्यापतु स्तयोर्जुष्टिं मातरिश्वा जगाम ।
दिवस्पयो दिधिषाणा अवेषन् विदुर्देवाः सहसामानमर्कम् १
तिस्रो देष्ट्राय निर्ऋतीरुपासते दीर्घश्रुतो वि हि जानन्ति वह्नयः ।
तासां नि चिक्युः कवयौ निदानं परेषु या गुह्येषु वृतेषु २
चतुष्कपर्दा युवतिः सुपेशा घृतप्रतीका वयुनानि वस्ते ।
तस्यां सुपर्णा वृषणा नि षैदतुर्यत्र देवा दधिरे भागधेयम् ३
एकः सुपर्णः स समुद्रमा विवेश स इदं विश्वं भुवनं वि चष्टे ।
तं पाकेन मनसापश्यमन्तितस्तं माता रेळिह स उ रेळिह मातरम् ४
सुपर्णं विप्राः कवयो वचोभिरेकं सन्तं बहुधा कल्पयन्ति ।
छन्दांसि च दधतो अध्वरेषु ग्रहान्तसोमस्य मिमते द्वादश ५
षट्त्रिंशांश्च चतुरः कल्पयन्त श्छन्दांसि च दधत आद्वादशम् ।
यज्ञं विमार्य कवयौ मनीष ऋक्सामाभ्यां प्र रथं वर्तयन्ति ६
चतुर्दशान्ये महिमानौ अस्य तं धीरा वाचा प्र रणयन्ति सप्त ।
आप्राणं तीर्थं क इह प्र वोच द्येनं पथा प्रपिबन्ते सुतस्य ७
सहस्रधा पञ्चदशान्युक्था यावद् द्यावापृथिवी तावदित् तत् ।
सहस्रधा महिमानः सहस्रं यावद्ब्रह्म विष्टितं तावती वाक् ८
कश्छन्दसां योगमा वेद धीरः को धिष्यां प्रति वाचं पपाद ।
कमृत्विर्जामष्टमं शूरमाहु हरी इन्द्रस्य नि चिकाय कः स्वित् ९
भूम्या अन्तं पर्येकं चरन्ति रथस्य धूर्षु युक्तासौ अस्थुः ।
श्रमस्य दायं वि भजन्त्येभ्यो यदा यमो भवति हर्म्ये हितः १०

(७०) सप्ततितमं सूक्तम्

(१-६) नवर्चस्यास्य सूक्तस्य वार्षिहव्य उपस्तुत ऋषिः । अग्निर्देवता । (१-७)
प्रथमादिसप्तर्चा जगती, (८) अष्टम्यास्त्रिष्टुप्, (९) नवम्याश्च शक्वरी छन्दांसि
चित्र इच्छिशोस्तरुणस्य वृक्षथो न यो मातरावप्येति धातवे ।
अनूधा यदि जीजनदधा च नु ववक्ष सद्यो महि दूत्यंश् चरन् १
अग्निर्ह नाम धायि दन्नपस्तमः सं यो वना युवते भस्मना दृता ।
अभिप्रमुरा जुहा स्वध्वर इनो न प्रोथमानो यवसे वृषा २
तं वो विं न द्रुषद देवमन्धेस इन्दुं प्रोथन्तं प्रवपन्तमर्णवम् ।
आसा वह्निं न शोचिषा विरप्शिनं महिव्रतं न सरजन्तमध्वनः ३

वि यस्य ते जयसानस्याजर धक्षोर्न वाताः परि सन्त्यच्युताः ।
 आ रगवासो युयुधयो न सत्वन्नं त्रितं नशन्त प्र शिषन्त इष्टये ४
 स इदग्निः कण्वतमः कण्वसखा ऽर्यः परस्यान्तरस्य तरुषः ।
 अग्निः पातु गूणतो अग्निः सूरी नग्निर्ददातु तेषामवो नः ५
 वाजिन्तमाय सह्यसे सुपित्र्य तृषु च्यवानो अनु जातवेदसे ।
 अनुद्रे चिद्यो धृषता वरं सते महिन्तमाय धन्वनेदविष्यते ६
 एवाग्निर्मतैः सह सूरिभिर्वसुः ष्टवे सहसः सूनरो नृभिः ।
 मित्रासो न ये सुधिता ऋतायवो द्यावो न द्युमैरभि सन्ति मानुषान् ७
 ऊर्जो नपात् सहसावन्निति त्वो पस्तुतस्य वन्दते वृषा वाक् ।
 त्वां स्तोषाम् त्वया सुवीरा द्राघीय आयुः प्रतरं दधानाः ८
 इति त्वाग्ने वृष्टिहव्यस्य पुत्रा उपस्तुतास ऋषयोऽवोचन् ।
 ताँश्च पाहि गूणतश्च सूरीन् वषड्वषळित्यूध्वासौ अनक्षन् नमो नम्
 इत्युध्वासौ अनक्षन् ९

(७१) एकसप्ततितमं सूक्तम्

(१-९) नवर्चस्यास्य सूक्तस्य स्थौरोऽग्नियुतोऽग्नियूपो वा ऋषिः । इन्द्रो देवता ।

त्रिष्टुप् छन्दः

पिबा सोमं महत इन्द्रियाय पिबा वृत्राय हन्तवे शविष्ठ ।
 पिब राये शर्वसे हूयमानः पिब मध्वस्तृपदिन्द्रा वृषस्व १
 अस्य पिब क्षुमतः प्रस्थितस्येन्द्र सोमस्य वरमा सुतस्य ।
 स्वस्तिदा मनेसा मादयस्वा ऽर्वाचीनो रेवते सौभगाय २
 ममत्तु त्वा दिव्यः सोमं इन्द्र ममत्तु यः सूयते पार्थिवेषु ।
 ममत्तु येन वरिवश्चकथं ममत्तु येन निरिणासि शत्रून् ३
 आ द्विबर्हा अमिनो यात्विन्द्रो वृषा हरिभ्यां परिषिक्तमन्धः ।
 गव्या सुतस्य प्रभृतस्य मध्वः सत्रा खेदांमरुशहा वृषस्व ४
 नि तिग्मानि भ्राशयन् भ्राश्या न्यव स्थिरा तनुहि यातुजूनाम् ।
 उग्राय ते सहो बलं ददामि प्रतीत्या शत्रून् विगुदेषु वृश्च ५
 व्यर्श्य इन्द्र तनुहि श्रवांस्यो जः स्थिरेव धन्वनोऽभिमातीः ।
 अस्मद्रयगवावृधानः सहोभि रनिभृष्टस्तन्व वावृधस्व ६
 इदं हविर्मघवन् तुभ्यं रातं प्रति सम्राळहृणानो गृभाय ।

तुभ्यं सुतो मघवन् तुभ्यं पक्वोऽं ऽद्धीन्द्र पिबं च प्रस्थितस्य ७
 अद्धीदिन्द्र प्रस्थितेमा हवींषि चनो दधिष्व पचतोत सोमम् ।
 प्रयस्वन्तः प्रति हर्यामसि त्वा सत्याः संन्तु यजमानस्य कामाः ८
 प्रेन्द्राग्निभ्यां सुवचस्यामियमि सिन्धाविव प्रेरयं नार्वमुकैः ।
 अया इव परि चरन्ति देवा ये अस्मभ्यं धनदा उद्भिदंश्च ९

(७२) द्विसप्ततितमं सूक्तम्

(१-९) नवर्चस्यास्य सूक्तस्याङ्गिरसो भिक्षुर्ऋषिः । धनान्नदानं देवता । (१-२)

प्रथमाद्वितीययोर्ऋचोर्जगती, (३-९) तृतीयादिसप्तानाञ्च त्रिष्टुप् छन्दसी

न वा उं देवाः क्षुधमिद्वधं ददु रूताशितमुप गच्छन्ति मृत्यवः ।
 उतो रयिः पूणतो नोप दस्य त्युतापूणन् मर्दितारं न विन्दते १
 य आध्राय चकमानाय पित्वो ऽन्नवान्त्सन् रफितायोपजग्मुषे ।
 स्थिरं मनः कृणुते सेवते पुरो तो चित् स मर्दितारं न विन्दते २
 स इद्भोजो यो गृहवे ददा त्यन्नकामाय चरते कृशाय ।
 अरमस्मै भवति यामहूता उतापरीषु कृणुते सखायम् ३
 न स सखा यो न ददाति सख्यै सचाभुवे सचमानाय पित्वः ।
 अपास्मात् प्रेयान्न तदोकौ अस्ति पूणन्तमन्यमरणं चिदिच्छेत् ४
 पूणीयादिन्नाधमानाय तव्यान् द्राघीयांसमनु पश्येत् पन्थाम् ।
 ओ हि वर्तन्ते रथ्यैव चक्रा ऽन्यमन्यमुप तिष्ठन्त रायः ५
 मोघमन्नं विन्दते अप्रचेताः सत्यं ब्रवीमि वृध इत् स तस्य ।
 नार्यमणं पुष्यति नो सखायं केवलाघो भवति केवलादी ६
 कृषन्नित् फाल आशितं कृणोति यन्नध्वानमप वृङ्गे चरित्रैः ।
 वदन् ब्रह्मावदतो वनीयान् पूनापिरपूणन्तमभि ष्यात् ७
 एकपाद्भूयो द्विपदो वि चक्रमे द्विपात् त्रिपादमभ्यैति पश्चात् ।
 चतुष्पादेति द्विपदामभिस्वरे संपश्यन् पुङ्कीरुपतिष्ठमानः ८
 समौ चिद्धस्तौ न समं विविष्टः समातरा चिन्न समं दुहाते ।
 यमयोश्चिन्न समा वीर्याणि ज्ञाती चित् सन्तौ न समं पूणीतः ९

(७३) त्रिसप्ततितमं सूक्तम्

(१-९) नवर्चस्यास्य सूक्तस्यामहीयव उरुक्षय ऋषिः । रक्षोहाग्निर्देवता ।

गायत्री छन्दः

अग्ने हंसि न्यश्त्रिणं दीद्यन्मर्त्येष्व्वा । स्वे क्षयै शुचिव्रत १
 उत्तिष्ठसि स्वाहुतो घृतानि प्रति मोदसे । यत् त्वा स्तुचः समस्थिरन् २
 स आहुतो वि रोचते ऽग्निरीळेन्यौ गिरा । स्तुचा प्रतीकमज्यते ३
 घृतेनाग्निः समज्यते मधुप्रतीक आहुतः । रोचमानो विभार्वसुः ४
 जरमाणः समिध्यसे देवेभ्यो हव्यवाहन । तं त्वा हवन्त मर्त्याः ५
 तं मर्ता अमर्त्यं घृतेनाग्निं संपर्यत । अदाभ्यं गृहपतिम् ६
 अदाभ्येन शोचिषा ऽग्ने रक्षस्त्वं देह । गोपा ऋतस्य दीदिहि ७
 स त्वमग्ने प्रतीकेन प्रत्यौष यातुधान्यः । उरुक्षयैषु दीद्यत् ८
 तं त्वा गीर्भिरुरुक्षया हव्यवाहं समीधिरे । यजिष्ठं मानुषे जनै ९

(७४) चतुःसप्ततितमं सूक्तम्

(१-१३) त्रयोदशर्चस्यास्य सूक्तस्यैन्द्रो लव ऋषिः । आत्मा देवता ।

गायत्री छन्दः

इति वा इति मे मनो गामश्च सनुयामिति । कुवित् सोमस्यापामिति १
 प्र वाता इव दोधत् उन्मा पीता अयंसत । कुवित् सोमस्यापामिति २
 उन्मा पीता अयंसत् रथमश्वा इवाशर्वः । कुवित् सोमस्यापामिति ३
 उप मा मतिरस्थित वाश्चा पुत्रमिव प्रियम् । कुवित् सोमस्यापामिति ४
 अहं तष्टैव वन्धुरं पर्यचामि हृदा मतिम् । कुवित् सोमस्यापामिति ५
 नहि मे अक्षिपच्चना ऽच्छान्तसुः पञ्च कृष्टयः । कुवित् सोमस्यापामिति ६
 नहि मे रोदसी उभे अन्यं पक्षं चन प्रति । कुवित् सोमस्यापामिति ७
 अभि द्यां महिना भुव मभीर्मां पृथिवीं महीम् । कुवित् सोमस्यापामिति ८
 हन्ताहं पृथिवीमिमां नि दधानीह वेह वा । कुवित् सोमस्यापामिति ९
 ओषमित् पृथिवीमहं जङ्घनानीह वेह वा । कुवित् सोमस्यापामिति १०
 दिवि मे अन्यः पक्षोर्ऽधो अन्यमचीकृषम् । कुवित् सोमस्यापामिति ११
 अहमस्मि महामहौ ऽभिनभ्यमुदीषितः । कुवित् सोमस्यापामिति १२
 गृहो याम्यरकृतो देवेभ्यो हव्यवाहनः । कुवित् सोमस्यापामिति १३
 सप्तमोऽध्यायः । व० १-३० ।

(७५) पञ्चसप्ततितमं सूक्तम्

(१-६) नवर्चस्यास्य सूक्तस्याथर्वणो बृहद्विव ऋषिः । इन्द्रो देवता ।

त्रिष्टुप् छन्दः

तदिदास भुवनेषु ज्येष्ठं यतो जज्ञ उग्रस्त्वेषनृम्णः ।
सद्यो जज्ञानो नि रिणाति शत्रू ननु यं विश्वे मदन्त्यूमाः १
वावृधानः शर्वसा भूर्योजाः शत्रुर्दासाय भियसं दधाति ।
अव्येनञ्च व्यनञ्च सस्त्रि सं तै नवन्त प्रभृता मदेषु २
त्वे क्रतुमपि वृञ्जन्ति विश्वे द्विर्यदेते त्रिर्भवन्त्यूमाः ।
स्वादोः स्वादीयः स्वादुना सृजा समुदः सु मधु मधुनाभि यौधीः ३
इति चिद्धि त्वा धना जयन्तं मदमदे अनुमदन्ति विप्राः ।
ओजीयो धृष्णो स्थिरमा तनुष्व मा त्वा दभन् यातुधाना दुरेवाः ४
त्वया वयं शाशद्गहे रणेषु प्रपश्यन्तो युधेन्यानि भूरि ।
चोदयामि त्वा आयुधा वचोभिः सं तै शिशामि ब्रह्मणा वयांसि ५
स्तुषेय्यं पुरुवर्षसमृभ्वं मिनतममाप्तयमाप्तयानाम् ।
आ दर्षते शर्वसा सप्त दानून् प्र साक्षते प्रतिमानानि भूरि ६
नि तर्द्धिषेऽवरं परं च यस्मिन्नाविथावसा दुरोणे ।
आ मातरां स्थापयसे जिगृह्ण अत इनोषि कर्वरा पुरूणि ७
इमा ब्रह्म बृहद्विवो विवृक्तीन्द्राय शूषमग्रियः स्वर्षाः ।
महो गोत्रस्य क्षयति स्वराजो दुरश्च विश्वा अवृणोदप स्वाः ८
एवा महान् बृहद्विवो अथर्वा ऽवोचत् स्वां तन्वश्मिन्द्रमेव ।
स्वसारो मातरिर्भ्वरीररिप्रा हिन्वन्ति च शर्वसा वर्धयन्ति च ९

(७६) षट्सप्ततितमं सूक्तम्

(१-१०) दशर्चस्यास्य सूक्तस्य प्राजापत्यो हिरण्यगर्भ ऋषिः । कः (प्रजापतिः)

देवता । त्रिष्टुप् छन्दः

हिरण्यगर्भः समवर्तताग्रे भूतस्य जातः पतिरेक आसीत् ।
स दाधार पृथिवीं द्यामुतेमां कस्मै देवाय हविषा विधेम १
य आत्मदा बलदा यस्य विश्वं उपासते प्रशिषं यस्य देवाः ।
यस्य छायामृतं यस्य मृत्युः कस्मै देवाय हविषा विधेम २
यः प्राणतो निमिषतो मेहित्वै क इद्राजा जगतो बभूव ।

य ईशै अस्य द्विपदश्चतुष्पदः कस्मै देवाय हविषा विधेम ३
 यस्येमे हिमवन्तो महित्वा यस्य समुद्रं रसया सहाहुः ।
 यस्येमाः प्रदिशो यस्य ब्राहू कस्मै देवाय हविषा विधेम ४
 येन द्यौरुग्रा पृथिवी च दृळहा येन स्वः स्तभितं येन नार्कः ।
 यो अन्तरिक्षे रजसो विमानः कस्मै देवाय हविषा विधेम ५
 यं क्रन्दसी अर्वसा तस्तभाने अभ्यैक्षतां मनसा रेजमाने ।
 यत्राधि सूर उदितो विभाति कस्मै देवाय हविषा विधेम ६
 आपो ह यद्बृहतीर्विश्वमायन् गर्भं दधाना जनयन्तीरग्निम् ।
 ततो देवानां समवर्ततासुरेकः कस्मै देवाय हविषा विधेम ७
 यश्चिदापो महिना पर्यपश्यद् दक्षं दधाना जनयन्तीर्यज्ञम् ।
 यो देवेष्वधि देव एक आसीत् कस्मै देवाय हविषा विधेम ८
 मा नो हिंसीज्जनिता यः पृथिव्या यो वा दिवं सत्यधर्मा जजान ।
 यश्चापश्चन्द्रा बृहतीर्जजानु कस्मै देवाय हविषा विधेम ९
 प्रजापते न त्वदेतान्यन्यो विश्वा जातानि परि ता बभूव ।
 यत् कामास्ते जुहुमस्तन्नो अस्तु वयं स्याम पतयो रयीणाम् १०

(७७) सप्तसप्ततितमं सूक्तम्

(१-८) अष्टर्चस्यास्य सूक्तस्य वासिष्ठश्चित्रमहा ऋषिः । अग्निर्देवता । (१, ५)
 प्रथमापञ्चम्योर्ऋचोस्त्रिष्टुप्, (२-४, ६-८) द्वितीयादितृचस्य षष्ठ्यादितृचस्य च
 जगती छन्दसी

वसुं न चित्रमहसं गृणीषे वामं शेवमतिथिमद्विषेणयम् ।
 स रासते शरुधौ विश्वधायसो ऽग्निर्होता गृहपतिः सुवीर्यम् १
 जुषाणो अग्ने प्रति हर्य मे वचो विश्वानि विद्वान् वयुनानि सुक्रतो ।
 घृतनिर्णिग्ब्रह्मणे गातुमेरय तव देवा अजनयन्ननु वृतम् २
 सप्त धामानि परियन्नमर्त्यो दाशदाशुषे सुकृतं मामहस्व ।
 सुवीरेण रयिणाग्ने स्वाभुवा यस्त आनट् समिधा तं जुषस्व ३
 यज्ञस्य केतुं प्रथमं पुरोहितं हविष्मन्त ईळते सप्त वाजिनम् ।
 शृगवन्तमग्निं घृतपृष्ठमुक्षणं पृणन्तं देवं पृणते सुवीर्यम् ४
 त्वं दूतः प्रथमो वरेणयः स हूयमानो अमृताय मत्स्व ।
 त्वां मर्जयन् मरुतो दाशुषो गृहे त्वां स्तोमैभिर्भृगवो वि रुरुचुः ५

इषं दुहन्त्सुदुर्घा विश्वधायसं यज्ञप्रिये यजमानाय सुक्रतो ।
अग्ने घृतस्त्रुस्त्रिर्ऋतानि दीर्घा द्विर्तिर्यज्ञं परियन्त्सुक्रतूयसे ६
त्वामिदस्या उषसो व्युष्टिषु दूतं कृण्वाना अयजन्त मानुषाः ।
त्वां देवा महयाय्याय वावृधु राज्यमग्ने निमृजन्तौ अध्वरे ७
नि त्वा वसिष्ठा अहन्त वाजिनं गृणन्तौ अग्ने विदथेषु वेधसः ।
रायस्पोषं यजमानेषु धारय यूयं पोत स्वस्तिभिः सदा नः ८

(७८) अष्टसप्ततितमं सूक्तम्

(१-८) अष्टर्चस्यास्य सूक्तस्य भार्गवो वेन ऋषिः । वेनो देवता । त्रिष्टुप् छन्दः
अयं वेनश्चोदयत् पृश्निगर्भा ज्योतिर्जरायू रजसो विमानै ।
इममपां संगमे सूर्यस्य शिशं न विप्रां मृतिभीं रिहन्ति १
समुद्रादूर्मिमुदियति वेनो नभोजाः पृष्ठं हर्यतस्य दर्शि ।
ऋतस्य सानावधिं विष्टपि भ्राट् समानं योनिमभ्यनूषत वाः २
समानं पूर्वीरभि वावशाना स्तिष्ठन् वत्सस्य मातरः सनीळाः ।
ऋतस्य सानावधिं चक्रमाणा रिहन्ति मध्वो अमृतस्य वाणीः ३
जानन्तौ रूपमकृपन्त विप्रां मृगस्य घोषं महिषस्य हि गमन् ।
ऋतेन यन्तो अधि सिन्धुमस्थु विदद्गन्धर्वो अमृतानि नाम ४
अप्सरा जारमुपसिष्मियाणा योषां बिभर्ति परमे व्योमन् ।
चरत् प्रियस्य योनिषु प्रियः सन् त्सीदत् पक्षे हिरण्यये स वेनः ५
नाकै सुपर्णमुप यत् पतन्तं हृदा वेनन्तो अभ्यचक्षत त्वा ।
हिरण्यपक्षं वरुणस्य दूतं यमस्य योनौ शकुनं भुरगयुम् ६
ऊर्ध्वो गन्धर्वो अधि नाकै अस्थात् प्रत्यङ् चित्रा बिभ्रदस्यायुधानि ।
वसानो अत्कं सुरभिं दृशे कं स्वर्णं नाम जनत प्रियाणि ७
द्रुप्सः समुद्रमभि यज्जिगाति पश्यन् गृध्रस्य चक्षसा विधर्मन् ।
भानुः शुक्रेण शोचिषा चकान स्तृतीयै चक्रे रजसि प्रियाणि ८

(७९) एकोनाशीतितमं सूक्तम्

(१-९) नवर्चस्यास्य सूक्तस्य (१, ५-९) प्रथमर्चः

पञ्चम्यादिपञ्चानाञ्चाग्निवरुणसोमाः, (२-४) द्वितीयादितृचस्य चाग्निर्ऋषयः । (१)
प्रथमर्चोऽग्निः, (२-४) द्वितीयादितृचस्याग्नेरात्मा, (५, ७-८)

पञ्चमीसप्तम्यष्टमीनां वरुणः, (६) षष्ठ्याः सोमः, (९) नवम्याश्चेन्द्रो देवताः ।

(१-६, ८-९) प्रथमादिषड्चामष्टमीनवम्योश्च त्रिष्टुप्,

(७) सप्तम्याश्च जगती छन्दसी

इमं नो अग्र उषं यज्ञमेहि पञ्चयामं त्रिवृतं सप्ततन्तुम् ।
 असौ हव्यवाळुत नः पुरोगा ज्योगेव दीर्घं तम् आशयिष्ठाः १
 अदेवाद्देवः प्रचता गुहा यन् प्रपश्यमानो अमृतत्वमैमि ।
 शिवं यत् सन्तमशिवो जहामि स्वात् सख्यादरणीं नाभिमेमि २
 पश्यन्नन्यस्या अतिथिं वयाया ऋतस्य धाम् वि मिमे पुरुणि ।
 शंसामि पित्रे असुराय शेव मयज्ञियाद्यज्ञियं भागमैमि ३
 ब्रह्मीः समा अकरमन्तरस्मि न्निन्द्रं वृणानः पितरं जहामि ।
 अग्निः सोमो वरुणस्ते च्यवन्ते पर्यावर्द्राष्टं तदवाम्यायन् ४
 निर्माया उ त्पे असुरा अभूवन् त्वं च मा वरुण कामयासे ।
 ऋतेन राजन्नृतं विविञ्चन् मम राष्ट्रस्याधिपत्यमेहि ५
 इदं स्वरिदमिदास वाम मयं प्रकाश उर्वशन्तरिक्षम् ।
 हनाव वृत्रं निरेहि सोम हविष्ठा सन्तं हविषा यजाम ६
 कविः कवित्वा दिवि रूपमासज्ज दप्रभूती वरुणो निरपः सृजत् ।
 क्षेमं कृणवाना जनयो न सिन्ध्वं वस्ता अस्य वर्णं शुचयो भरिभ्रति ७
 ता अस्य ज्येष्ठमिन्द्रियं संचन्ते ता ईमा क्षेति स्वधया मदन्तीः ।
 ता ई विशो न राजानं वृणाना बीभत्सुवो अप वृत्रादतिष्ठन् ८
 बीभत्सूनां सयुजं हंसमाह रपां दिव्यानां सख्ये चरन्तम् ।
 अनुष्टुभमनु चर्चूर्यमाणं मिन्द्रं नि चिक्युः कवयो मनीषा ९

(८०) अशीतितमं सूक्तम्

(१-८) अष्टर्चस्यास्य सूक्तस्याम्भृणी वागृषिका । आत्मा देवता । (१, ३-८)

प्रथमर्चस्तृतीयादिषण्णाञ्च त्रिष्टुप्, (२) द्वितीयायाश्च जगती छन्दसी

अहं रुद्रेभिर्वसुभिश्चरा म्यहमादित्यैरुत विश्वदैवैः ।
 अहं मित्रावरुणोभा बिभर्म्यहमिन्द्राग्नी अहमश्विनोभा १
 अहं सोममाहनसं बिभर्म्यहं त्वष्टारमुत पूषणं भगम् ।
 अहं दधामि द्रविणं हविष्मते सुप्रव्येर्षं यजमानाय सुन्वते २
 अहं राष्ट्रीं संगमनी वसूनां चिकितुषीं प्रथमा यज्ञियानाम् ।

तां मां देवा व्यदधुः पुरुत्रा भूरिस्थात्रां भूर्यावेशयन्तीम् ३
मया सो अन्नमत्ति यो विपश्यति यः प्राणिति य ई शृणोत्युक्तम् ।
अमन्तवो मां त उपे क्षियन्ति श्रुधि श्रुत श्रद्धिवं ते वदामि ४
अहमेव स्वयमिदं वदामि जुष्टं देवेभिरुत मानुषेभिः ।
यं कामये तंतमुग्रं कृणोमि तं ब्रह्माणं तमृषिं तं सुमेधाम् ५
अहं रुद्राय धनुरा तनोमि ब्रह्मद्विषे शरवे हन्तवा उ ।
अहं जनाय समदं कृणो म्यहं द्यावापृथिवी आ विवेश ६
अहं सुवे पितरमस्य मूर्धन्मम योनिरप्स्वश्न्तः समुद्रे ।
ततो वि तिष्ठे भुवनानु विश्वो तामूं द्यां वर्ष्मणोप स्पृशामि ७
अहमेव वार्त इव प्र वाम्या रभमाणा भुवनानि विश्वा ।
परो दिवा पर एना पृथिव्यै तार्वती महिना सं बभूव ८

(८१) एकाशीतितमं सूक्तम्

(१-८) अष्टर्चस्यास्य सूक्तस्य शैलूषिः कुल्मलबर्हिषो वामदेव्योहोमुग्वा ऋषिः ।
विश्वे देवा देवताः । (१-७) प्रथमादिसप्तर्चामुपरिष्ठाद्बृहती, (८) अष्टम्याश्च
त्रिष्टुप् छन्दसी

न तमंहो न दुरितं देवासो अष्ट मर्त्यम् ।
सजोषसो यमर्यमा मित्रो नयन्ति वरुणो अति द्विषः १
तद्धि वयं वृणीमहे वरुण मित्रार्यमन् ।
येना निरंहसो यूयं पाथ नेथा च मर्त्यमति द्विषः २
ते नूनं नोऽयमृतये वरुणो मित्रो अर्यमा ।
नयिष्ठा उ नो नेषणि पषिष्ठा उ नः पर्षणयति द्विषः ३
यूयं विश्वं परि पाथ वरुणो मित्रो अर्यमा ।
युष्माकं शर्मणि प्रिये स्याम सुप्रणीतयोऽति द्विषः ४
आदित्यासो अति स्त्रिधो वरुणो मित्रो अर्यमा ।
उग्रं मरुद्धी रुद्रं हुवेमे न्द्रमग्निं स्वस्तयेऽति द्विषः ५
नेतार ऊ षु णस्तिरो वरुणो मित्रो अर्यमा ।
अति विश्वानि दुरिता राजानश्चर्षणीनामति द्विषः ६
शुनमस्मभ्यमृतये वरुणो मित्रो अर्यमा ।
शर्म यच्छन्तु सप्रथं आदित्यासो यदीमहे अति द्विषः ७

यथा हृ त्यद्वसवो गौर्यं चित् पदि षिताममुञ्चता यजत्राः ।
एवो ष्वश्मन्मुञ्चता व्यंहः प्र तार्यग्ने प्रतरं न आर्युः ८

(८२) द्व्यशीतितमं सूक्तम्

(१-८) अष्टर्चस्यास्य सूक्तस्य सौभरः कुशिक ऋषिर्भारद्वाजी रात्रिर्वा ऋषिका ।
रात्रिर्देवता । गायत्री छन्दः

रात्री व्यख्यदायती पुरुत्रा देव्यश्क्षभिः । विश्वा अधि श्रियोऽधित १
ओर्वप्रा अमर्त्या निवतौ देव्युश्द्वतः । ज्योतिषा बाधते तमः २
निरु स्वसारमस्कृतो षसं देव्यायती । अपेदु हासते तमः ३
सा नो अद्य यस्या वयं नि ते यामन्नविद्धमहि । वृद्धे न वसति वयः ४
नि ग्रामासो अविद्धत नि पद्धन्तो नि पद्धिणः । नि श्येनासश्चिदर्थिनः ५
यावया वृक्यं वृकं यवयं स्तेनमूर्ध्ने । अथा नः सुतरा भव ६
उप मा पेपिशत् तमः कृष्णं व्यक्तमस्थित । उष ऋणेव यातय ७
उप ते गा इवाकरं वृणीष्व दुहितर्दिवः । रात्रि स्तोमं न जिग्युषे ८

(८३) त्र्यशीतितमं सूक्तम्

(१-९) नवर्चस्यास्य सूक्तस्याङ्गिरसो विहव्य ऋषिः । विश्वे देवा देवताः । (१-
८) प्रथमाद्यष्टर्चा त्रिष्टुप्, (९) नवम्याश्च जगती छन्दसी

ममाग्ने वर्चो विहवेष्वस्तु वयं त्वेन्धानास्तन्वं पुषेम ।
मह्यं नमन्तां प्रदिशश्चतस्त्र स्त्वयाध्यक्षेण पृतना जयेम १
मम देवा विहवे संन्तु सर्व इन्द्रवन्तो मरुतो विष्णुरग्निः ।
ममान्तरिक्षमुरुलोकमस्तु मह्यं वार्तः पवतां कामे अस्मिन् २
मयि देवा द्रविणमा यजन्तां मय्याशीरस्तु मयि देवहृतिः ।
दैव्या होतारो वनुषन्त पूर्वे ऽरिष्टाः स्याम तन्वा सुवीराः ३
मह्यं यजन्तु मम यानि हव्या ऽऽकृतिः सत्या मर्नसो मे अस्तु ।
एनो मा नि गा कतमञ्चनाहं विश्वे देवासो अधि वोचता नः ४
देवीः षळुर्वीरुरु नः कृणोत विश्वे देवास इह वीरयध्वम् ।
मा हास्महि प्रजया मा तनूभिर्मा रंधाम द्विषते सौम राजन् ५
अग्ने मनुं प्रतिनुदन् परेषा मदब्धो गोपाः परि पाहि नस्त्वम् ।
प्रत्यञ्चो यन्तु निगुतः पुनस्ते ऽऽमैषा चित्तं प्रबुधां वि नैशत् ६

धा॒ता धा॑तृच॒फ॒दृ॒णां भु॑व॒नस्य॑ यस्पति॒र्दे॒वं त्रा॑तार॒मभि॑मातिषा॒हम् ।
इ॒मं य॒ज्ञम॑श्विनो॒भा बृ॑हस्पति॒र्दे॒वाः पा॑न्तु यज॒मानं न्य॑र्थात् ७
उ॒रु॒व्यचा॑ नो म॒हिषः शर्म॑ यंस॒ द॒स्मिन् ह॒वै पुरु॑हूतः पुरु॒क्षुः ।
स नः॑ प्र॒जायै॑ ह॒र्यश्च॑ मृ॒ळये॒न्द्र मा नो॑ रीरिषो॒ मा परा॑ दाः ८
ये नः॑ स॒पत्ना॒ अप॒ ते भ॑वन्त्वि॒न्द्राग्नि॑भ्याम॒व॒ बा॒धाम॑हे॒ तान् ।
वस॑वो रु॒द्रा आ॑दि॒त्या उ॑परि॒स्पृशं॑ मो॒ग्रं चे॒त्तार॑मधि॒राज॑म॒क्रन् ९

(८४) चतुरशीतितमं सूक्तम्

(१-७) सप्तर्चस्यास्य सूक्तस्य परमेष्ठी प्रजापतिर्ऋषिः । भाववृत्तं देवता ।

त्रिष्टुप् छन्दः

नास॑दासी॒न्नो सदा॑सीत् त॒दानीं॑ नासी॒द्रजो॑ नो व्यो॒मा प॒रो यत् ।
कि॒माव॑रीवः कु॒ह कस्य॑ शर्म॒ त्रम्भः॑ कि॒मासी॑द्ग॒हनं॑ ग॒भीरम्॑ १
न मृ॒त्युरा॑सीद॒मृतं॑ न तर्हि॑ न रा॒त्र्या अ॒हं आ॑सीत् प्र॒केतः॑ ।
आ॒नीद॒वातं॑ स्व॒धया॑ तदे॒कं तस्मा॑द्धान्य॒न्न प॒रः किं च॑नास॑ २
तम॑ आसीत् तम॑सा गु॒ळह॑म॒ग्रे ऽप्र॑के॒तं स॒लिलं॑ सर्व॒मा इ॒दम् ।
तु॒च्छेना॑भ्वपि॒हितं॑ यदासीत् तप॑स॒स्तन्म॑हिनाजा॒यतै॑कम् ३
का॒मस्त॑द॒ग्रे स॑मव॒र्तता॑धि॒ मन॑सो॒ रेतः॑ प्रथ॒मं यदा॑सीत् ।
स॒तो ब॒न्धुम॑सति॒ निर॑विन्दन् ह॒दि प्र॑ती॒ष्या क॒वयो॑ मनी॒षा ४
ति॒रश्ची॑नो वि॒ततो॑ र॒श्मिरे॑षा म॒धः स्वि॑दासी॒दुपरि॑ स्विदासी॒त् ।
रेतो॑धा आ॒सन् म॑हि॒मानं॑ आ॒सन् त्स्व॒धा अ॒वस्ता॑त् प्र॒यतिः॑ प॒रस्ता॑त् ५
को अ॒द्धा वै॒दु क इ॒ह प्र वो॑चत् कु॒त आ॒जाता॑ कु॒त इ॒यं विसृ॑ष्टिः ।
अ॒र्वाग्दे॒वा अस्य॑ वि॒सर्ज॑नेना॒ ऽथा॑ को वै॒दु यत॑ आ॒बभू॑व ६
इ॒यं विसृ॑ष्टि॒र्यत॑ आ॒बभू॑व॒ यदि॑ वा द॒धे यदि॑ वा॒ न ।
यो अ॒स्यार्ध्व॑क्षः प॒रमे॑ व्यो॒मन् त्सो॑ अ॒ङ्ग वै॒दु यदि॑ वा॒ न वेद॑ ७

(८५) पञ्चाशीतितमं सूक्तम्

(१-७) सप्तर्चस्यास्य सूक्तस्य प्राजापत्यो यज्ञ ऋषिः । भाववृत्तं देवता । (१)

प्रथमर्चो जगती, (२-७) द्वितीयादिषण्णाञ्च त्रिष्टुप् छन्दसी

यो य॒ज्ञो वि॒श्वत॑स्तन्तु॒भिस्त॑त एक॑शतं दे॒वक॑र्मे॒भिरा॑र्यतः ।
इ॒मे व॑यन्ति पि॒तरो॑ य आ॒य॒युः प्र व॑याप॒ व॒येत्या॑सते॒ त॒ते १

पुमाँ एनं तनुत् उत् कृणत्ति पुमान् वि तत्रे अधि नाकै अस्मिन् ।
 इमे म्यूखा उप सेदुरू सदः सामानि चक्रुस्तसराणयोर्तवे २
 कासीत् प्रमा प्रतिमा किं निदान् माज्यं किमासीत् परिधिः क आसीत् ।
 छन्दः किमासीत् प्रउगं किमुक्थं यदेवा देवमयजन्त विश्वे ३
 अग्नेर्गायत्र्यभवत् सयुग्वो ष्णिहया सविता सं बभूव ।
 अनुष्टुभा सोमं उक्थैर्महस्वान् बृहस्पतेर्बृहती वाचमावत् ४
 विराणिमत्रावरुणयोरभिश्री रिन्द्रस्य त्रिष्टुबिह भागो अहः ।
 विश्वान् देवाञ्जगत्या विवेश तेन चाक्लृप् ऋषयो मनुष्याः ५
 चाक्लृप्रे तेन ऋषयो मनुष्या यज्ञे जाते पितरौ नः पुराणे ।
 पश्यन् मन्ये मनसा चक्षसा तान् य इमं यज्ञमयजन्त पूर्वे ६
 सहस्तौमाः सहछन्दस आवृतः सहप्रमा ऋषयः सप्त दैव्याः ।
 पूर्वेषां पन्थामनुदृश्य धीरां अन्वालेभिरे रथ्योर्न न रश्मीन् ७

(८६) षडशीतितमं सूक्तम्

(१-७) सप्तर्चस्यास्य सूक्तस्य काक्षीवतः सुकीर्तिर्ऋषिः । (१-३, ६-७)

प्रथमादितृचस्य षष्ठीसप्तम्योर्ऋचोश्चेन्द्रः, (४-५) चतुर्थीपञ्चम्योश्चाश्विनौ देवताः ।

(१-३, ५-७) प्रथमादितृचस्य पञ्चम्यादितृचस्य च त्रिष्टुप्, (४) चतुर्थ्या

ऋचश्चानुष्टुप् छन्दसी

अप प्राच इन्द्र विश्वाँ अमित्रा नपापाचो अभिभूते नुदस्व ।
 अपोदीचो अप शूराधराच उरौ यथा तव शर्मन् मदम १
 कुविद्ङ्ग यवमन्तो यवं चि द्यथा दान्त्यनुपूर्वं वियूय ।
 इहेहैषां कृणुहि भोजनानि ये बर्हिषो नमोवृक्तिं न जग्मुः २
 नहि स्थूर्यतुथा यातमस्ति नोत श्रवो विविदे संगमेषु ।
 गव्यन्त इन्द्रे सख्याय विप्रा अश्वायन्तो वृषणं वाजयन्तः ३
 युवं सुराममश्विना नमुचावासुरे सचा ।
 विपिपाना शुभस्पती इन्द्रं कर्मस्वावतम् ४
 पुत्रमिव पितरावश्विनोभेन्द्रावथुः काव्यैर्दसनाभिः ।
 यत् सुरामं व्यपिबः शचीभिः सरस्वती त्वा मघवन्नभिष्णाक् ५
 इन्द्रः सुत्रामा स्ववाँ अवीभिः सुमृळीको भवतु विश्ववेदाः ।
 बाधतां द्वेषो अभयं कृणोतु सुवीर्यस्य पतयः स्याम ६

तस्य वयं सुमृतौ यज्ञियस्याऽपि भद्रे सौमनसे स्याम ।
स सुत्रामा स्ववाँ इन्द्रो अस्मे आराञ्चिद् द्वेषः सनुतर्युयोतु ७

(८७) सप्ताशीतितमं सूक्तम्

(१-७) सप्तर्चस्यास्य सूक्तस्य नार्मेधः शकपूत ऋषिः । (१) प्रथमर्चो
द्युभूम्यश्विनः, (२-७) द्वितीयादितृचद्वयस्य च मित्रावरुणौ देवताः । (१)
प्रथमर्चो न्यङ्कुसारिणी, (२, ६) द्वितीयाषष्ठयोः प्रस्तारपङ्क्तिः, (३-५)
तृतीयादितृचस्य विराड्रूपा, (७) सप्तम्याश्च महासतोबृहती छन्दांसि
ईजानमिद् द्यौर्गुर्तावसु रीजानं भूमिरभि प्रभूषणि ।
ईजानं देवावश्विना वभि सुमैरैवर्धताम् १
ता वा मित्रावरुणा धारयत्क्षिती सुषुम्नेषितृत्वता यजामसि ।
युवोः क्राणाय सख्यै रभि ष्याम रक्षसः २
अर्धा चिन्नु यद्दिधिषामहे वा मभि प्रियं रेक्णः पत्यमानाः ।
दृद्राँ वा यत् पुष्यति रेक्णः सम्वारन् नकिरस्य मघानि ३
असावन्यो असुर सूयत् द्यौ स्त्वं विश्वेषां वरुणासि राजा ।
मूर्धा रथस्य चाकन् नैतावतैनसान्तकधुक ४
अस्मिन्स्वेऽतच्छकपूत एनो हिते मित्रे निर्गतान् हन्ति वीरान् ।
अवोर्वा यद्वात् तनूष्ववः प्रियासु यज्ञियास्वर्वा ५
युवोर्हि मातादितिर्विचेतसा द्यौरन भूमिः पर्यसा पुपूतनि ।
अव प्रिया दिदिष्टन् सूरौ निनिक्त रश्मिभिः ६
युवं ह्यप्रराजावसीदतं तिष्ठद्रथं न धूर्षदं वनर्षदम् ।
ता नः कणूकयन्ती नृमेधस्तत्रे अंहसः सुमेधस्तत्रे अंहसः ७

(८८) अष्टाशीतितमं सूक्तम्

(१-७) सप्तर्चस्यास्य सूक्तस्य पैजवनः सुदा ऋषिः । इन्द्रो देवता । (१-३)
प्रथमादितृचस्य शक्वरी, (४-६) चतुर्थ्यादितृचस्य महापङ्क्तिः, (७) सप्तम्यृचश्च
त्रिष्टुप् छन्दांसि

प्रो ष्वस्मै पुरोरथ मिन्द्राय शूषमर्चत ।
अभीकै चिदु लोककृत् संगे समत्सु वृत्रहा ऽस्माकं बोधि

चोदिता नभन्तामन्यकेषां ज्याका अधि धन्वसु १
 त्वं सिन्धूरवांसृजो ऽधराचो अहन्नहिम् ।
 अशत्रुरिन्द्र जज्ञिषे विश्वं पुष्यसि वार्यं तं त्वा परि ष्वजामहे
 नभन्तामन्यकेषां ज्याका अधि धन्वसु २
 वि षु विश्वा अरातयो ऽर्यो नशन्त नो धियः ।
 अस्तासि शत्रवे वृधं यो न इन्द्र जिघांसति या ते
 रातिर्दिर्वसु नभन्तामन्यकेषां ज्याका अधि धन्वसु ३
 यो न इन्द्राभितो जनौ वृकायुरादिदेशति ।
 अधस्पदं तमीं कृधि विबाधो असि
 सासहि नभन्तामन्यकेषां ज्याका अधि धन्वसु ४
 यो न इन्द्राभिदासति सनाभिर्यश्च निष्टयः ।
 अव तस्य बलं तिर महीव द्यौरध त्मना नभन्तामन्यकेषां ज्याका अधि
 धन्वसु ५
 वयमिन्द्र त्वायवः सखित्वमा रभामहे ।
 ऋतस्य नः पृथा नया ऽति विश्वानि दुरिता नभन्तामन्यकेषां ज्याका अधि
 धन्वसु ६
 अस्मभ्यं सु त्वमिन्द्र तां शिञ्ज या दोहते प्रति वरं जरित्रे ।
 अच्छिद्रोद्गी पीपयद्यथा नः सहस्रधारा पर्यसा मही गौः ७

(८६) एकोननवतितमं सूक्तम्

(१-७) सप्तर्चस्यास्य सूक्तस्य (१-५, ६) प्रथमादिपञ्चर्चा षष्ठ्याः पूर्वार्धस्य च
 यौवनाश्वो मान्धाता ऋषिः, (६-७) षष्ठ्या उत्तरार्धस्य सप्तम्याश्च गोधा ऋषिका ।
 इन्द्रो देवता । (१-६) प्रथमादिषडृचां महापङ्क्तिः, (७) सप्तम्याश्च पङ्क्तिश्चन्द्रसी
 उभे यदिन्द्र रोदसी आपप्राथोषा इव ।
 महान्तं त्वा महीनां सम्राजं चर्षणीनां देवी जनित्र्यजीजनद्द्रा
 जनित्र्यजीजनत् १
 अवं स्म दुर्हणायतो मर्तस्य तनुहि स्थिरम् ।
 अधस्पदं तमीं कृधि यो अस्मां आदिदेशति देवी जनित्र्यजीजनद्द्रा
 जनित्र्यजीजनत् २
 अव त्या बृहतीरिषो विश्वश्चन्द्रा अमित्रहन् ।

शचीभिः शक्र धूनुहीन्द्र विश्वाभिरूतिभिर्देवी जनित्र्यजीजनद्भद्रा
जनित्र्यजीजनत् ३

अव यत् त्वं शतक्रत्विन्द्र विश्वानि धूनुषे ।

रयिं न सुन्वते सर्वा सहस्रिणीभिरूतिभिर्देवी जनित्र्यजीजनद्भद्रा
जनित्र्यजीजनत् ४

अव स्वेदा इवाभितो विष्वक्पतन्तु दिद्यवः ।

दूर्वाया इव तन्तवो व्यश्मदैतु दुर्मतिर्देवी जनित्र्यजीजनद्भद्रा
जनित्र्यजीजनत् ५

दीर्घं ह्यङ्कुशं यथा शक्तिं बिभर्षि मन्तुमः ।

पूर्वेण मघवन् पदा ऽजो वयां यथा यमो देवी जनित्र्यजीजनद्भद्रा
जनित्र्यजीजनत् ६

नकिर्देवा मिनीमसि नकिरा योपयामसि मन्त्रश्रुत्यं चरामसि ।

पक्षेभिरपिकक्षेभिरत्राभि सं रभामहे ७

(६०) नवतितमं सूक्तम्

(१-७) सप्तर्चस्यास्य सूक्तस्य यामायनः कुमार ऋषिः । यमो देवता ।

अनुष्टुप् छन्दः

यस्मिन् वृक्षे सुपलाशे देवैः संपिबते यमः ।

अत्रा नो विश्पतिः पिता पुराणाँ अनु वेनति १

पुराणाँ अनुवेनन्तं चरन्तं पापयामुया ।

असूयन्नर्भ्यचाकशं तस्मा अस्पृहयंपुनः २

यं कुमार नवं रथं मचक्रं मनसाकृणोः ।

एकैषं विश्वतः प्राञ्च मपश्यन्नधि तिष्ठसि ३

यं कुमार प्रावर्तयो रथं विप्रैभ्यस्परि ।

तं सामानु प्रावर्तत समितो नाव्याहितम् ४

कः कुमारमजनय द्रथं को निरवर्तयत् ।

कः स्वित् तदद्य नो ब्रूया दनुदेयी यथाभवत् ५

यथाभवदनुदेयी ततो अग्रमजायत ।

पुरस्ताद्ध्व आर्ततः पश्चान्निरयणं कृतम् ६

इदं यमस्य सादनं देवमानं यदुच्यते ।

इयमस्य धम्यते नाळी रयं गीर्भिः परिष्कृतः ७

(६१) एकनवतितमं सूक्तम्

(१-७) सप्तर्चस्यास्य सूक्तस्य वातशनाः ((१) प्रथमर्चो जूतिः, (२) द्वितीयाया वातजूतिः, (३) तृतीयाया विप्रजूतिः, (४) चतुर्थ्या वृषाणकः, (५) पञ्चम्याः करिकृतः, (६) षष्ठ्या एतशः, (७) सप्तम्याश्च ऋष्यशृङ्गः) ऋषयः । केशिनः

(अग्निवायुसूर्याः) देवताः । अनुष्टुप् छन्दः

केश्यश्मिं केशी विषं केशी बिभर्ति रोदसी ।
केशी विश्वं स्वर्दृशे केशीदं ज्योतिरुच्यते १
मुनयो वातरशनाः पिशङ्गा वसते मला ।
वातस्यानु धार्जिं यन्ति यद्देवासो अविक्षत २
उन्मदिता मौनेयेन वाताँ आ तस्थिमा वयम् ।
शरीरेदस्माकं यूयं मर्तासो अभि पश्यथ ३
अन्तरिक्षेण पतति विश्वा रूपावचाकशत् ।
मुनिर्देवस्यदेवस्य सौकृत्याय सखा हितः ४
वातस्याश्वौ वायोः सखा ऽथौ देवेषितो मुनिः ।
उभौ समुद्रावा क्षैति यश्च पूर्वं उतापरः ५
अप्सरसां गन्धर्वाणां मृगाणां चरणे चरन् ।
केशी केतस्य विद्वान् त्सखा स्वादुर्मदिन्तमः ६
वायुरस्मा उपांमन्थत् पिनष्टि स्मा कुनन्नमा ।
केशी विषस्य पात्रेण यद्दुद्रेणापिबत् सह ७

(६२) द्विनवतितमं सूक्तम्

(१-७) सप्तर्चस्यास्य सूक्तस्य सप्तर्षयः ((१) प्रथमर्चो भरद्वाजः, (२) द्वितीयायाः कश्यपः, (३) तृतीयाया गोतमः, (४) चतुर्थ्या अत्रिः, (५) पञ्चम्या विश्वामित्रः, (६) षष्ठ्या जमदग्निः, (७) सप्तम्याश्च वसिष्ठः) ऋषयः ।

विश्वे देवा देवताः । अनुष्टुप् छन्दः

उत देवा अवहितं देवा उन्नयथा पुनः ।
उतागश्चक्रुषं देवा देवा जीवयथा पुनः १
द्वाविमौ वातौ वात आ सिन्धोरा परावतः ।

दक्षं ते अन्य आ वातु परान्यो वातु यद्रपः २
 आ वात वाहि भेषजं वि वात वाहि यद्रपः ।
 त्वं हि विश्वभेषजो देवानां दूत ईर्यसे ३
 आ त्वागमं शंतातिभि रथो अरिष्टतातिभिः ।
 दक्षं ते भद्रमाभार्षि परा यक्ष्मं सुवामि ते ४
 त्रायन्तामिह देवा स्त्रायतां मरुतां गुणः ।
 त्रायन्तां विश्वा भूतानि यथायमरपा असत् ५
 आप इद्वा उं भेषजी रापो अमीवचातनीः ।
 आपः सर्वस्य भेषजी स्तास्तै कृणवन्तु भेषजम् ६
 हस्ताभ्यां दशशाखाभ्यां जिह्वा वाचः पुरोगवी ।
 अनामयितुभ्यां त्वा ताभ्यां त्वोप स्पृशामसि ७

(६३) त्रिनवतितमं सूक्तम्

(१-६) षड्चस्यास्य सूक्तस्यौरवोऽङ्ग ऋषिः । इन्द्रो देवता । जगती छन्दः
 तव त्य इन्द्र सख्येषु वह्नय ऋतं मन्वाना व्यददिरुर्वलम् ।
 यत्रा दशस्यनुषसौ रिन्नपः कुत्साय मन्मन्नह्यश्च दंसयः १
 अवासृजः प्रस्वः श्वञ्चयो गिरी नुदाज उस्त्रा अपिबो मधु प्रियम् ।
 अवर्धयो वनिनो अस्य दंससा शशोच सूर्य ऋतजातया गिरा २
 वि सूर्यो मध्ये अमुचद्रथं दिवो विदद्दासाय प्रतिमानमार्यः ।
 दृळ्हानि पिप्रोरसुरस्य मायिन् इन्द्रो व्यास्यच्चकृवाँ ऋजिश्चना ३
 अनाधृष्टानि धृषितो व्यास्य न्निधीरदैवाँ अमृणदयास्यः ।
 मासेव सूर्यो वसु पुर्यमा ददे गृणानः शत्रूरशृणाद्विरुक्मता ४
 अयुद्धसेनो विभ्वा विभिन्दता दाशद्वत्रहा तुज्यानि तेजते ।
 इन्द्रस्य वज्रादबिभेदभिश्नथः प्राक्रामच्छुन्ध्यूरजहादुषा अनः ५
 एता त्या ते श्रुत्यानि केवला यदेक एकमकृणोरयज्ञम् ।
 मासां विधानमदधा अधि द्यवि त्वया विभिन्नं भरति प्रधिं पिता ६

(६४) चतुर्नवतितमं सूक्तम्

(१-६) षड्चस्यास्य सूक्तस्य गन्धर्वो विश्वावसुऋषिः । (१-३) प्रथमादितृचस्य
 सविता, (४-६) चतुर्थ्यादितृचस्य चात्मा देवते । त्रिष्टुप् छन्दः

सूर्यरश्मिर्हरिकेशः पुरस्तात् सविता ज्योतिरुदयाँ अजस्रम् ।
 तस्य पूषा प्रसवे यति विद्वान् त्संपश्यन् विश्वा भुवनानि गोपाः १
 नृचक्षा एष दिवो मध्यं आस्त आपप्रिवान् रोदसी अन्तरिक्षम् ।
 स विश्वाचीरभि चष्टे घृताचीरन्तरा पूर्वमपरं च केतुम् २
 रायो बुध्नः संगमनो वसूनां विश्वा रूपाभि चष्टे शचीभिः ।
 देव इव सविता सत्यधर्मेन्द्रो न तस्थौ समरे धनानाम् ३
 विश्वावसुं सोम गन्धर्वमापौ ददृशुषीस्तदृतेना व्यायन् ।
 तदन्ववैदिन्द्रो रारहाण आसां परि सूर्यस्य परिधीरपश्यत् ४
 विश्वावसुरभि तन्नो गृणातु दिव्यो गन्धर्वो रजसो विमानः ।
 यद्वा घा सत्यमुत यन्न विद्य धियो हिन्वानो धियु इन्नो अव्याः ५
 सस्त्रिमविन्दच्चरणे नदीना मपावृणोदुरो अश्मव्रजानाम् ।
 प्रासां गन्धर्वो अमृतानि वोच दिन्द्रो दक्षं परि जानादहीनाम् ६

(६५) पञ्चनवतितमं सूक्तम्

(१-६) षडृचस्यास्य सूक्तस्य पावकोऽग्निर्ऋषिः । अग्निर्देवता । (१-२)
 प्रथमाद्वितीययोर्ऋचोर्विष्टारपङ्क्तिः, (३-५) तृतीयादितृचस्य सतोबृहती, (६)

षष्ठ्याश्चोपरिष्ठाज्जचोतिश्छन्दांसि

अग्ने तव श्रवो वयो महि भ्राजन्ते अर्चयो विभावसो ।
 बृहद्भानो शर्वसा वाजमुक्थ्यं दधांसि दाशुषे कवे १
 पावकवर्चाः शक्रवर्चा अनूनवर्चा उदियर्षि भानुना ।
 पुत्रो मातरा विचरन्नुपावसि पृणक्षि रोदसी उभे २
 ऊर्जो नपाज्जातवेदः सुशस्तिभिर्मन्दस्व धीतिभिर्हितः ।
 त्वे इषुः सं दधुर्भूरिवर्षसश्चित्रोतयो वामजाताः ३
 इरज्यन्नग्ने प्रथयस्व जन्तुभिरस्मे रायो अमर्त्य ।
 स दर्शतस्य वपुषो वि राजसि पृणक्षि सानसिं क्रतुम् ४
 इष्कर्तारमध्वरस्य प्रचेतसं क्षयन्तं राधसो महः ।
 रातिं वामस्य सुभगा महीमिषं दधांसि सानसिं रयिम् ५
 ऋतावानं महिषं विश्वदर्शत मग्निं सुम्नाय दधिरे पुरो जनाः ।
 श्रुर्कं सप्रथस्तमं त्वा गिरा दैव्यं मानुषा युगा ६

(६६) षण्णवतितमं सूक्तम्

(१-६) षडृचस्यास्य सूक्तस्य तापसोऽग्निर्ऋषिः । विश्वे देवा देवताः ।

अनुष्टुप् छन्दः

अग्ने अच्छा वदेह नः प्रत्यङ् नः सुमना भव ।
 प्र नो यच्छ विशस्पते धनुदा असि नस्त्वम् १
 प्र नो यच्छत्वयमा प्र भगुः प्र बृहस्पतिः ।
 प्र देवाः प्रोत सूनृता रायो देवी ददातु नः २
 सोमं राजानमवसे ऽग्निं गीर्भिहवामहे ।
 आदित्यान् विष्णुं सूर्यं ब्रह्माणं च बृहस्पतिम् ३
 इन्द्रवायू बृहस्पतिं सुहवेह हवामहे ।
 यथा नः सर्व इज्जनः संगत्यां सुमना असत् ४
 अर्यमणं बृहस्पतिं मिन्द्रं दानाय चोदय ।
 वातं विष्णुं सरस्वतीं सवितारं च वाजिनम् ५
 त्वं नो अग्ने अग्निभिर्ब्रह्म यज्ञं च वर्धय ।
 त्वं नो देवतातये रायो दानाय चोदय ६

(६७) सप्तनवतितमं सूक्तम्

(१-८) अष्टर्चस्यास्य सूक्तस्य शाङ्गाः ((१-२) प्रथमाद्वितीययोर्ऋचोर्जरिता, (३-
 ४) तृतीयाचतुर्थयोर्द्रोणः, (५-६) पञ्चमीषष्ठयोः सारिसृक्तः, (७-८)
 सप्तम्यष्टम्योश्च स्तम्बमित्रः) ऋषयः । अग्निर्देवता । (१-२)
 प्रथमाद्वितीययोर्ऋचोर्जगती, (३-६) तृतीयादिचतसृणां त्रिष्टुप्, (७-८)

सप्तम्यष्टम्योश्चानुष्टुप् छन्दांसि

अयमग्ने जरिता त्वे अभूदपि सहसः सूनो नृह्यश्न्यदस्त्याप्यम् ।
 भद्रं हि शर्म त्रिवरुथमस्ति त आरे हिंसां नामपे दिद्युमा कृधि १
 प्रवत् तै अग्ने जनिमा पितूयतः साचीव विश्वा भुवना न्यृञ्जसे ।
 प्र सप्तयुः प्र संनिषन्त नो धिर्यः पुरश्चरन्ति पशुपा इव त्मना २
 उत वा उ परि वृणद्भि बप्सद्ब्रह्मोर्ग्न उलपस्य स्वधावः ।
 उत खिल्या उर्वराणां भवन्ति मा तै हेतिं तविषीं चुक्रुधाम ३
 यदुद्धतौ निवतो यासि बप्सत् पृथगेषि प्रगर्धिनीव सेना ।
 यदा ते वातौ अनुवाति शोचिर्वसैव श्मश्रु वपसि प्र भूम ४

प्रत्यस्य श्रेणयो ददृश्र एकं नियानं ब्रहवो रथासः ।
 ब्राहू यदग्ने अनुमर्मृजानो न्यङ्ङुत्तानामन्वेषि भूमिम् ५
 उत् ते शुष्मा जिहतामुत् ते अर्चि रूत् ते अग्ने शशमानस्य वाजाः ।
 उच्छ्वस्व नि नम वर्धमान आ त्वाद्य विश्वे वसवः सदन्तु ६
 अपामिदं न्ययनं समुद्रस्य निवेशनम् ।
 अन्यं कृणुष्वेतः पन्थां तेन याहि वशां अनु ७
 आर्यने ते परार्यणे दूर्वा रोहन्तु पुष्पिणीः ।
 हृदाश्च पुण्डरीकाणि समुद्रस्य गृहा इमे ८

अष्टमोऽध्यायः । व० १-४६ ।

(६८) अष्टनवतितमं सूक्तम्

(१-६) षड्चस्यास्य सूक्तस्य साङ्ख्योऽत्रिर्ऋषिः । अश्विनौ देवते । अनुष्टुप् छन्दः
 त्यं चिदत्रिमृतजुर मर्थमश्चं न यातवे ।
 कक्षीर्वन्तं यदी पुना रथं न कृणुथो नवम् १
 त्यं चिदश्चं न वाजिनं मरेणवो यमत्त ।
 दृळ्हं ग्रन्थिं न वि ष्यत् मत्रिं यविष्ठमा रजः २
 नरा दंसिष्ठावत्रये शुभ्रा सिषासतं धियः ।
 अथा हि वां दिवो नरा पुनः स्तोमो न विशसै ३
 चिते तद्वा सुराधसा रातिः सुमतिरश्विना ।
 आ यन्नः सदाने पृथौ समने पषथो नरा ४
 युवं भुज्युं समुद्र आ रजसः पार ईङ्घितम् ।
 यातमच्छा पत्रिभिर्नासत्या सातयै कृतम् ५
 आ वां सुमैः शंयू इव मंहिष्ठा विश्ववेदसा ।
 समस्मे भूषतं नरो त्सं न पिप्युषीरिषः ६

(६९) नवनवतितमं सूक्तम्

(१-६) षड्चस्यास्य सूक्तस्य तादर्यः सुपर्णो यामायन ऊर्ध्वकुशनो वा ऋषिः ।
 इन्द्रो देवता । (१, ३-४) प्रथमर्चस्तृतीयाचतुर्थ्योश्च गायत्री, (२) द्वितीयाया
 बृहती, (५) पञ्चम्याः सतोबृहती, (६) षष्ठ्याश्च विष्टारपङ्क्तिश्छन्दांसि
 अयं हि ते अमर्त्य इन्दुरत्यो न पत्यते । दक्षौ विश्वायुर्वेधसै १

अयमस्मासु काव्यं ऋभुर्वज्रो दास्वते ।
 अयं बिभर्त्यूर्ध्वकृशनं मदं मृभुर्न कृत्वयं मदम् २
 घृषुः श्येनायु कृत्वान आसु स्वासु वंसंगः । अर्व दीधेदहीशुर्वः ३
 यं सुपर्णः परावतः श्येनस्य पुत्र आभरत् ।
 शतचक्रं योऽह्यो वर्तनिः ४
 यं तै श्येनश्चारुमवृकं पदाभर दरुणं मानमन्धसः ।
 एना वयो वि तार्यायुर्जीवस एना जागार बन्धुता ५
 एवा तदिन्द्र इन्दुना देवेषु चिद्धारयाते महि त्यजः ।
 क्रत्वा वयो वि तार्यायुः सुक्रतो क्रत्वायमस्मदा सुतः ६

(१००) शततमं सूक्तम्

(१-६) षडृचस्यास्य सूक्तस्येन्द्राणी ऋषिका । सपत्नीबाधनरूपोऽर्थो देवता ।

(१-५) प्रथमादिपञ्चार्चामनुष्टुप्, (६) षष्ठ्याश्च पङ्क्तिश्छन्दसी

इमां खनाम्योषधिं वीरुधं बलवत्तमाम् ।
 यया सपत्नीं बाधते यया संविन्दते पतिम् १
 उत्तानपर्णे सुभगे देवजूते सहस्वति ।
 सपत्नीं मे परा धम पतिं मे केवलं कुरु २
 उत्तराहमुत्तर उत्तरेदुत्तराभ्यः ।
 अर्था सपत्नी या ममाऽधरा साधराभ्यः ३
 नृह्यस्या नाम गृभ्णामि नो अस्मिन् रमते जनै ।
 परामेव परावर्त सपत्नीं गमयामसि ४
 अहमस्मि सहमानाऽथ त्वमसि सासहिः ।
 उभे सहस्वती भूत्वी सपत्नीं मे सहावहै ५
 उप तेऽधां सहमाना मभि त्वाधां सहीयसा ।
 मामनु प्र ते मनो वृत्सं गौरिव धावतु पृथा वारिव धावतु ६

(१०१) एकोत्तरशततमं सूक्तम्

(१-६) षडृचस्यास्य सूक्तस्यैरम्मदो देवमुनिर्ऋषिः । अरण्यानी देवता ।

अनुष्टुप् छन्दः

अरण्यान्यरण्या न्यसौ या प्रेव नश्यसि ।

क॒था ग्रा॒मं न पृ॑च्छ॒सि न त्वा॒ भीरि॑व वि॒न्दती॑ १
 वृ॒षा॒र॒वाय॑ वद॒ते यदु॑पाव॒ति चि॒च्चिकः॑ ।
 आ॒घा॒टिभि॑रिव धा॒वय॑न्न॒र॒या॒निर्म॑ही॒यते २
 उ॒त गा॒व इ॒वाद् न्त्यु॑त वे॒शमै॑व दृ॒श्यते ।
 उ॒तो अ॑र॒या॒निः सा॒यं श॑क॒टीरि॑व सर्जति ३
 गा॒म॒ङ्गैष॑ आ ह॒यति॑ दा॒र्व॒ङ्गैषो॑ अ॒पाव॑धीत् ।
 व॒स॒न्न॒र॒या॒न्यां सा॒य म॑कु॒क्षदि॑ति॒ मन्य॑ते ४
 न वा अ॑र॒या॒निर्ह॑न्त्य॒न्यश्चे॒न्नाभि॑गच्छति ।
 स्वा॒दोः फ॑ल॒स्य ज॒ग्ध्वाय॑ यथा॒कामं॑ नि प॑द्यते ५
 आ॒ङ्ग॒नग॑न्धिं सु॒रभिं॑ ब॒ह॒न्नाम॑कृषी॒वलाम् ।
 प्रा॒हं मृ॒गाणां॑ मा॒तर॑म॒र॒या॒निर्म॑शंसिषम् ६

(१०२) द्व्युत्तरशततमं सूक्तम्

(१-५) पञ्चर्चस्यास्य सूक्तस्य शैरीषिः सुवेदा ऋषिः । इन्द्रो देवता । (१-४)

प्रथ॒मादि॑चतु॒र्भृचां॑ जगती, (५) पञ्चम्याश्च त्रिष्टुप् छन्दसी
 श्र॒त्तै द॑धामि प्रथ॒माय॑ म॒न्यवे॑ ऽह॒न्यद्व॑त्रं न॒र्यं वि॒वेर॑पः ।
 उ॒भे य॑त्त्वा भ॒वतो॑ रोद॒सी अ॒नु रे॑जते शु॒ष्मात् पृ॒थि॒वी चि॑दद्रि॒वः १
 त्वं मा॒याभि॑रनवद्य मा॒यिन॑ श्रव॒स्यता॑ मन॒सा वृ॒त्रम॑र्दयः ।
 त्वा॒मि॒न्नरौ॑ वृ॒णते॑ ग॒र्विष्टि॑षु त्वां वि॒श्वा॒सु ह॒व्या॒स्विष्टि॑षु २
 ऐ॒षु चा॑कन्धि॒ पुरु॑हूत॒ सूरि॑षु वृ॒धासो॑ ये म॒घव॑न्नान॒शुर्म॑घम् ।
 अ॒र्चन्ति॑ तो॒के तन॑ये॒ परि॑ष्टिषु मे॒धसा॑ता वा॒जिन॑म॒हये॑ धने ३
 स इ॒न्न रा॒यः सु॑भृतस्य चा॒कन् न्मदं॑ यो अ॒स्य र॑ह्यं चि॒कैत॑ति ।
 त्वा॒र्व॒धो म॑घवन् दा॒श्व॒ध्वरो॑ म॒क्षू स वा॑र्ज॒ भर॑ते ध॒ना नृ॑भिः ४
 त्वं श॒र्धाय॑ म॒हिना॑ गृ॒णान॑ उ॒रु कृ॑धि म॒घव॑ञ्छ॒ग्धि रा॒यः ।
 त्वं नो॑ मि॒त्रो व॑रु॒णो न मा॒यी पि॒त्वो न द॑स्म द॒यसे॑ वि॒भक्ता ५

(१०३) त्र्युत्तरशततमं सूक्तम्

(१-५) पञ्चर्चस्यास्य सूक्तस्य वैन्यः पृथुर्ऋषिः । इन्द्रो देवता । त्रिष्टुप् छन्दः
 सु॒ष्वा॒णास॑ इन्द्र॒ स्तुम॑सि॒ त्वा स॑स॒वांस॑श्च तु॒वि॒नृ॒ष्ण वा॑र्जम् ।
 आ नो॑ भर सु॒वितं॑ य॒स्य चा॑कन् त्मना॒ तना॑ स॒नुयाम्॑ त्वो॒ताः १

ऋष्वस्त्वमिन्द्र शूर जातो दासीर्विशः सूर्येण सह्याः ।
 गुहा हितं गुह्यं गूळहमप्सु बिभृमसि प्रस्रवणे न सोमम् २
 अर्यो वा गिरौ अभ्यर्च विद्वानृषीणां विप्रः सुमतिं चकानः ।
 ते स्याम ये रणयन्त सोमैरेनोत तुभ्यं रथोळह भुक्षैः ३
 इमा ब्रह्मेन्द्र तुभ्यं शंसि दा नृभ्यो नृणां शूर शर्वः ।
 तेभिर्भव सक्रतुर्येषु चाक न्रुत त्रायस्व गूणत उत स्तीन् ४
 श्रुधी हवमिन्द्र शूर पृथ्या उत स्तवसे वेन्यस्याकैः ।
 आ यस्ते योनिं घृतवन्तमस्वारूर्मिर्न निम्रैर्द्रवयन्त वक्वाः ५

(१०४) चतुरुत्तरशततमं सूक्तम्

(१-५) पञ्चर्चस्यास्य सूक्तस्य हैरण्यस्तूपोऽर्चनृषिः । सविता देवता ।

त्रिष्टुप् छन्दः

सविता यन्नैः पृथिवीमरम्णा दस्कम्भने सविता द्यामदंहत् ।
 अश्वमिवाधुक्षुद्धुनिमन्तरिक्ष मृतूते बद्धं सविता समुद्रम् १
 यत्रा समुद्रः स्कभितो व्यौनदपां नपात् सविता तस्य वेद ।
 अतो भूरत आ उत्थितं रजो ऽतो द्यावापृथिवी अप्रथेताम् २
 पश्चेदमन्यदभवद्यजत्र ममर्त्यस्य भुवनस्य भूना ।
 सुपर्णो अङ्ग सवितुर्गुरुत्मान् पूर्वो जातः स उ अस्यानु धर्म ३
 गाव इव ग्रामं यूयुधिरिवाश्वान्वाश्रेव वत्सं सुमना दुहाना ।
 पतिरिव जायामभि नो न्येतु धर्ता दिवः सविता विश्ववारः ४
 हिरण्यस्तूपः सवितुर्यथा त्वा ऽऽङ्गिरसो जुहे वाजे अस्मिन् ।
 एवा त्वार्चन्नवसे वन्दमानः सोमस्येवांशं प्रति जागराहम् ५

(१०५) पञ्चोत्तरशततमं सूक्तम्

(१-५) पञ्चर्चस्यास्य सूक्तस्य वासिष्ठो मृळीक ऋषिः । अग्निदेवता । (१-३)

प्रथमादितृचस्य बृहती, (४) चतुर्थ्या ऋच उपरिष्ठाञ्ज्योतिर्जगती वा, (५)

पञ्चम्याश्चोपरिष्ठाञ्ज्योतिश्छन्दांसि

समिद्धश्चित् समिध्यसे देवेभ्यो हव्यवाहन ।

आदित्यै रुद्रैर्वसुभिर्न आ गंहि मृळीकार्यं न आ गंहि १

इमं यज्ञमिदं वचो जुजुषाण उपागहि ।
 मर्तासस्त्वा समिधान हवामहे मृळीकाय हवामहे २
 त्वामु जातवैदसं विश्ववारं गृणे धिया ।
 अग्रै देवाँ आ वह नः प्रियव्रतान् मृळीकाय प्रियव्रतान् ३
 अग्निर्देवो देवानामभवत् पुरोहितो ऽग्निं मनुष्याः ऋषयः समीधिरे ।
 अग्निं महो धनसातावहं हवे मृळीकं धनसातये ४
 अग्निरत्रिं भरद्वाजं गविष्ठिरं प्रावन्नः कण्वं त्रसदस्युमाहवे ।
 अग्निं वसिष्ठो हवते पुरोहितो मृळीकाय पुरोहितः ५

(१०६) षडुत्तरशततमं सूक्तम्

(१-५) पञ्चर्चस्यास्य सूक्तस्य कामायनी श्रद्धा ऋषिका । श्रद्धा देवता ।

अनुष्टुप् छन्दः

श्रद्धयाग्निः समिध्यते श्रद्धया हूयते हविः ।
 श्रद्धां भगस्य मूर्धनि वचसा वैदयामसि १
 प्रियं श्रद्धे ददतः प्रियं श्रद्धे दिदासतः ।
 प्रियं भोजेषु यज्वस्विदं म उदितं कृधि २
 यथा देवा असुरेषु श्रद्धामुग्रेषु चक्रिरे ।
 एवं भोजेषु यज्वस्व स्माकमुदितं कृधि ३
 श्रद्धां देवा यजमाना वायुगोपा उपासते ।
 श्रद्धां हृदय्यश्याकूत्या श्रद्धया विन्दते वसु ४
 श्रद्धां प्रातर्हवामहे श्रद्धां मध्यंदिनं परि ।
 श्रद्धां सूर्यस्य निमृचि श्रद्धे श्रद्धापयेह नः ५

(१०७) सप्तोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शास ऋषिः । इन्द्रो देवता ।

अनुष्टुप् छन्दः

शास इत्था म्हाँ अस्य मित्रखादो अद्भुतः ।
 न यस्य हन्यते सखा न जीयते कदा चन १
 स्वस्तिदा विशस्पतिं वृत्रहा विमृधो वशी ।
 वृषेन्द्रः पुर एतु नः सोमपा अभयंकरः २

वि रक्षो वि मृधौ जहि वि वृत्रस्य हनू रुज ।
वि मन्युमिन्द्र वृत्रह नृमित्रस्याभिदासतः ३
वि न इन्द्र मृधौ जहि नीचा यच्छ पृतन्यतः ।
यो अस्माँ अभिदास त्यधरं गमया तमः ४
अपेन्द्र द्विषतो मनो ऽपु जिज्यासतो वधम् ।
वि मन्योः शर्म यच्छ वरीयो यवया वधम् ५

(१०८) अष्टोत्तरशततमं सूक्तम्

(१-५) पञ्चर्चस्यास्य सूक्तस्य देवजामय इन्द्रमातर ऋषिकाः । इन्द्रो देवता ।

गायत्री छन्दः

ईद्वयन्तीरपस्युव इन्द्रं जातमुपासते । भेजानासः सुवीर्यम् १
त्वमिन्द्र बलादधि सहसो जात ओजसः । त्वं वृषन् वृषेदसि २
त्वमिन्द्रासि वृत्रहा व्यश्नन्तरिक्षमतिरः । उद् द्यामस्तभ्ना ओजसा ३
त्वमिन्द्र सजोषस मुर्कं बिभर्षि ब्राह्मोः । वज्रं शिशान् ओजसा ४
त्वमिन्द्राभिभूरसि विश्वा जातान्योजसा । स विश्वा भुव आभवः ५

(१०९) नवोत्तरशततमं सूक्तम्

(१-५) पञ्चर्चस्यास्य सूक्तस्य वैवस्वती यमी ऋषिका । भाववृत्तं देवता ।

अनुष्टुप् छन्दः

सोम एकैभ्यः पवते घृतमेक उपासते ।
येभ्यो मधु प्रधावति ताँश्चिदेवापि गच्छतात् १
तपसा ये अनाधृष्या स्तपसा ये स्वर्ययुः ।
तपो ये चक्रिरे महस्ताँश्चिदेवापि गच्छतात् २
ये युध्यन्ते प्रधनेषु शूरासो ये तनूत्यजः ।
ये वा सहस्रदक्षिणास्ताँश्चिदेवापि गच्छतात् ३
ये चित् पूर्वं ऋतसापे ऋतावान् ऋतावृधः ।
पितृन् तपस्वतो यम ताँश्चिदेवापि गच्छतात् ४
सहस्रशीथाः कवयो ये गोपायन्ति सूर्यम् ।
ऋषीन् तपस्वतो यम तपोजाँ अपि गच्छतात् ५

(११०) दशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शिरिम्बिठ ऋषिः । (१, ४)
प्रथमाचतुर्थ्योर्ऋचोरलक्ष्मीघ्नोऽर्थः, (२-३) द्वितीयातृतीययोर्ब्रह्मणस्पतिः, (५)
पञ्चम्याश्च विश्वे देवा देवताः । अनुष्टुप् छन्दः

अरायि काणे विकटे गिरिं गच्छ सदान्वे ।
शिरिम्बिठस्य सत्वभिस्तेभिष्ठा चातयामसि १
चतो इतश्चत्तामुतः सर्वा भूणान्यारुषी ।
अराय्यं ब्रह्मणस्पते तीक्ष्णशृङ्गोदृषन्निहि २
अदो यद्दारु प्लवते सिन्धोः पारे अपूरुषम् ।
तदा रभस्व दुर्हणो तेन गच्छ परस्तरम् ३
यद्ध प्राचीरजगन्तो रौ मगडूरधाणिकीः ।
हुता इन्द्रस्य शत्रवः सर्वे बुद्धुदयाशवः ४
परीमे गार्मनेषत् पर्यग्निर्महषत ।
देवेष्वक्रत् श्रवः क इमाँ आ दधर्षति ५

(१११) एकादशोत्तरशततमं सूक्तम्

(१-५) पञ्चर्चस्यास्य सूक्तस्याग्नेयः केतुर्ऋषिः । अग्निर्देवता । गायत्री छन्दः
अग्निं हिन्वन्तु नो धियः सप्तिमाशुमिवाजिषु । तेन जेष्म धनं धनम् १
यया गा आकरामहे सेनयाग्ने तवोत्या । तां नो हिन्व मघत्तये २
आग्नें स्थूरं रयिं भर पृथुं गोमन्तमश्विनम् । अङ्घ्रि खं वर्तया पणिम् ३
अग्ने नक्षत्रमजर मा सूर्यं रोहयो दिवि । दधञ्ज्योतिर्जनैभ्यः ४
अग्नें केतुर्विशामसि प्रेष्टुः श्रेष्ठं उपस्थसत् । बोधां स्तोत्रे वयो दधत् ५

(११२) द्वादशोत्तरशततमं सूक्तम्

(१-५) पञ्चर्चस्यास्य सूक्तस्याप्तयो भुवनः, भौवनः साधनो वा ऋषिः । विश्वे देवा
देवताः । द्विपदा त्रिष्टुप् छन्दः

इमा नु कं भुवना सीषधामेन्द्रश्च विश्वे च देवाः १
यज्ञं च नस्तन्वं च प्रजां चाऽऽदित्यैरिन्द्रः सह चीक्लृपाति १ २
आदित्यैरिन्द्रः सर्गणो मरुद्भि रस्माकं भूत्वविता तनूनाम् ३
हत्वार्य देवा असुरान् यदार्यन् देवा देवत्वमभिरक्षमाणाः २ ४

प्रत्यञ्चमर्कमनयञ्छचीभि रादित् स्वधामिषिरां पर्यपश्यन् ३ ५

(११३) त्रयोदशोत्तरशततमं सूक्तम्

(१-५) पञ्चर्चस्यास्य सूक्तस्य सौर्यश्चक्षुर्ऋषिः । सूर्यो देवता । गायत्री छन्दः
सूर्यो नो दिवस्पातु वातो अन्तरिक्षात् । अग्निर्नः पार्थिवेभ्यः १
जोषा सवितर्यस्य ते हरः शतं सुवाँ अर्हति । पाहि नो दिद्युतः पतन्त्याः २
चक्षुर्नो देवः सविता चक्षुर्न उत पर्वतः । चक्षुर्धाता दधातु नः ३
चक्षुर्नो धेहि चक्षुषे चक्षुर्विख्यै तनूभ्यः । सं चेदं वि च पश्येम ४
सुसंदृशं त्वा वयं प्रति पश्येम सूर्य । वि पश्येम नृचक्षसः ५

(११४) चतुर्दशोत्तरशततमं सूक्तम्

(१-६) षड्चस्यास्य सूक्तस्य पौलोमी शची ऋषिका । शची देवता ।

अनुष्टुप् छन्दः

उदसौ सूर्यो अगा दुदयं मामको भर्गः ।
अहं तद्विद्वला पति म्भ्यसाक्षि विषासहिः १
अहं केतुरहं मूर्धा ऽहमुग्रा विवाचनी ।
ममेदनु क्रतुं पतिः सेहानाया उपाचरेत् २
मम पुत्राः शत्रुहणो ऽथौ मे दुहिता विराट् ।
उताहर्मस्मि संजया पत्यौ मे श्लोक उत्तमः ३
येनेन्द्रो हविषा कृत्व्य भवद्दद् द्युम्र्युत्तमः ।
इदं तदक्रि देवा असपत्ना किलाभिवम् ४
असपत्ना सपत्नी जयन्त्यभिभूवरी ।
आवृक्षमन्यासां वर्चो राधो अस्थैयसामिव ५
समजैषमिमा अहं सपत्नीरभिभूवरी ।
यथाहमस्य वीरस्य विराजानि जनस्य च ६

(११५) पञ्चदशोत्तरशततमं सूक्तम्

(१-५) पञ्चर्चस्यास्य सूक्तस्य वैश्वामित्रः पूरण ऋषिः । इन्द्रो देवता ।

त्रिष्टुप् छन्दः

तीव्रस्याभिर्वयसो अस्य पाहि सर्वरथा वि हरी इह मुञ्च ।

इन्द्र मा त्वा यजमानासो अन्ये नि रीरमन् तुभ्यमिमे सुतासः १
 तुभ्य सुतास्तुभ्यमु सोत्वास स्त्वां गिरः श्वात्र्या आ ह्वयन्ति ।
 इन्द्रेदमद्य सर्वनं जुषाणो विश्वस्य विद्वाँ इह पाहि सोमम् २
 य उशता मनसा सोममस्मै सर्वहदा देवकामः सुनोति ।
 न गा इन्द्रस्तस्य परा ददाति प्रशस्तमिच्चारुमस्मै कृणोति ३
 अनुस्पष्टो भवत्येषो अस्य यो अस्मै रेवान् न सुनोति सोमम् ।
 निररत्नौ मघवा तं दधाति ब्रह्मद्विषौ हन्त्यनानुदिष्टः ४
 अश्वायन्तौ गव्यन्तौ वाजयन्तो हवामहे त्वोपगन्तवा उ ।
 आभूषन्तस्ते सुमतौ नवायां वयमिन्द्र त्वा शनं हुवेम ५

(११६) षोडशोत्तरशततमं सूक्तम्

(१-५) पञ्चर्चस्यास्य सूक्तस्य प्राजापत्यो यक्ष्मनाशन ऋषिः । इन्द्राग्नी
 राजयक्ष्मघ्नरूपोऽर्थो वा देवता । (१-४) प्रथमादिचतुर्त्रिंशत्त्रिष्टुप्, (५)

पञ्चम्याश्चानुष्टुप् छन्दसी

मुञ्चामि त्वा हविषा जीवनाय क मज्ञातयक्ष्मादुत राजयक्ष्मात् ।
 ग्राहिर्जग्राह यदि वैतदेनं तस्या इन्द्राग्नी प्र मुमुक्तमेनम् १
 यदि क्षितायुर्यदि वा परेतो यदि मृत्योरन्तिकं नीत एव ।
 तमा हरामि निर्ऋतेरुपस्था दस्पर्षमेनं शतशारदाय २
 सहस्राक्षेण शतशारदेन शतार्युषा हविषाहर्षमेनम् ।
 शतं यथेमं शरदो नयातीन्द्रो विश्वस्य दुरितस्य पारम् ३
 शतं जीव शरदो वर्धमानः शतं हेमन्ताञ्छतमु वसन्तान् ।
 शतमिन्द्राग्नी संविता बृहस्पतिः शतार्युषा हविषेमं पुनर्दुः ४
 आहर्षि त्वाविदं त्वा पुनरागाः पुनर्नव ।
 सर्वाङ्ग सर्वं ते चक्षुः सर्वमार्युश्च तेऽविदम् ५

(११७) सप्तदशोत्तरशततमं सूक्तम्

(१-६) षड्चस्यास्य सूक्तस्य ब्राह्मो रक्षोहा ऋषिः । गर्भसमाधानरूपोऽर्थो देवता

। अनुष्टुप् छन्दः

ब्रह्मणाग्निः संविदानो रक्षोहा बाधतामितः ।
 अमीवा यस्ते गर्भं दुर्गामा योनिमाशयै १

यस्ते गर्भममीवा दुर्णामा योनिमाशयै ।
 अग्निष्टं ब्रह्मणा सह निष्क्रव्यादमनीनशत् २
 यस्ते हन्ति पतर्यन्तं निषत्सुं यः सरीसृपम् ।
 जातं यस्ते जिघासति तमितो नाशयामसि ३
 यस्त ऊरू विहरं त्यन्तरा दंपती शयै ।
 योनिं यो अन्तरारेळिह तमितो नाशयामसि ४
 यस्त्वा भ्राता पतिर्भूत्वा जारो भूत्वा निपद्यते ।
 प्रजां यस्ते जिघासति तमितो नाशयामसि ५
 यस्त्वा स्वप्नेन तमसा मोहयित्वा निपद्यते ।
 प्रजां यस्ते जिघासति तमितो नाशयामसि ६

(११८) अष्टादशोत्तरशततमं सूक्तम्

(१-६) षडृचस्यास्य सूक्तस्य काश्यपो विवृहा ऋषिः । यद्धमनाशनरूपोऽर्थो

देवता । अनुष्टुप् छन्दः

अक्षीभ्यां ते नासिकाभ्यां कर्णाभ्यां छुबुकादधि ।
 यद्धमं शीर्षण्यं मुस्तिष्का जिह्वाया वि वृहामि ते १
 ग्रीवाभ्यस्त उष्णिहाभ्यः कीकसाभ्यो अनूक्यात् ।
 यद्धमं दोषण्यं मंसाभ्यां ब्राहुभ्यां वि वृहामि ते २
 आन्त्रेभ्यस्ते गुदाभ्यो वनिष्ठोर्हदयादधि ।
 यद्धमं मत्स्राभ्यां यक्नः प्लाशिभ्यो वि वृहामि ते ३
 ऊरुभ्यां ते अष्टीवद्भ्यां पाष्णिभ्यां प्रपदाभ्याम् ।
 यद्धमं श्रोणिभ्यां भासदा ब्रंससो वि वृहामि ते ४
 मेहनाद्वनंकरणा ल्लोमभ्यस्ते नखेभ्यः ।
 यद्धमं सर्वस्मादात्मन स्तमिदं वि वृहामि ते ५
 अङ्गादङ्गाल्लोमोलोमो जातं पर्वणिपर्वणि ।
 यद्धमं सर्वस्मादात्मन स्तमिदं वि वृहामि ते ६

(११९) एकोनविंशत्युत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसः प्रचेता ऋषिः । दुःस्वप्ननाशनरूपोऽर्थो देवता

। (१-२, ४) प्रथमाद्वितीयाचतुर्थीनामृचामनुष्टुप्, (३) तृतीयायास्त्रिष्टुप्, (५)

पञ्चम्याश्च पङ्क्तिश्छन्दांसि

अपैहि मनसस्पते ऽपं क्राम पुरश्चर ।
 पुरो निर्ऋत्या आ चक्ष्व बहुधा जीवतो मनः १
 भद्रं वै वरं वृणते भद्रं युञ्जन्ति दक्षिणम् ।
 भद्रं वैवस्वते चक्षुर्बहुत्रा जीवतो मनः २
 यदाशसा निःशसाभिःशसौ पारिम जाग्रतो यत् स्वपन्तः ।
 अग्निर्विश्वान्यपं दुष्कृता न्यजुष्टान्यारे अस्मद् दधातु ३
 यदिन्द्र ब्रह्मणस्पते ऽभिद्रोहं चरामसि ।
 प्रचेता न आङ्गिरसो द्विषतां पात्वंहसः ४
 अजैष्माद्यासनाम् चा ऽभूमानागसो वयम् ।
 जाग्रत्स्वप्नः सङ्कल्पः पापो यं द्विष्मस्तं स ऋच्छतु यो नो द्वेष्टि तमृच्छतु ५

(१२०) विंशत्युत्तरशततमं सूक्तम्

(१-५) पञ्चर्चस्यास्य सूक्तस्य नैऋतः कपोत ऋषिः । विश्वे देवा देवताः ।

त्रिष्टुप् छन्दः

देवाः कपोत इषितो यदिच्छन् दूतो निर्ऋत्या इदमाजगाम ।
 तस्मा अर्चाम कृण्वाम निष्कृतिं शं नो अस्तु द्विपदे शं चतुष्पदे १
 शिवः कपोत इषितो नो अस्त्व नागा देवाः शकुनो गृहेषु ।
 अग्निर्हि विप्रो जुषतां हविर्नः परि हेतिः पक्षिणी नो वृणक्तु २
 हेतिः पक्षिणी न दधात्यस्मान्नाष्ट्यां पदं कृणुते अग्निधाने ।
 शं नो गोभ्यश्च पुरुषेभ्यश्चास्तु मा नो हिंसीदिह देवाः कपोतः ३
 यदुलूको वदति मोघमेत द्यत् कपोतः पदमग्रौ कृणोति ।
 यस्य दूतः प्रहित एष एतत् तस्मै यमाय नमो अस्तु मृत्यवे ४
 ऋचा कपोत नुदत प्रणोद् मिषं मदन्तः परि गां नयध्वम् ।
 संयोपर्यन्तो दुरितानि विश्वा हित्वा न ऊर्जं प्र पतात्पतिष्ठः ५

(१२१) एकविंशत्युत्तरशततमं सूक्तम्

(१-५) पञ्चर्चस्यास्य सूक्तस्य वैराजः शाक्वरो वा ऋषभ ऋषिः । सपत्नरूपोऽर्थो
 देवता । (१-४) प्रथमादिचतुर्चामनुष्टुप्, (५) पञ्चम्याश्च महापङ्क्तिश्छन्दसी
 ऋषभं मां समानानां सपत्नानां विषासहिम् ।

हन्तारं शत्रूणां कृधि विराजं गोपतिं गवाम् १
 अहमस्मि सपत्नहेन्द्र इवारिष्टो अक्षतः ।
 अधः सपत्नी मे पदो रिमे सर्वे अभिष्ठिताः २
 अत्रैव वोऽपि नह्याम्युभे आर्त्नी इव ज्यया ।
 वाचस्पते निषेधेमान् यथा मदधरं वदान् ३
 अभिभूरहमार्गमं विश्वकर्मेण धाम्ना ।
 आ वञ्चित्तमा वौ वृत मा वोऽहं समितिं ददे ४
 योगक्षेमं व आदायाऽहं भूयासमुत्तम आ वौ मूर्धानमक्रमीम् ।
 अधस्पदान्म उद्वदत मृगडूका इवोदका न्मृगडूका उदकादिव ५

(१२२) द्वाविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य विश्वामित्रजमदग्नी ऋषी । (१-२, ४)

प्रथमाद्वितीयाचतुर्थीनामृचामिन्द्रः, (३) तृतीयायाश्च

सोमवरुणबृहस्पत्यनुमतिमघवद्धातृविधातारो देवताः । जगती छन्दः

तुभ्येदमिन्द्र परि षिच्यते मधु त्वं सुतस्य कलशस्य राजसि ।
 त्वं रयिं पुरुवीरामु नस्कृधि त्वं तर्पः परितप्याजयः स्वः १
 स्वर्जितं महि मन्दानमन्धसो हवामहे परि शक्रं सुताँ उप ।
 इमं नो यज्ञमिह बोध्या गहि स्पृधो जयन्तं मघवामिमीमहे २
 सोमस्य राज्ञो वरुणस्य धर्मणि बृहस्पतेरनुमत्या उ शर्मणि ।
 तवाहमद्य मघवन्नपस्तुतौ धातुर्विधातः कलशाँ अभक्षयम् ३
 प्रसूतो भक्षमकरं चरावपि स्तोमं चेमं प्रथमः सूरिरुन्मृजे ।
 सुते सातेन यद्यार्गमं वां प्रति विश्वामित्रजमदग्नी दमै ४

(१२३) त्रयोविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य वातायनोऽनिल ऋषिः । वायुर्देवता ।

त्रिष्टुप् छन्दः

वातस्य नु महिमानं रथस्य रुजन्नैति स्तनयन्नस्य घोषः ।
 दिविस्पृग्यात्यरुणानि कृणवन्नतो एति पृथिव्या रेणुमस्यन् १
 सं प्रेरते अनु वातस्य विष्ठा ऐर्न गच्छन्ति समनं न योषाः ।
 ताभिः सयुक सरथं देव ईयते ऽस्य विश्वस्य भुवनस्य राजा २

अन्तरिक्षे पृथिभिरीयमानो न नि विशते कतमच्चनाहः ।
 अपां सर्वा प्रथमजा ऋतावा क्व स्वजातः कुत आ बभूव ३
 आत्मा देवानां भुवनस्य गर्भो यथावशं चरति देव एषः ।
 घोषा इदस्य शृणिवरे न रूपं तस्मै वाताय हविषा विधेम ४

(१२४) चतुर्विंशत्युत्तरशततमं सूक्तम्

(१-४) चतुर्ऋचस्यास्य सूक्तस्य काक्षीवतः शबर ऋषिः । गावो देवताः ।

त्रिष्टुप् छन्दः

मयोभूर्वातो अभि वातूस्त्रा ऊर्जस्वतीरोषधीरा रिशन्ताम् ।
 पीवस्वतीर्जीवधन्याः पिब न्त्ववसाय पद्वतै रुद्र मृळ १
 याः सरूपा विरूपा एकरूपा यासामग्निरिष्ट्या नामानि वेद ।
 या अङ्गिरस्तपसेह चक्रु स्ताभ्यः पर्जन्य महि शर्म यच्छ २
 या देवेषु तन्वश्मैरयन्त यासां सोमो विश्वा रूपाणि वेद ।
 ता अस्मभ्यं पर्यसा पिन्वमानाः प्रजावतीरिन्द्र गोष्ठे रिरीहि ३
 प्रजापतिर्मह्यमेता रराणो विश्वैर्देवैः पितृभिः संविदानः ।
 शिवाः सतीरुप नो गोष्ठमाकस्तासां वयं प्रजया सं सदेम ४

(१२५) पञ्चविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य सूर्यो विभ्राडृषिः । सूर्यो देवता । (१-३)

प्रथमादितृचस्य जगती, (४) चतुर्थ्या ऋचश्चास्तारपङ्क्तिश्छन्दसी

विभ्राड् बृहत् पिबतु सोम्यं मध्वायुर्दधद्यज्ञपतावविहुतम् ।
 वातजूतो यो अभिरक्षति त्मना प्रजाः पुपोष पुरुधा वि राजति १
 विभ्राड् बृहत् सुभृतं वाजसातमं धर्मन् दिवो धरुणो सत्यमर्पितम् ।
 अमित्रहा वृत्रहा दस्युहंतमं ज्योतिर्जज्ञे असुरहा सपत्नहा २
 इदं श्रेष्ठं ज्योतिषां ज्योतिरुत्तमं विश्वजिद्धं न जिदुच्यते बृहत् ।
 विश्वभ्राड् भ्राजो महि सूर्यो दृश उरु पप्रथे सह ओजो अच्युतम् ३
 विश्वजज्ञ्योतिषा स्वश् रगच्छो रोचनं दिवः ।
 येनेमा विश्वा भुवनान्याभृता विश्वकर्मणा विश्वदैव्यावता ४

(१२६) षड्विंशत्युत्तरशततमं सूक्तम्

(१-४) चतुर्ऋचस्यास्य सूक्तस्य भार्गव इट ऋषिः । इन्द्रो देवता । गायत्री छन्दः
त्वं त्यमि॒टतो॑ रथ॒ मिन्द्र॑ प्रा॒वः सु॒ताव॑तः । अ॒शृ॒णोः सो॒मिनो॑ ह॒वम् १
त्वं म॒खस्य॑ दो॒र्धतः॑ शिरोऽव॑ त्व॒चो भ॑रः । अ॒गच्छः॑ सो॒मिनो॑ गृ॒हम् २
त्वं त्यमि॒न्द्र म॒र्त्यमा॑स्त्रबु॒धाय॑ वे॒न्यम् । मु॒हुः श्र॒थ्ना म॒न॒स्यवै॑ ३
त्वं त्यमि॒न्द्र सूर्यं॑ प॒श्चा स॒न्त॑ पु॒रस्कृ॑धि । दे॒वानां॑ चि॒त्तिरो॑ व॒शाम् ४

(१२७) सप्तविंशत्युत्तरशततमं सूक्तम्

(१-४) चतुर्ऋचस्यास्य सूक्तस्याङ्गिरसः संवर्त ऋषिः । उषा देवता । द्विपदा
विराट् छन्दः

आ या॑हि व॒नसा॑ स॒ह गा॑वः स॒चन्त॑ व॒र्तनिं॑ यदू॒र्धभिः॑ १
आ या॑हि व॒स्व्या धि॒या मं॑हि॒ष्ठो जा॑र॒यन्म॑खः सु॒दानु॑भिः १ २
पि॒तुभृ॑तो न तन्तु॒मित् सु॒दान॑वः प्र॒ति द॑ध्मो य॒जाम॑सि ३
उ॒षा अप॑ स्व॒सुस्त॑मः सं॒ वर्त॑यति व॒र्तनिं॑ सु॒जा॒तता॑ २ ४

(१२८) अष्टाविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो ध्रुव ऋषिः । राजस्तुतिर्देवता ।
अनुष्टुप् छन्दः

आ त्वा॑हा॒र्षम॒न्तरे॑धि ध्रु॒वस्ति॑ष्ठावि॒चाच॑लिः ।
वि॒शा॒स्त्वा सर्वा॑ वाञ्छन्तु॒ मा त्व॑द्राष्ट्रमधि॒ भ्रशत् १
इ॒हैवै॑धि॒ मापं॑ च्यो॒ष्ठाः प॑र्व॒त इ॒वावि॑चाचलिः ।
इ॒न्द्र इ॒वेह॑ ध्रु॒वस्ति॑ष्ठे॒ ह रा॑ष्ट्रमु॒ धार॑य २
इ॒ममि॑न्द्रो॒ अदी॑धरद् ध्रु॒वं ध्रु॒वेण॑ ह॒विषा॑ ।
तस्मै॑ सो॒मो अ॒धि ब्र॑वत् तस्मा॑ उ॒ ब्रह्म॑णस्पतिः ३
ध्रु॒वा द्यौर्ध्रु॑वा पृ॒थि॒वी ध्रु॒वासः॑ प॒र्वता॑ इ॒मे ।
ध्रु॒वं वि॒श्वमि॑दं जगद् ध्रु॒वो राजा॑ वि॒शाम॑यम् ४
ध्रु॒वं ते॒ राजा॑ वरु॒णो ध्रु॒वं दे॒वो बृ॑हस्पतिः ।
ध्रु॒वं त॒ इन्द्र॑श्चाग्निश्च॒ राष्ट्रं॑ धारयतां ध्रु॒वम् ५
ध्रु॒वं ध्रु॒वेण॑ ह॒विषा॑ ऽभि सोमं मृशामसि ।
अथो॑ त॒ इन्द्रः॑ के॒वली॑ वि॒शो ब॑लि॒हत॑स्करत् ६

(१२६) एकोनत्रिंशदुत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसोऽभीवर्त ऋषिः । राजस्तुतिर्देवता ।

अनुष्टुप् छन्दः

अभीवृतेन हविषा येनेन्द्रो अभिवावृते ।
 तेनास्मान् ब्रह्मणस्पते ऽभि राष्ट्राय वर्तय १
 अभिवृत्य सपत्ना नभि या नो अरातयः ।
 अभि पृतन्यन्तं तिष्ठा ऽभि यो न इरस्यति २
 अभि त्वा देवः सविता ऽभि सोमो अवीवृतत् ।
 अभि त्वा विश्वा भूता न्यभीवृतो यथाससि ३
 येनेन्द्रो हविषा कृत्व्यभवद् द्युम्रयुत्तमः ।
 इदं तदक्रि देवा असपत्नः किलाभुवम् ४
 असपत्नः सपत्नहा ऽभिराष्ट्रो विषासहिः ।
 यथाहमेषां भूतानां विराजानि जनस्य च ५

(१३०) त्रिंशदुत्तरशततमं सूक्तम्

(१-४) चतुर्चस्यास्य सूक्तस्यार्बुदिः सार्ष ऊर्ध्वग्रावा ऋषिः । ग्रावाणो देवताः

। गायत्री छन्दः

प्र वो ग्रावाणः सविता देवः सुवतु धर्मणा । धूर्षु युज्यध्वं सुनुत १
 ग्रावाणो अप दुच्छुना मप सेधत दुर्मतिम् । उस्त्राः कर्तन भेषजम् २
 ग्रावाण उपरेष्वा महीयन्ते सजोषसः । वृष्णे दधतो वृष्यम् ३
 ग्रावाणः सविता नु वो देवः सुवतु धर्मणा । यजमानाय सुन्वते ४

(१३१) एकत्रिंशदुत्तरशततमं सूक्तम्

(१-४) चतुर्चस्यास्य सूक्तस्यार्भवः सूनुर्ऋषिः । (१) प्रथमर्च ऋभवः, (२-४) द्वितीयादितृचस्य चाग्निर्देवता । (१, ३-४) प्रथमर्चस्तृतीयाचतुर्थ्योरनुष्टुप्, (२)

द्वितीयायाश्च गायत्री छन्दसी

प्र सूनव ऋभूणां बृहन्नवन्त वृजना ।
 क्षामा ये विश्वधायसो ऽश्नन् धेनुं न मातरम् १
 प्र देवं देव्या धिया भरता जातवैदसम् ।
 हव्या नो वक्षदानुषक् २

अयमुष्य प्र देवयुर्होता यज्ञाय नीयते ।
रथो न योर्भीर्वृतो घृणीवाञ्चेतति त्मना ३
अयमग्निरुरुष्यत्य मृतादिव जन्मनः ।
सहसश्चित् सहीयान् देवो जीवातवे कृतः ४

(१३२) द्वात्रिंशदुत्तरशततमं सूक्तम्

(१-३) तृचस्यास्य सूक्तस्य प्राजापत्यः पतङ्ग ऋषिः । मायाभेदो देवता । (१)
प्रथमर्चो जगती, (२-३) द्वितीयातृतीययोश्च त्रिष्टुप् छन्दसी
पतङ्गमुक्तमसुरस्य मायया हृदा पश्यन्ति मनसा विपश्चितः ।
समुद्रे अन्तः कवयो वि चक्षते मरीचीनां पदमिच्छन्ति वेधसः १
पतङ्गो वाचं मनसा बिभर्ति तां गन्धर्वोऽवदद्भै अन्तः ।
तां द्योतमानां स्वयं मनीषा मृतस्य पदे कवयो नि पान्ति २
अपश्यं गोपामनिपद्यमान् मा च परा च पृथिभिश्चरन्तम् ।
स सध्रीचीः स विषूचीर्वसान् आ वरीवर्ति भुवनेष्वन्तः ३

(१३३) त्रयस्त्रिंशदुत्तरशततमं सूक्तम्

(१-३) तृचस्यास्य सूक्तस्य तादर्योऽरिष्टनेमिर्ऋषिः । तादर्यो देवता ।
त्रिष्टुप् छन्दः

त्यमू षु वाजिनं देवजूतं सहावानं तरुतारं रथानाम् ।
अरिष्टनेमिं पृतनाजमाशुं स्वस्तये तादर्यमिहा हुवेम १
इन्द्रस्येव रातिमाजोहुवानाः स्वस्तये नार्वमिवा रुहेम ।
उर्वी न पृथ्वी बहुले गर्भीरे मा वामेतौ मा परेतौ रिषाम २
सद्यश्चिद्यः शर्वसा पञ्च कृष्टीः सूर्य इव ज्योतिषापस्ततान् ।
सहस्रसाः शतसा अस्य रंहिर्न स्मा वरन्ते युवतिं न शर्याम् ३

(१३४) चतुस्त्रिंशदुत्तरशततमं सूक्तम्

(१-३) तृचस्यास्य सूक्तस्य (१) प्रथमर्च औशीनरः शिबिः, (२) द्वितीयायाः
काशिराजः प्रतर्दनः, ३ तृतीयायाश्च रौहिदश्चो वसुमना ऋषयः । इन्द्रो देवता ।
(१) प्रथमर्चोऽनुष्टुप्, (२-३) द्वितीयातृतीययोश्च त्रिष्टुप् छन्दसी
उत्तिष्ठताव पश्यतेन्द्रस्य भागमृत्वियम् ।

यदि श्रातो जुहोतन् यद्यश्रातो ममत्तनं १
 श्रातं हविरो ष्विन्द्र प्र याहि जगाम सूरु अध्वनो विमध्यम् ।
 परि त्वासते निधिभिः सखायः कुलपा न ब्राजपतिं चरन्तम् २
 श्रातं मन्य ऊर्धनि श्रातमग्नौ सुश्रातं मन्ये तदृतं नवीयः ।
 माध्यन्दिनस्य सर्वनस्य दुध्नः पिबैन्द्र वज्रिन् पुरुकृजुषाणः ३

(१३५) पञ्चत्रिंशदुत्तरशततमं सूक्तम्

(१-३) तृचस्यास्य सूक्तस्यैन्द्रो जय ऋषिः । इन्द्रो देवता । त्रिष्टुप् छन्दः
 प्र संसाहिषे पुरुहूत शत्रूञ्जयेष्टे शुष्मं इह रातिरस्तु ।
 इन्द्रा भर दक्षिणेना वसूनि पतिः सिन्धूनामसि रेवतीनाम् १
 मृगो न भीमः कुचरो गिरिष्ठाः परावत आ जगन्था परस्याः ।
 सूकं संशायं पविमिन्द्र त्रिगमं वि शत्रून् ताळिह वि मृधो नुदस्व २
 इन्द्रं क्षत्रमभि वाममोजो ऽजायथा वृषभ चर्षणीनाम् ।
 अपानुदो जनममित्रयन्तं मुरुं देवेभ्यो अकृणोरु लोकम् ३

(१३६) षट्त्रिंशदुत्तरशततमं सूक्तम्

(१-३) तृचस्यास्य सूक्तस्य (१) प्रथमर्चो वासिष्ठः प्रथः, (२) द्वितीयाया
 भारद्वाजः सप्रथः, (३) तृतीयायाश्च सौर्यो घर्म ऋषयः । विश्वे देवा देवताः ।
 त्रिष्टुप् छन्दः

प्रथश्च यस्य सप्रथश्च नामा ऽऽनुष्टुभस्य हविषो हविर्यत् ।
 धातुर्द्युतानात् सवितुश्च विष्णो रथन्तरमा जभारा वसिष्ठः १
 अविन्दन्ते अतिहितं यदासी द्यज्ञस्य धामं परमं गुहा यत् ।
 धातुर्द्युतानात् सवितुश्च विष्णो भरद्वाजो बृहदा चक्रे अग्नेः २
 तैऽविन्दन् मनसा दीध्याना यजुः ष्कन्नं प्रथमं देवयानम् ।
 धातुर्द्युतानात् सवितुश्च विष्णो रा सूर्यादभरन् घर्ममेते ३

(१३७) सप्तत्रिंशदुत्तरशततमं सूक्तम्

(१-३) तृचस्यास्य सूक्तस्य बार्हस्पत्यस्तपुर्मूर्धा ऋषिः । बृहस्पतिर्देवता ।
 त्रिष्टुप् छन्दः

बृहस्पतिर्नयतु दुर्गहा तिरः पुनर्नेषदघशासायु मन्म ।

द्विपदशस्तिमपं दुर्मतिं ह न्नथां करघजमानाय शं योः १
नराशंसौ नोऽवतु प्रयाजे शं नौ अस्त्वनुयाजो हवेषु ।
द्विपदशस्तिमपं दुर्मतिं ह न्नथां करघजमानाय शं योः २
तपुर्मूर्धा तपतु रक्षसो ये ब्रह्मद्विषः शरवे हन्तवा उ ।
द्विपदशस्तिमपं दुर्मतिं ह न्नथां करघजमानाय शं योः ३

(१३८) अष्टात्रिंशदुत्तरशततमं सूक्तम्

(१-३) तृचस्यास्य सूक्तस्य प्राजापत्यः प्रजावानृषिः । (१) प्रथमर्चो यजमानः,
(२) द्वितीयाया यजमानपत्नी, (३) तृतीयायाश्च होत्राशिषो देवताः । त्रिष्टुप् छन्दः
अपश्यं त्वा मनसा चेकितानं तपसो जातं तपसो विभूतम् ।
इह प्रजामिह रयिं रराणः प्र जायस्व प्रजया पुत्रकाम १
अपश्यं त्वा मनसा दीध्यानां स्वारां तनू ऋत्वये नाधमानाम् ।
उप मामुच्चा युवतिर्बभूयाः प्र जायस्व प्रजया पुत्रकामे २
अहं गर्भमदधामोषधी ष्वहं विश्वेषु भुवनेष्वन्तः ।
अहं प्रजा अजनयं पृथिव्या महं जनिभ्यो अपरीषु पुत्रान् ३

(१३९) एकोनचत्वारिंशदुत्तरशततमं सूक्तम्

(१-३) तृचस्यास्य सूक्तस्य गर्भकर्ता त्वष्टा प्राजापत्यो विष्णुर्वा ऋषिः । (१)
प्रथमर्चो विष्णुत्वष्टप्रजापतिधातारः, (२) द्वितीयायाः सिनीवालीसरस्वत्यश्विनः,
(३) तृतीयायाश्चाश्विनौ देवताः । अनुष्टुप् छन्दः
विष्णुर्योनिं कल्पयतु त्वष्टा रूपाणि पिंशतु ।
आ सिञ्चतु प्रजापतिर्धाता गर्भं दधातु ते १
गर्भं धेहि सिनीवालि गर्भं धेहि सरस्वति ।
गर्भं ते अश्विनौ देवा वा धत्तां पुष्करस्रजा २
हिरण्ययी अरणी यं निर्मन्थतो अश्विना ।
तं ते गर्भं हवामहे दशमे मासि सूतवे ३

(१४०) चत्वारिंशदुत्तरशततमं सूक्तम्

(१-३) तृचस्यास्य सूक्तस्य वारुणिः सत्यधृतिर्ऋषिः । आदित्यो देवता ।
गायत्री छन्दः

महिं त्रीणामवोऽस्तु द्युक्षं मित्रस्यार्यम्णः । दुराधर्षं वरुणस्य १
 नहि तेषाममा चन नाध्वंसु वारणेषु । ईशे रिपुरघशंसः २
 यस्मै पुत्रासो अदितेः प्र जीवसे मर्त्याय । ज्योतिर्यच्छन्त्यजस्रम् ३

(१४१) एकचत्वारिंशदुत्तरशततमं सूक्तम्

(१-३) तृचस्यास्य सूक्तस्य वातायन उल ऋषिः । वायुर्देवता । गायत्री छन्दः
 वात आ वातु भेषजं शंभु मयोभु नो हृदे । प्र ण आर्यूषि तारिषत् १
 उत वात पितासि न उत भ्रातोत नः सखा । स नो जीवातवे कृधि २
 यददो वात ते गृहेऽमृतस्य निधिर्हितः । ततो नो देहि जीवसे ३

(१४२) द्विचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्याग्नेयो वत्स ऋषिः । अग्निर्देवता । गायत्री छन्दः
 प्राग्रये वाचमीरय वृषभाय द्वितीनाम् । स नः पर्षदति द्विषः १
 यः परस्याः परावत स्तिरो धन्वातिरोचते । स नः पर्षदति द्विषः २
 यो रक्षासि निजूर्वति वृषा शक्रेण शोचिषा । स नः पर्षदति द्विषः ३
 यो विश्वाभि विपश्यति भुवना सं च पश्यति । स नः पर्षदति द्विषः ४
 यो अस्य पारे रजसः शक्रो अग्निरजायत । स नः पर्षदति द्विषः ५

(१४३) त्रिचत्वारिंशदुत्तरशततमं सूक्तम्

(१-३) तृचस्यास्य सूक्तस्याग्नेयः श्येन ऋषिः । जातवेदा अग्निर्देवता ।
 गायत्री छन्दः
 प्र नूनं जातवेदस मश्वं हिनोत वाजिनम् । इदं नो बर्हिरासदे १
 अस्य प्र जातवेदसो विप्रवीरस्य मीळहुषः । महीमियर्मि सुष्टुतिम् २
 या रुचो जातवेदसो देवत्रा हव्यवाहनीः । ताभिर्नो यज्ञमिन्वतु ३

(१४४) चतुश्चत्वारिंशदुत्तरशततमं सूक्तम्

(१-३) तृचस्यास्य सूक्तस्य सार्षपाज्ञी ऋषिका । आत्मा सूर्यो वा देवता ।
 गायत्री छन्दः
 आयं गौः पृश्निरक्रमी दसदन्मातरं पुरः । पितरं च प्रयन्त्स्वः १
 अन्तश्चरति रोचना ऽस्य प्राणादपानती । व्यख्यन्महिषो दिवम् २
 त्रिंशद्धाम वि राजति वाक् पतङ्गाय धीयते । प्रति वस्तोरह द्युभिः ३

(१४५) पञ्चचत्वारिंशदुत्तरशततमं सूक्तम्

(१-३) तृचस्यास्य सूक्तस्य माधुच्छन्दसोऽघमर्षण ऋषिः । भाववृत्तं देवता ।

अनुष्टुप् छन्दः

ऋतं च सत्यं चाभीद्धात् तपसोऽध्यजायत । ततो रात्र्यजायत ततः समुद्रो
अर्णवः १

समुद्रादर्णवादधि संवत्सरो अजायत । अहोरात्राणि विदध द्विश्वस्य मिषतो
वशी २

सूर्याचन्द्रमसौ धाता यथापूर्वमकल्पयत् । दिवं च पृथिवीं चान्तरिक्षमथो
स्वः ३

(१४६) षट्चत्वारिंशदुत्तरशततमं सूक्तम्

(१-४) चतुर्ऋचस्यास्य सूक्तस्याङ्गिरसः संवनन ऋषिः । (१) प्रथमर्चोऽग्निः,

(२-४) द्वितीयादितृचस्य च सञ्ज्ञानं देवते । (१-२, ४)

प्रथमाद्वितीयाचतुर्थीनामृचामनुष्टुप्, (३) तृतीयायाश्च त्रिष्टुप् छन्दसी

संसमिद्युवसे वृषन्नग्ने विश्वान्यर्य आ ।

इळस्पदे समिध्यसे स नो वसून्या भर १

सं गच्छध्वं सं वदध्वं सं वो मनांसि जानताम् ।

देवा भागं यथा पूर्वे संजानाना उपासते २

समानो मन्त्रः समितिः समानी समानं मनः सह चित्तमेषाम् ।

समानं मन्त्रमभि मन्त्रये वः समानेन वो हविषा जुहोमि ३

समानी व आकूतिः समाना हृदयानि वः ।

समानमस्तु वो मनो यथा वः सुसहासति ४

इत्यष्टमोऽष्टकः

ऋग्वेदसंहिता समाप्ता